

PANG SABADO NGA MGA PAGTULON-AN SA BIBLEA

Dibisyon sa mga Hamtong



Magapatalinghug sa *Tingog sa Dios*

Vol. 91, No. 3

Hulyo — Septembre, 2015

Mga Sulod

1. Puede Ba Nga Maako ang Inyong Atensyon?	5
2. Praktikal nga Pagpaminaw	10
3. Ang Tingog sa Dios diha sa Kinaiyahan	15
4. Mga Ambasadador sa Dios	20
5. Ang Tingog sa Dios diha sa Iglesia	26
6. Magapaminaw sa Pulong sa Dios	31
7. Unsaon ang Pagtoon sa Biblea	36
8. Pagpanabut	41
9. Pagbantay sa Pagka-gahi ug Ulo	46
10. Magapaminaw sa walay Pagduhaduha	52
11. Usa ka Kaagi sa Pagpaminaw ngadto sa Dios	57
12. Si Jesus Nagapatalinghug sa Iyang Amahan	62
13. "Sulti, Ginoo"	67

Pang Sabado nga mga Pagtulon-an sa Biblea, usa ka inadlaw nga programa sa pagtoon, gipasikad lamang gayud diha sa Biblea ug sa Spiritu sa Tagna nga walay dugang nga mga komentaryo. Ang mga kinutlo minugbo kutob sa mahimo aron sa paghatag ug laktod, deritso nga mga panghunahuna. Mga korsete [] (brackets) gibutang diha sa pipila ka higayon aron sa paghatag ug kaklaro, husto nga konteksto, ug hapsay nga pagbasa. Dugang nga pagtoon diha sa mga tinubdang materyales girekomendar gayud.

PASI-UNA

Ngano nga hilabihan ka daghang tingog ang ani-a sa kalibutan karon, asa man kita moliso aron sa pagkaplag sa kamatuoran? Unsaon nato ang pagkasayud sa kabubut-on sa Dios ug magbantay batok sa mga limbong ni Satanas? Mahinungdanon ba gayud kon unsa ang atong too-han?

“Ngadto sa kasugoan ug sa pagpamatuod: kon sila dili magasulti sumala niining pulonga, sa pagkamatuod walay kahayag diha kanila’ (Isaias 8:20). Ang katawohan sa Dios gimando-an ngadto sa mga Kasulatan ingon nga ilang panalipud batok sa inpluensya sa bakakon nga mga magtutudlo ug sa malimbungon nga gahom sa mga spiritu sa kangitngit. Si Satanas nagagamit sa matag mahimo nga pamaagi aron sa pagbabag sa mga tawo gikan sa pagbaton ug kahibalo sa Biblea; tungod kay ang klaro nga sinultihan niini nagpahayag man sa iyang mga limbong. Diha sa matag pagpabuhi sa buhat sa Dios ang prinsipie sa dautan mapukaw ngadto sa labi pa ka mainiton nga buhat; iya na gigamit karon ang iyang maarangan nga mga panlimbasug alang sa katapusang pagpakigbisug batok kang Cristo ug sa Iyang mga sumosunod. Ang katapusang dako nga limbong sa dili madugay mabuksan na sa atong atubangan. Ang anti-Cristo magahimo sa iyang kahibulongan mga buhat diha sa atong panan-aw. Sa hilabihan ka suod ang mini magpakita nga pupariho sa matuod nga tungod niana malisud ang pag-ila tali kanila gawas kon pinaagi sa Balaang Kasulatan. Pinaagi sa ilang pagpamatuod ang matag pahayag ug ang matag milagro kinahanglan nga pagasulayan.

“Kadtong nangingkamot sa pagtuman sa tanang mga kasugoan sa Dios pagsupakon gayud ug pagabiaybiayon. Sila makabarug lamang diha sa Dios. Aron nga makabarug sa pagsulay nga anaa sa ilang atubangan, kinahanglan nga sila makasabut sa kabubut-on sa Dios ingon nga napadayag diha sa Iyang pulong; sila maka pasidungog lamang Kaniya samtang nga sila adunay husto nga pagpanabut sa Iyang kinaiya, pang governo, ug mga katuyo-an, ug magabuhat sibo diha kanila. Walay lain kon dili kadto lamang kinsa napalig-on ang hunahuna sa kamatuoran sa Biblea ang makabarug latas sa katapusang dako nga kasamok. Ngadto sa matag kalag moabut ang masusihon nga pagsulay: Ako ba motuman sa Dios innay sa mga tawo? Ang katapusang takna karon haduol na. Ang ato ba nga mga tiil napahamutang diha sa bato sa walay pagkausab nga pulong sa Dios? Kita ba andam sa pagtindog nga malig-on diha sa pagdepensa sa mga kasugoan sa Dios ug sa pagtoo ni Jesus?”- GC pp. 593, 594.

“Ang tingog sa Dios nagapakigsulti nganhi kanato pinaagi sa Iyang Pulong, ug adunay daghang lain nga mga tingog nga atong madungog; apan si Cristo miingon kinahanglan nga kita magbantay kanila nga moingon, ‘Ania si Cristo, o tu-a didto si Cristo.’ Unya unsa-on man nato sa pagkasayud nga wala kanila ang kamatuoran gawas nga atong dalhon ang tanan ngadto sa mga Kasulatan?”- Faith and Works, p. 55.

“Ang Dios adunay usa ka katawohan dinhi sa yuta nga magamintinar sa Biblea, u gang Biblea lamang gayud, ingon nga mao ang standarti sa tanang mga doktrina ug basihan sa tanang mga pag-reporma.”- GC p. 595.

Ang atong panolondon ingon nga Protestanti nga mga Cristohanon sa kinatibuk-an ug Adventista Del Septimo Dia nga mga Refprmador sa particular gipahalona diha sa malig-on nga pagtoo nga ang tingog sa Dios kinahanglan nga pagrespetohan ibabaw sa tanan. Maoy among pag-ampo nga kining serye sa mga leksyon mahimong paagi sa pagtabang sa atong mga magbabasa sa pag-ila, pagsabut, ug pagsunod sa tingog sa Dios diha sa tanang aspeto sa ilang kinabuhi.

Ang Konperencia Heneral Departamento sa Skwela Sabatika

***Ang Halad sa Unang Sabado kini Alang sa
pagrenoba sa simbahan didto sa
Hungaria***

Ang Hungaria maoy usa ka tranka nga nasud didto sa Sentral Uropa uban ang duolan sa 10 ka milyones nga pomuloyo, nga kadaghanan niini nagakupot sa Katoliko nga relihiyon. Ang mensahe sa pag-reporma mitungha diha sa among dyutay nga nasud sukad gayud sa pagsugod sa Reform Movement didto sa Uropa. Sukad niadtong 1990 kami nakapahimulos ug dakong relihiyoso nga kagawasan. Bisan pa niana, ang karon nga mga regulasyon sa governo nag-usab sa among kahimtang gikan sa pagka-iglesya ngadto sa usa ka relihiyoso nga asosasyon. Kini nagbutang ug bag-ong problema dinhi kanamo.



Sa wala pa ang 1990 ang atong mga tomotoo nagasimba diha sa pribado nga mga puloy-anan. Apahuman ang politikanhong mga pagdili sa komunista nga mga kayuigan nawagtang, kami naghimo ug desisyon sa pagpalit o pagtukod ug mga balay simbahan alang sa pagsimba sa Dios. Niadtong 1992 kami nagsugod sa pagtukod ug usa ka bag-ong simbahan didto sa Mogyorod, nga mga 20 ka kilometro gikan sa Budapest, nga mao ang among capital nga ciudad. Ang mga tomotoo sa Hungaria mga matinomanon diha sa paghatag ug makugihon diha sa bulohaton. Pinaagi sa grasya sa Dios, niadtong 1995 nakahimo kami ug usa ka International Youth Convention dinhi niining maong pasilidad. Ang ikaduha nga katiguman nahitabo niadtong 1997 ug ang ikatolo niadtong 2001. Karon, kami adunay nagadugang nga gidaghanon sa mga bisita ngadto sa among outreach programs. Ang maong pasilidad gigamit usab namo alang sa sinimana vegan-vegetarian cooking courses. Kini ginahimo regular kapin na sa 10 ka mga tuig ug nagpakita ingon nga naila na sa publiko. Bisan pa niana, kini nga gambalay, nga nagalakip sa kapelya, human sa 17 ka tuig nga pag-gamit, nagkinahanglan nga renobahon aron nga mahimong labi pa ka angayan nga dapit alang sa matinahuron nga pagsimba.

Aduna usab kami pasilidad aron puy-an sa mga tigulang igsoon lalaki ug babaye nga tabanganan. Kini usab nga pasilidad adunay simbahan, apan kini nga gambalay karaan na kaayo ug nagkinahanglan ug pag-renobar. Hinoon, bisan pa nga ang among mga kaigsoonan mga madagayaon gayud diha sa pagtabang, kami walay igo nga financial aron sa paghimo niini nga bulohaton.

Busa kami nagahangyo sa among mga igsoon, ug mga higala sa tibuok nga kalibutan sa paghatag nga madagayaon kutob sa ilang maaraman diha sa unang Sabado sa Hulyo, 2015. Maoy among pag-ampo nga ang Dios magapanalangin kaninyong tanan diha sa inyong paghatag alang niining proyektoha aron nga kami makapadayon sa pag-gamit sa among pasilidad alang sa himaya ug kadunganan sa Dios.

Kami magapasalamat kaninyo sa inyong dakong tabang.

Inyong mga kaigsoonan gikan sa Hungaria

Puede Ba Nga Maako Ang Inyong Atensyon?

“ Unsa pay arang buhaton ko sa akong kaparrasan, nga wala nako buhata?” (Isaias 5:4).

“Ang kasingkasing sa Dios nagahandum sa Iyang yutan-on nga mga anak uban sa usa ka gugma nga kusganon kay sa kamatayon. Diha sa paghatag sa Iyang Anak, Iyang gibubo nganhi kanato ang tibuok nga langit diha sa usa ka gasa. Ang kinabuhi sa Manluluwas ug kamatayon ug pagpataliwala, ang pagpangalagad sa mga anghel, ang pangalyopo sa Spiritu, ang pagbuhat sa Amahan ibabaw ug diha sa tanan, ang walay hunong nga kasibut sa langitnong nga binuhat- kining tanan gigamit alang sa pagtubos sa tawo.”- *Steps to Christ*, p. 21.

Gisugyot nga Basahon: *ST*, April 15, 1889.

Domingo

Hunyo 28

1. PAGPAKIG-KOKABILDO UBAN SA DIOS

a. Ang Dios ba buot makig-istorya uban sa mga tawo? Buhat 17:27; Isaias 65:1.

“Unsa may mahunahuna sa langitnong mga manolonda sa kabus walay mahimo nga mga tawohanong binuhat, nga nailalom sa temtasyon, sa dihang ang kasingkasing sa Dios nagahandum kanila, nga andam mohatag kanila kay nianang ilang gipangayo o gihunahuna, ug ngani sila naga-ampo ug dyutay ug hilabihan ka dyutay lamang ug pagtoo? Ang mga manolonda mahigugma sa pagyukbo atubangan sa Dios; sila mahigugma nga mahaduol ngadto Kaniya. Ilang gi-ila ang pagpakig-istoryahanay uban sa Dios ingon nga maoy ilang kinalabwang kalipay; apan ang mga anak sa yuta, nga nagkinahanglan kaayo sa panabang nga ang Dios lamang mao ang makahatag, daw natagbaw nga magalakaw nga walay kahayag sa Iyang Spiritu, ang pagpakig-uban sa Iyang presencia.”- *Steps to Christ*, p. 94.

b. Pila ba kanato ang buot pakig-istoryahan sa Dios diha sa personal? Hebreohanon 8:11; Salmo 4:3 (katapusang bahin).

“Ang Manluluwas nagatagad uban sa dili masukod nga kaaluoy sa mga kalag nga Iyang gipalit uban sa Iyang kaugalingon nga dugo. Sila gi-angko sa Iyang gugma. Siya nagatan-aw diha kanila uban ang dili maasoy nga paghandum.”- *Desire of Ages*, p. 517.

2. ANG DIOS BUOT MOSULTI NGADTO SA KONSEKRADO NGA KATAWOHAN

a. Gi-unsang sa Dios pagpakigsulti uban kang Moises? Exodus 33:11 (unang bahin). Unsang klasi nga tawo si Moises sa dihang ang Dios nakigsulti kaniya sa nawong ug nawong? Numerus 12:3; Hebreohanon 3:1, 2.

“Tumongas kamo ngari Kanako sa bukid,’ ang Dios nagasugo kanamo. Ngadto kang Moises, sa dili pa siya mahimong instrumento sa Dios sa pagluwas sa Israel, gitudlo sa kap-atan ka mga tuig aron makipagdugtong uban Kaniya didto sa kamingaw sa bukid. Sa dili pa makadala sa mensahi sa Dios ngadto kang Faraon, siya nakigsulti sa anghel didto sa nagaliyab nga sampinit. . . .

“Kita usab, kinahanglan mag-gahin ug mga panahon alang sa pagpamalandong ug [ag-ampo ug alang sa pagdawat ug spiritohanong kahamugaya. Wala nato taga-I ug bili ang gahom ug pagkamapuslanon sa pag-ampo ingon sa ato gayud unta nga himoon. Ang pag-ampo ug pagtoo makahimo nianang dili mahimo sa bisan unsa pang gahom dinhi sa yuta.” – *MH pp. 508, 509.*

b. Unsang matang sa pagkatawo si Samuel sa dihang ang Dios su unang nakigsulti uban kaniya? 1 Samuel3:1 (unang bahin). Ngano nga si Samuel wala makaila sa Dios sa dihang sa unang higayon Siya nakigsulti kaniya? Versikolo 4,5, 7.

“[Si Samuel] maloloy-on, manghinatagon, matinomanon, ug matinahuron. . . . [Siya] matinabangon ug mabinati-on.”- *PP p. 573.*

c. Unsang matang sa pagkatawo ni Cornelio sa dihang ang Dios nakigsulti kaniya diha sa panan-awon? Siya bay membro sa iglesya nianang panahona? Buhat 10:1, 2. Gi-unsang pagtubag ni Cornelius ang mensahe sa Dios? Versekolo 7, 8.

“Si Cornelio usa ka Romanhon nga Centurion. Siya usa ka tawong adunahan ug halangdon sa pagkatawo, nabansay, ug na-edukar, pinaagi sa pagpakigdugtong uban sa mga Judeo siya nakakat-on sa kahibalo saDios, ug siya nagasimba Kaniya uban ang matinud-anon nga kasingkasing, nga nagpakita sa kamatinud-anon sa iyang pagtoo pinaagi sa pagkaluoy sa mga kabus. Siya naila bisan diin tungod sa iyang pagka-matinabangon, ug ang iyang matarung nga kinabuhi naghimo kaniya nga adunay maayong dungog ngadto sa mga Judeo ug mga Hentil. Ang iyang inpluensya maoy usa ka panalangin ngadto sa tanan nga iyang gikahibalag.”- *AA pp. 132, 133.*

3. ANG DIOS NAGAPAKIGSULTI NGADTO SA DILI KONSEKRADO NGA KATAWOHAN

a. Unsang matang sa pagkatawo si Cain sa dihang ang Dios nakigsulti kaniya? Genesis 4:3-5, 8.

“Bisan pa sa pagsikway ni Cain sa diosnong kasugo-an, wala siya pasagdi sa Dios; apan Siya mikanaug aron sa pagpakigsulti uban sa tawo nga nagpakita sa iyang kaugalingon nga masukihon. U gang Ginoo miingon ngadto kang Cain, ‘Ngano ba nga nasuko ikaw? Ug ngano nga nag kisdum kanang imong panagway?’ Pinaagi sa usa ka mensahero nga manolonda ang langitnon nga pasidaan gitunol: ‘Kon mayo pa ang imong gibuhay, dili ba ikaw dawaton? Apan kon dili ka magbuhay ug maayo, ang sala anaa nagahay-ad sa pultahan’ (Genesis 4:6, 7). Ang pagpili anaa diha mismo kang Cain. Kon siya mosalig ngadto sa mga merito sa gisaad nga Manluluwas, ug motuman sa mga tulomanon sa Dios, siya walay kapasikaran sa pagreklamo nga siya gisalikway sa Ginoo.” – *PP p. 74.*

b. Unsang matang sa pagkababaye si Agar diha sa panahon nga ang Dios nagapakigsulti kaniya? Genesis 16:1-9.

c. Unsang matang sa pagka tawo kadtong wala mahinganli nga babaye nga gidala sa mga Scriba ug mga Fariseo ngadto kang Cristo? Juan 8:3, 4. Unsa may nahitabo kaniya sa human ang iyang pagpakig-storya uban Kaniya? Versekolo 10, 11.

“Ang babaye mitindog atubangan kang Jesus, nga hilabihan hadloka. Ang iyang mga pulong, ‘Siya nga walay sala kaninyo maoy una nga mobato,’ midangat ngadto kaniya ingon nga usa ka sentensia sa kamatayon. Wala gyud siya mangahas sa pagtan-aw ngadto sa nawong sa Manluluwas kon dili sa mahilumon naghulat sa iyang silot. Diha sa katingala iyang nakita ang iyang mga magsusumbong namahawa nga hilom ug nangalibug; unya kadtong mga pulong sa paglaum midangat ngadto sa iyang igdulogog, ‘Dili Ako magahukom kanimo: lakaw, ug ayaw na pagpakasala’ (versekolo 11). Ang iyang kasingkasing natunaw, ug iyang gipahaluna angiyang kaugalingon diha sa tiilan ni Jesus, iyang gihilak ang iyang mapasalamaton nga gugma, ug uban ang mapait nga mga luha nagsugid sa iyang mga sala.

“Kini mao ang sinugdanan sa usa ka bag-ong kinabuhi, usa ka kinabuhi sa kaputli ug kalinaw, nga gididikar ngadto sa serbisyo sa Dios. . . . Kining mahinolsolon nga babaye nahimong usa sa iyang malig-on nga sumosunod. Uban sa masakrifisyohon sa kaugalingon nga gugma ug debusyon iyang gibalusan ang iyang mapinasayloon nga kaluoy.” – *DA p. 462.*

4. SA DIHANG ANG DIOS MAGADUMILI SA PAGPAKIGSULTI

a. Ngano nga Jesus dili makigsulti kang Caipas sa panahon sa iyang pagbista o paghusga? Mateo 26:62, 63; Isaias 53:7.

“Si Caipas usa ka garbuso ug bangis nga tawo, dominant ug mapalabilabihon.”- *DA p. 539.*

“Si Caipas nag-ila kang Jesus ingon nga iyang kaagaw o kaatbang. Ang kamatinguhaon sa mga tawo aron sa pagpaminaw sa Manluluwas, ug ang ilang pagkaandam sa pagdawat sa iyang mga pagtulon-an, nakapukaw sa mapait nga kasina sa labaw nga sacerdote. Apan samtang si Caipas karon nagatan-aw sa binilanggo, siya naigo uban sa pagdayeg tungod sa iyang halangdon ug ligdong nga pamayhon. Usa ka konbiksyon mitungha diha kaniya nga kining Tawohana sama gayud sa Dios. Ang sunod nga hitabo siya sa pagka-mayubiton nag wagtang sa maong hunahuna. Sa kali tang iyang tingog nadungog diha sa pagyubit, mahambugon nga paningog nga nagmando nga si Jesus maghimo ug usa sa iyang gamhanang mga milagro sa atubangan nila. Apan ang iyang mga pulong nahulog diha sa mga dalunggan sa Manluluwas nga daw ingon nga wala Siya makadungog kanila.”- *Ibid. pp. 704, 705.*

“Ang Ginoo nagabasa sa mga kasingkasing sa tanan ug makasabut sa ilang mga motibo ug katuyo-an.”- *4T p. 534.*

b. Makigsulti ba ang Dios kang Haring Saul sa hapit na ang katapusan sa iyang kinabuhi? 1 Samuel 28:5, 6. Ngano nga ingon niini ang pagtagad sa Dios kaniya? 1 Samuel 15:22, 23.

“Ang Ginoo dili motalikod sa usa ka kalag nga moduol ngadto Kaniya diha sa kasencero ug pagpaubos. Ngano man nga iyang gitalikdan si Saul nga wala tubaga? Ang hari pinaagi sa iyang nga kaugalingong buhat nagpakyas sa mga benefisyo sa tanang metodo sa pagpangutana ngadto sa Dios. Iyang gisikway ang tambag ni Samuel nga manalagna; iyang gipalayas si David, ang gipili sa Dios; iyang gipamatay ang mga sacerdote sa Ginoo. Makadahom pa ba siya nga tubagon sa Dios samtang iyang giputol ang mga alagianan sa komunikasyon nga gimugna sa Langit? Siya nakasala sa spiritu sa grasya, ug siya pagatubagon pa ba pinaagi sa mga damgo ug mga pagpadayag gikan sa Ginoo? Si Saul wala moliso ngadto sa Dios uban ang pagpaubos ug paghinolsol. Dili kapasaylo-an sa sala ug pagpasig-uli uban sa Dios, ang iyang gitinguha, kon dili kaluwasan gikan sa iyang mga kaaway. Pinaagi sa iyang pagkagahi ug pagsupil iyang giputol ang iyang kaugalingon gikan sa Dios. Walay dalan sa pagbalik kon dili pinaagi sa dalan sa penitencia ug paghinolsol; apan ang garbuso nga hari, diha sa iyang kasakitan ug pagkaminghoy, determinado sa pagpangita ug panabang gikan sa lain nga tinubdan.”- *PP p. 676.*

5. ANG DIOS NAGTINGUHA SA ATONG ATENSYON

a. Giunsa sa Dios pagsulay sa pagkuha ang atensyon sa nagkalainlaing katawohan sa minglabay?

. Si Moises: Exodus 3:2. 3. / . Si Elias: 1 Hari 19:9- 13.

. Si Balaam: Numeros 22;27, 28.

B. Ubos sa unsang mga kondisyones nga ang Dios magasulti nganhi kanato karon? Salmo 46:10.

“Ang tanan nga anaa nailalom sa pagbansay sa Dios nagkinahanglan sa mahilom nga takna alang sa pagpakigsulti uban sa ilang mga kasingkasing, uban sa kinaiyahan, ug uban sa Dios. Diha kanila kinahanglan mapadayag ang usa ka kinabuhi nga dili naharmoniya uban sa kalibutan, sa mga batasan niini, o sa mga pag-gawi niini; ug sila kinahanglan makabaton ug usa ka personal nga kasinati-an diha sa pagbaton ug kahibalo sa kabubut-on sa Dios. Kinahanglan nga kita sa tinagsa makadungog Kaniya nga magapakigsulti nganhi sa kasingkasing. Samtang nga ang uban nga tingog gipahilum, ug diha sa kahilum kita magahulat sa Iyang atubangan, ang kahilum sa kalag makahimo sa tingog sa Dios nga labi ka klaro. Siya nagamando kanato, ‘Humilom kamo, ug ilhon ninyo nga Ako mao ang Dios’ (Salmo 46:10). Mao kini ang epektibo nga pagpangandam alang sa tanang pagbuhat alang sa Dios. Taliwala sa nagadali nga panon sa katawohan, ug ang pagkapuliki sa mga gimbuhaton sa kinabuhi, siya nga sa ingon nga na-pafresko mapalibutan uban sa palibut sa kahayag ug kalinaw. Siya makadawat ug bag-o nga gahom diha sa pisikal ug mental nga kusog. Ang iyang kinabuhi mobuga ug kahumot, ug mopadayag ug diosnon nga gahom nga motuhop sa mga kasingkasing sa mga tawo.”- *MH p. 58.*

“Siya nga nahimong hingpit diha kang Cristo kinahanglan nga una mahaw-asan sa garbo, sa pagsalig sa kaugalingon. Unya adunay kahilom diha sa kalag, ug ang tingog sa Dios mahimong madungog.”- *ST April 9, 1902.*

PERSONAL SUBLI NGA MGA PANGUTANA

1. Unsaon nato sa pagkahibalo nga ang Dios buot nga makigsulti sa matag-usa kanato sa personal?

2. Gi-unsa nato sa pagkahibalo nga ang Dios nakigsulti ngadto sa mga tawo nga debutado ngadto Kaniya?

3. Gi-unsa nato sa pagkasayud kon ang Dios nakigsulti niadtong wala magalakaw uban Kaniya?

4. Ngadto kang kinsa nga ang Dios nagadumili sa pagpakigsulti, ug ngano?

5. Gi-unsa sa Dios pagtinguha ang pagkuha sa tong atensyon karon?

Praktikal nga Pagpaminaw

“ Oh kamo nga mga walay-pagtagad, sabta ang pagpili-sa-maayo; Ug, kamong mga buang, pagmasinabtanon kamo sa inyong kasingkasing” (Proverbio 8:5).

“Ang tingog sa katungdanan mao ang tingog sa Dios- ang kinaiyanhon, pinadala sa langit nga giya. Kana man makapahimuot o dili makapahimuot, kinahanglan nga atong tumanon ang katungdanan nga anaa gipahalona diha sa atong alagianan.”- *RH December 29, 1910.*

Gisugyot nga Basahon : *3T pp. 521- 544.*

Domingo

Hulyo 5

1. ANG TINGOG SA DIOS DIHA SA INADLAW NGA KINABUHI

a. Unsa man ang naandan nga paagi nga ang Dios magapadayag sa iyang kabubut-on nganhi kanato? Lucas 17:10. Kita ba sa hilwas makapasibaya niini nga metudo sa pagpakig-komunikar sa Dios?

“Walay usa nga makatoo uban sa kasingkasing ngadto sa pagkamatarung, ug makabaton ug pagpahitarung pinaagi sa pagtoo, samtang magapadayon sa pagbansay nianang mga butang nga gidili sa Pulong sa Dios, o samtang nagadumili sa bisan unsang nasayran nga katungdanan.”- *ISM p. 396.*

“Samtang nagkinabuhi diha sa pagpasibaya sa nasayran nga katungdanan, [si Moises] walay kasigurohan; tungod kay siya dili mapanalipdan sa mga manolonda sa Dios.”- *PP p. 256.*

“Ang katungdanan dili mosugot ug ka-agaw, dili mosulod ngadto sa pagpakig-kompromiso ngadto sa bisan unsang kasupak nga mga gahom. Ang pinaka-bililhon nga mga higala ug kaparientihan kinahanglan dili manghilabut sa imong katungdanan ug sa imong Dios. Ang tingog sa katungdanan mao ang tingog sa Dios diha sa atong mga kalag.”- *RH, June 7, 1887.*

b. Ngano nga ang agalon wala malipay sa sulogoon nga iyang gihatagan ug usa ka talanton? Mateo 25:26, 27; Lucas 16:10.

“Pinaagi sa pagka-dili matinumanon bisan diha sa pinaka-dyutay nga mga katungdanan, ang tawo nakapangawat sa iyang Magbubuhay sa serbisyo nga alang ngadto Kaniya.”- *COL p. 356.*

2. NAGADUMILI SA PAGPATALINGHUG

a. Ngano man nga ang datong batan-on nga pangulo wala mouyon kon unsa ang gisugo ni Jesus nga iyang buhaton? Mateo 19:21, 22. Unsang duha ka mga galamiton ang gigamit sa Dios aron sa pagtudlo kanato sa atong katungdanan?

“Ang lalaki o babaye nga mobiya sa dapit nga gihatag sa Dios kaniya, aron sa pagpahimuot sa iyang inklinasyon, ug magabuhat diha sa iyang kaugalingong mugna nga plano makatagbo gayud ug pagkapakyas, tungod kay maoy iyang gipiliang iyang paagi inlugar sa paagi sa Dios.”- *Sons and Daughters of God*, p. 175.

“Adunay mga tawo nga makasabut sa ilang katungdanan sa matin-aw gayud, kon ang ilang katungdanan naharmoniya uban sa ilang natural nga mga inklinasyon. Ang rason ug katungdanan mahimong motudlo sa ilang katungdanan sa kaklaro; apan sa dihang ang dalan sa katungdanan dili kauyon sa ilang mga inklinasyon, kini nga mga ebedensya sagad ginatalikdan. Unya kining mga tawohana magapatoo sa pagduol ngadto sa Dios aron sa pagkasayud sa ilang katungdan. Apan ang Dios dili kati-awan. Iyang tugotan ang ingon nga mga tawo sa pagsunod sa mga tinguha sa iyang kaugalingong mga kasingkasing.”- *The Watchman*, Sept. 1, 1908.

“Kadtong nagapasibaya sa mga tulomanon sa Dios dinhi niining kinabuhi-a dili usab morespito sa iyang otoridad kon sila atu-a sa langit.”- *4T* p. 312.

b. Ngano man nga ang Dios usahay mopili sa paglikay sa pagtudlo kanato sa iyang kabubut-on? Isaias 59:1, 2; Salmo 81:11, 12; Juan 7:17.

“Walay tabang alang sa lalaki, babaye, o bata nga dili maminaw ug dili mosunod sa tingog sa katungdanan; tungod kay ang tingog sa katungdanan maoy tingog sa Dios. Ang mga mata, ang mga dalunggan, u gang kasingkasing mahimong dili mapasantup kon ang mga lalake ug mga babaye dili maminaw sa langitnong tambag ug mopili sa dalan nga labaw nga makapahimuot sa ilang mga kaugalingon.”- *Sons and Daughters of God*, p. 175.

c. Unsa man gyud ang sagad nga rason nianang dili pagpatalinghug ngadto sa Dios? Deuteronomio 1:3; 1 Samuel 15:23.

3. WALAY GIKINAHANGLAN NGA TIGPATALIWALA

a. Nagkinahanglan ba kita magpaabut kang bisan kinsa aron magatudlo kanato sa kabubut-on sa Dios? Santiago 1:5, 6.

“Dili nato ibutang ang responsabilidad sa atong katungdanan diha sa uban ug magpaabut alang kanila sa pagsulti kanato kon unsa ang buhaton. Dili kita makasalig diha sa tambag sa tawo. Ang Ginoo andam motudlo kanato sa atong katungdanan maingon sa Iyang pagtudlo sa uban. Kon kita moduol ngadto Kaniya diha sa pagtoo, Siya mosulti sa Iyang mga mesteryo nganhi kanato sa personal gayud. Ang atong mga kasingkasing sa kanunay magasilaub sa kainit sa sulod nato sa dihang ang Usa magaduol aron makigdugtong kanato maingon sa Iyang gihimo kang Enoc. Kadtong modesisyon sa dili pagbuhat nianang makapasubo sa Dios diha sa bisan asa nga linya, mahibalo kon unsang tumong ang pagasundon, human sa pagpresentar sa ilang kahimtang ngadto Kaniya. Ug sila magadawat dili lamang kaalam, kon dili makadawat usab ug kusog. Gahom sa pagtuman, gahom sa pagserbisyo, igapaambit ngadto kanila, sumala sa gisaad ni Cristo.”- *DA p. 668.*

b. Unsay gisaad kanato sa dihang kita mangayo sa Dios ug giya? Proverbio 3:5-7.

“Sa dihang ang mga kasakitan moabut, ug ang mga kalisdanan mo-ataki kanato, ayaw pagpangayo ug panabang diha sa tawo. Isalig ang tanan ngadto sa Dios. Ang batasan sa pagsulti sa atong mga problema ngadto sa uban makahimo lamang kanato nga huyang ug dili magahatag ug kusog ngadto kanila. Kana magabutang diha kanila sa kabug-at sa atong spiritohanong kalisdanan, nga dili gayud sila makatabang. Atong gitinguha ang kusog sa masalaypon, masukod lamang nga tawo, samtang nga makabaton unta kita ug kusog sa dili masayop, dili masukod nga Dios. . . .

“Kinahanglan nga dili kaayo kita mosalig diha sa mahimo sa tawo ug labaw nga mosalig kon unsa ang mahimo sa Dios alang sa matag matinoohon nga kalag. Siya naghandum kanimo nga mangita Kaniya pinaagi sa pagtoo. Siya nagahandum nga ikaw magapaabut ug dagkong mga butang gikan Kaniya. Siya nagatinguha sa paghatag kanimo ug pagpanabut diha sa temporal maingon man diha sa spiritual nga mga butang. Siya makapalantip sa pangutok. Siya makahatag ug taktika ug kahanas.”- *COL p. 146.*

“Wala ba ang Dios mag-ingon nga Iyang ihatag ang Balaang Spiritu ngadto kanila nga nagapangayo Kaniya? Ug dili ba kini nga spiritu matuod gayud, actual nga giya? Ang uban nga mga tawo daw mahadlok sa pagbaton sa Dios diha sa Iyang pulong nga daw ingon nga usa ka pagpaka-aron-ingnon alang kanila. Sila naga-ampo ngadto sa Ginoo sa pagtudlo kanato apan mahadlok sa pagkupot sa gisaad nga pulong sa Dios ug magatoo nga kita natudlo-an Niya. Samtang nga kita moduol ngadto sa atong langitnong Amahan nga mapaubsanon ug uban sa usa ka spiritu nga magpatudlo, andam ug matinguhaon nga mokat-on, nganong kita magduhaduha sa pagtuman sa Dios sa Iyang kaugalingon nga saad?”- *3 BC pp 1155, 1156.*

4. ANG PAG-GAWI SA DIOS ALANG KANATO

a. Unsay gisulti ni Cristo sa pagpakita sa pagka-andam gayud sa Dios aron sa pagtudlo kanato sa Iyang mga paagi, sa personal? Mateo 7:7-11.

“Ang Dios buot sa Iyang mga anak nga mangayo alang nianang mga butang nga makapahimo Kaniya sa pagpadayag sa Iyang grasya pinaagi kanila ngadto sa kalibutan. Buot Siya nga ilang tinguhaon ang Iyang tambag, aron sa pag-ila sa Iyang gahom. Si Cristo nagpahalona sa mahigugmaong mga tulomanon diha sa tanan nga Iyang gihatagan sa Iyang kinabuhi; kina-hanglan nga ilang tumanon ang Iyang kabubut-on kon sila buot nga moambit sa kalipay nga Iyang gitagana alang sa tanan nga nagapakita sa Iyang kinaiya dinhi. Maayo alang kanato ang pagbati sa atong kaugalingon kaluyahon, tungod kay diha niana kita mangita sa kusog ug kaalam nga gikahimuot sa Amahan nga ihatag ngadto sa Iyang mga anak alang sa ilang inadlaw nga pakigbisug batok sa mga gahom sa dautan.”- *9T p. 284.*

b. Unsa ka mapailubon ang Dios samtang Siya nagatinguha sa pagpakig-komunikar nganhi kanato? Roma 14:5 (ikaduhang bahin); 2 Pedro 3:9.

c. Unsa ka mapailubon kita ngadto sa uban diha sa ilang pagsabut sa mga pamaagi sa Dios? Mateo 7:12; Efeso 4:2; Lucas 6:37.

“Ingon nga gawasnon nga mga ginamiton sa Dios, ang tanan kinahanglan nga mangayo ug kaalam diha Kaniya. Sa diha nga ang magtutoon magasalig nalang gayud diha sa panghunahuna sa uban, ug wala nay buhaton gawas sa pagdawat sa iyang mga plano, siya makakita lamang pinaagi sa mga mata nianang tawohana ug siya mahimo lamang nga usa ka sinibaw (echo) sa lain o sa uban. Ang Dios nagatagad sa mga tawo ingon nga mga responsabli nga mga binuhat. Siya magabuhat pinaagi sa Iyang Spiritu pinaagi sa kaisipan nga Iyang gibutang diha sa tawo, kon ang tawo mohatag lamang Kaniya ug higayon sa pagbuhat ug moila sa Iyang mga pag-amoma. Siya nagatinguha nga ang matag-usa magagamit sa iyang kaisipan ug konsencia alang sa iyang kaugalingon. Wala Siya magatinguha nga ang usa ka tawo mahimong anino sa lain, magapahayag lamang sa mga sentiment sa lain. . . .

“Wala gayuy mausa nga maga kontrolar sa hunahuna sa uban, sa paghukom alang sa lain, o sa paglatid sa iyang katungdanan. Ang Dios nagahatag ngadto sa matag kalag ug kagawasan sa paghunahuna ug sa pagsunod sa iyang kaugalingon nga mga konviksyon. . . . Walay mausa nga adunay katungod sa pagsagul sa iyang kaugalingong pagka-individualidad diha sa lain.”- *Desire of Ages p. 550.*

5. UNSAON SA DIOS PAG-GAMIT ANG MGA IMPRESYON

a. Diha sa pagdugang aron sa pag-giya kanato pinaagi sa tingog sa katungdanan, unsa man ang lain nga paagi diin ang Dios magasulti nganhi kanato? Isaias 30:21. Gi-unsang sa Dios pag-giya si Maria pinaagi sa impresyon sa Balaang Spiritu?

“Si Maria wala makasabut sa hingpit nga kahulogan sa iyang binuhatan sa gugma. Dili siya makatubag sa iyang mga magsusumbong. Dili siya makasaysay ngano nga iyang gipili kadto nga okasyon aron sa pagdihug kang Jesus. Ang Balaang Spiritu mao ang nagplano alang kaniya, ug siya misunod lamang sa iyang pagmando. Ang inspirasyon miduko nga walay ikahatag nga rason. Ang usa ka dili makita nga presencia, nagapakigsulti sa kaisipan ug sa kalag, ug nagpalihok sa kasingkasing sa pagbuhat. Kana mao ang iyang kaugalingon nga pagpahitarung.”- *DA p. 560.*

“Laing paagi diin ang tingog sa Dios madungog diha pinaagi sa mga pangamuyo sa iyang Balaang Spiritu, nga magahimo ug impresyon diha sa kasingkasing, nga makita diha sa kinaiya.”- *5T p. 512.*

“Ang konsencia mao ang tingog sa Dios, nga mabati taliwala sa kasamok sa tawohanon nga mga pagbati; sa dihang kini pagasuklan, ang Spiritu sa Dios mapasubo.”- *Ibid., p. 120.*

“Ang Dios magapakigsulti kanato pinaagi sa iyang mga buhat sa probedensya ug pinaagi sa influensya sa iyang Spiritu diha sa kasingkasing.”- *SC p. 87.*

b. Atubangan sa unsang sumbanan nga kita magasuta sa atong mga impresyon? Isaias 8:20.

“Ang Biblea . . . nagapakita sa katungdanan sa tawo diha sa matag sirkumstancia sa kinabuhi.”- *4T p. 312.*

“Kon ikaw nagduhaduha diha sa bisanunsangsuheho kinahanglan nga ikaw una mokonsulta sa mga Kasulatan.”- *Ibid., vol. 5, p. 512.*

- 1. Kona tong dumili-anang nailhan nga katungdanan, unsa man ang atong spiritual nga kondisyon?**
- 2. Unsa-on nato ang pagterminaang atong katungdanan?**
- 3. Unsa may atong buhaton aron makakat-on sa atong katungdanan?**
- 4. Unsa man ang relasyon tali sa katungdanan ug indibidualidad?**
- 5. Sa unsa nga ang Dios magagamit sa mga impresyon? Unsaon nato ang pag-abuso kanila?**

Ang Tingog Sa Dios Diha Sa Kinaiyahan

“ Ang Dios magapadalugdug sa iyang tingog sa dakung kahibulongan; Siya magabuhat ug mga dagkung butang nga dili nato matugkad” (Job 37:5).

Tan-aw diha sa kahibulongan ug matahom nga mga butang sa kinaiyahan . . . Ang silaw sa adlaw, u gang ulan, nga nakapalipay ug nakapresko sa yuta, sa mga kabungtoran ug sa mga dagat ug mga kapatagan, ang tanan nagasulti kanato sa gugma sa Maglalalang.” – *Steps to Christ*, p. 9.

Gisugyot nga mga Basahon : *Education pp. 113-120 ; MH pp. 50-58.*

Domingo

Hulyo 12

1. USA KA UNIBERSAL NGA TINGOG

a. Asa man dapit sa kalibutan nga ang tingog sa Dios diha sa kinaiyahan dili madungog? Salmo 19:1-3.’

“Ang kinaiyahan magasulti sa atong mga pagbati, nga nagapahayag nga adunay usa ka buhing Dios, ang Maglalalang, ang Supremo nga Hari sa tanan. . . . Ang katahom nga nagabisti sa yuta maoy usa ka tima-ilhan sa gugma sa Dios. Mahimong makita nato kini diha sa walay katapusang mga bungtod, diha sa habug nga mga kahoy, diha sa nagabuklad nga mga putot ug sa matahom nga mga bulak. Ang tanan nagasulti kanato sa gugma sa Dios.”- *PP p. 48.*

b. Unsang mensahe ang gihatag sa kinaiyahan ngadto sa katawohan sa tibuok kalibutan? Roma 1:20.

“Kadtong adunay matuod nga kahibalo sa Dios dili mahimong sa hilabihan mapabuang uban sa mga balaod sa mga butang o sa mga paglihok sa kinaiyahan nga tungod niana magasaylo, o magadumili sa pag-ila, sa nagapadayon nga pagbuhat sa Dios diha sa kinaiyahan. Ang kinaiyahan dili mao ang Dios, ni kana mahimong Dios. Ang tingog sa kinaiyahan nagapamatuod sa Dios, apan ang kinaiyahan dili mao ang Dios. Ingon nga iyang buhat sa paglalang, kini nagapamatuod lamang sa gahom sa Dios.”- *1 SM p. 293.*

2. MGA PAGTULON-AN GIKAN SA KALANGGAMAN

a. Unsa may gitudlo sa Dios kanato pinaagi sa kinaiyahan sa agila? Isaias 0:31.

“Ang agila sa Alps usahay gilapdusan sa bagyo ngadto sa mapig-ut nga mga alagianan sa kabukiran. Ang mga dag-um sa unos nagalukob niining gamhanang langgam sa kalasangan, ang ilang mangi-ub nga kabaga nagabulag kaniya gikan sa mahayag nga mga tumoy sa kabukiran diin siya didto nagahimo sa iyang puloy-anan. Ang iyang mga panlimbasug daw walay kalampusan. Siya gipadpad ngadto ug nganhi, nagapakigbisug sa hangin uban sa iyang kusganon nga mga pako ug nagapukaw sa kabukiran sa iyang lanoglanog nga singgit. Sa kadugayan, uban ang tingog sa kadaugan, siya motuybo pataas, ug, magalagbas sa mga panganud, sa makausa anaa na siya sa matin-aw nga kahayag sa adlaw, uban ang kangitngit ug unos atu-a na sa ubos. Mao man kita mahimong malibutan uban sa mga kalisdanan, pagkapakyas, ug kangitngit. Kabakakan, kalamidad, inhustisya, magalukob kanato. Adunay mga panganud nga dili nato mawagtang. Kita sa kawang magapakig-away uban sa mga sirkumstancia. Aduna lamay usa, ug usa lamang gayud, nga dalan sa pag-ikyap. Ang mga yamug ug gabon molikos sa yuta; luyo sa mga dag-um ang kahayag sa Dios nagasidlak. Ngadto sa kahayag sa iyang presencia kita mahimong mobangon diha sa mga pako sa pagtoo.” - *Education*, pp. 118, 119.

b. Unsa pang lain nga leksyon nga atong makat-onan pinaagi sa pagtan-aw sa mga kalanggaman? Mateo 6:25, 26.

“Ang natural nga kalibutan, diha sa iyang kaugalingon, walay gahom kon dili kanang gihatag sa Dios.” - *ISM* p. 293.

“Ang mga langgam maoy mga magtutudlo sa matam-is nga leksyon sa pagsalig. Ang atong langitnong Amahan nagasangkap kanila; apan sila magatigom sa pagkaon, kinahanglan nga magtukod sila sa ilang mga salag ug maga-alima sa ilang mga piso. Sa tanang panahon sila nahitara ngadto sa mga kaaway nga nagatinguha sa pagdaut kanila. Apan daw unsa ka malipayon sila nga molakaw sa paghimo sa ilang bulohaton! Daw unsa ka puno sa kalipay ang ilang gagmay nga mga awit!” - *Education* pp. 117, 118.

“Kinahanglan nga dili kita magasubo ug magakaguol tungod kay niining kinabuhi-a kita dili mahigawas gikan sa mga kasub-anan ug mga kasakitan. Kon diha sa probidensya sa Dios kita pagatawag aron sa pag-antus sa mga pagsulay, kinahanglan atong dawaton ang krus ug moinom sa mapa-it nga kopa, nga magahinumdom nga ang kamot sa Amahan mao ang nagagunit niana nganha sa atong mga ngabil. Kinahanglan nga kita mosalig kaniya diha sa kangitngit maingon man diha sa adlaw.” - *5T* p. 316.

3. PAGTOO NGA NAGABUHAT

a. Unsa pang lain nga mga pagtulon-an sa pagsalig ang buot sa Dios nga itudlo kanato gikan sa kinaiyahan? Mateo 6:27-30. Kita ba magagahin ug dako nga interes, panahon, ug panlimbasug sa pag-alagad sa Dios o sa pagtagbo sa atong inadlaw temporal nga mga panginahanglan? Versikolo 30-33.

“Siya nga naghatag kanimo sa kinabuhi nasayud sa imong panginahanglan sa pagkaon aron mosustinto niana. Siya nga naglalang sa lawas dili magpabaya sa imong pagkinahanglan ug bisti. Dili ba Siya nga mihatag sa kinadak-ang gasa mohatag usab kon unsay gikinahanglan aron sa paghimo niini nga kompleto?”- *MB p. 95.*

“Ang balaod sa Dios mao ang balaod sa gugma. Iyang gipalibutan ikaw uban sa katahom aron sa pagtudlo kanimo nga ikaw wala ibutang niining kalibutana aron lamang sa pagkaykay sa kaugalingon, sa pagkalot ug pagtukod, sa pagbudlay ug pagpauswag, kon dili sa paghimo sa kinabuhi nga masanag ug malipayon ug matahom uban sa gugma ni Cristo- sama sa mga bulak, nga magapalipay sa uban nga mga kinabuhi pinaagi sa ministeryo sa gugma.”- *Ibid., p. 97.*

b. Unsang mga leksyon ang atong makat-onan gikan sa ubang mga linalang sa Dios? Proverbio 6:6-11; 30:25-28 (itandi sa 2 Tesalonika 3:10).

“Ang mga alamigas nagatudlo ug mga leksyon sa mapailubon nga kakugi, pagkamalahutayon diha sa dagko nga mga kalisdanan, sa pagtagana alang sa umalabut.”- *Education, p. 117.*

“Ang puloy-anan nga gibuhay sa mga alamigas alang sa ilang mga kaugalingon nagapakita ug kahanas ug paglahutay. Usa lamang ka lugas sa matag higayon ang ilang madala, apan pinaagi sa kakugi ug paglahutay sila nakahimoug mga kahibulongan. Si Solomon nagpresentar ngadto sa kalibutan sa pagkakugihan sa alamigas ingon nga pagsaway niadtong naga-usik sa ilang mga oras diha sa dautang pagtinapulan, sa mga pagbansay nga nagadunot sa kalag ug lawas. Ang mga alamigas naga-andam alang sa umalabut nga mga panahon. Mao kini ang usa ka leksyon diin daghan sa mga gigasahan uban sa kaalam ang nagasalikway. Sila napakyas gayud sa pag-andam alang sa umalabut dili na mamalasyon nga kinabuhi nga ang Dios diha sa Iyang provedencia nagtagana alang sa nahulog nga kaliwat.”- *3BC pp. 1157, 1158.*

“Si Jesus wala magpahigawas kanato gikan sa pagkinahanglan sa pagpaningkamut, apan Siya nagatudlo kanato sa paghimo Kaniya ingon nga maoy una ug ulahi ug labaw sa tanang butang. Kinahanglan nga dili kita mosulad ug patigayon, magasunod ug katuyo-an, dili mangita ug kalingawan, nga magasanta sa pagpapalambo sa Iyang pagkamatarung diha sa atong kinaiya ug kinabuhi. Unsa may atong buhaton kinahanglan nga pagahimoon sa kinasingkasing gayud, maingon nga ngadto sa Ginoo.”- *MB p. 99.*

4. KINAHANGLAN NGA MAHISAMA KA SA USA KA KAHOY

a. Ngano man nga ang atong pagtoon sa kinaiyahan hilabihan ka mahinungdanon? Unsa may atong makat-onan mahitungod sa Dios? Salmo 111:4, 6-8; Isaias 40:26.

“Unsa ba ka daghang panahon ang gigugol sa masinabuton nga mga tawohanong binuhat diha sa lumba sa kabayo, bangga sa mga dula, ug mga dula sa bola! Apan ang pagpatuyang ba niining mga dulaa magahatag sa mga tawo ug usa ka handum alang sa kamatuoran ug sa pagkamatarung? Mapabilin ba ang Dios diha sa ilang mga hunahuna? Makadala ba kana kanila sa pagpangutana, Komusta man kaha ang akong kalag? . . .

“Ang Dios nagatawag sa Iyang mga linalang sa pagliso sa ilang mga atensyon gikan sa kaguliyang ug kasamok nga nagapalibut kanila ug magdayeg o mahimuot sa Iyang mga binuhat. anas. Sa dihang atong tun-an ang Iyang mga buhat, mga manolonda gikan sa langit moduol diha sa atong kiliran aron sa paglamdag sa atong mga kaisipan ug magbantay kanila gikan sa mga limbong ni Satanas. Sa dihang ikaw magatan-aw diha sa kahibulongan nga mga butang nga gibuhat sa kamot sa Dios, himo-a ang imong magarbo, dautan nga kasingkasing magabati sa iyang pagsalig ug pagka ubosnon gayud.”- *CPTS pp. 456, 457.*

b. Ngadto sa unsa nga ang Cristohanon gitandi? Salmo 1:1-3; 92:12, 13.

“Ang kahoy nga palma maka-representar kaayo sa kinabuhi sa usa ka Cristohanon. Kini mobarug nga matul-id taliwala samainit nga balas sa deserto, ug dili mamatay; tungod kay kini nagakuha sa iyang pagka-on gikan sa mga tuboran sa kinabuhi ilalom sa yuta.”- *3 BC p. 1151.*

c. Unsa pang uban praktikal nga mga leksyon ang atong makat-onan gikan sa kinaiyahan?

“Daghan ang mga leksyon ang makat-onan sa ingon gikan sa kinaiyahan. Pagsalig-sa-kaugalingon, gikan sa kahoy nga, nag-inusara nga nagtubo diha sa kapatagan o sa kiliran sa bukid, mopatunton sa iyang mga gamut palawom ngadto sa kahiladman sa yuta, ug diha sa iyang kalig-on mohagit sa mga bagyo. Ang gahom sa sayo nga inpluensya, gikan sa pagka-bukobukohon, walay porma nga puno-an, mobawog ingon nga linghod pa nga puno-an, diin walay yutan-ong gahom ang makapahiuli ngadto sa iyang nawala nga barug. Ang sekreto sa usa ka balaan nga kinabuhi, gikan sa leriyo (water lily), nga, diha sa ilalom sa lapukon lanaw, gipalibutan sa mga sagbut ug basura, mopadulot paubos sa iyang puno-an ngadto sa putli nga mga balas sa kinahiladman, ug, magakuha gikan didto sa iyang kinabuhi, magapataas sa mahumot nga mga bulak ngadto sa kahayag diha sa walay mansa nga kaputli.”- *Education, p. 119.*

5. UNSAON ANG PAGSABUT SA MGA MENSAHE SA KINAIYAHAN

a. Kang kinsang pagmando ang gikinahanglan aron nga kita makasabut sa kinaiyahan? Juan 16:13; 14:26.

“Tudlo-i [ang mga kabataan] sa pagtan-aw sa mga ebedencia sa pagbati sa Dios alang kanato nga napakita bisan diin diha sa kinaiyahan, ang kahibulongan pagsagup sa tanang mga butang alang sa atong panginahanglan ug kalipayan.

“Siya lamang nga mo-ila sa buhat sa Amahan, kinsa diha sa kadagaya ug katahom sa yuta makabasa sa mga buhat sa Amahan- siya lamang ang makakat-on gikan sa mga butang sa kinaiyahan sa ilang pinakalawom nga mga leksyon ug makadawat sa ilang kinatas-ang pagpangalagad. Siya lamang ang makasabut sa kahulogan sa bungtod ug kapatagan, suba ug dagat, nga magatan-aw diha kanila ingon nga usa ka pahayag sa hunahuna sa Dios, usa ka pagpadayag sa Maglalalang.”- *Education*, pp. 119, 120.

b. Unsang hitabo nagatudlo kanato sa mga mensahe sa kinaiyahan sa labing ka klaro? Juan 1:4.

“Pinaagi lamang sa kahayag nga nagadan-ag gikan sa Kalbaryo nga ang mga pagtulon-an sa kinaiyahan sa husto masabtan. Pinaagi sa sugilanon sa Bethlehem ug sa krus himo-a nga ma-ipakita kon unsa ka mayo ang pagdaug sa dautan, ug sa unsa nga ang matag panalangin ngamitungha nganhi kanato maoy gasa sa katubsanan.

“Diha sa sampinit ug mga tunok, ug mga bunglasyon, gi-representar ang dautan nga nagadunot ug nagadaut. Diha sa naga-awit nga langgam ug sa nagabuklad nga bulak, diha sa ulan ug sidlak sa adlaw, diha sa kabugnaw sa ting-init ug mabugnaw nga yamug, diha sa napulo ka libo nga mga butang sa kinaiyahan, gikan sa incena sa kalasangan ngadto sa vayoleta nga nagapamulak diha sa iyang gamut, makita ang gugma nga nagapasig-uli. Ug ang kinaiyahan sa gihapon nagasulti nganhi kanato sa pagka-maayo sa Dios.”- *Ibid.*, p. 101.

PERSONAL SUBLI NGA MGA PANGUTANA

- 1. Unsa may gitinguha sa isulti kanato pinaagi sa kinaiyahan karon?**
- 2. Sa unsa nga ang mga langgam magatudlo kanato ug mga leksyon sa pagsalig diha sa Dios?**
- 3. Unsa may atong makat-onan gikan sa alamigas, usa sa pinaka-gamay sa mga linalang?**
- 4. Unsa man ang pila ka mga tulon-ang leksyon nga ikahatag sa mga kahoy kanato?**
- 5. Unsaon sa Dios pagsaysay ang mga mensahe sa kinaiyahan alang kanato karon?**

Mga Embahador sa Dios

“Anak ko, pamatia ang pahamangno sa imong amahan, ug ayaw pagbiyai ang pagtulon-an sa imong inahan” (Proverbio 1:8)

“Ang mga ginikanan . . . dili makahimo ug pagpasubo sa [Dios] ug labaw kay nianang pagdumili sa husto nga pagbansay sa ilang mga anak. Ang Dios naghatag kanila niining mga bataa ingon nga usa ka sagrado nga pagpiyal, aron edukahon alang Kaniya. Diha sa pag-ila sila nagabarug diha sa dapit sa Dios ngadto sa ilang mga anak.”- *ST, Sept. 25, 1901.*

Gisugyot nga Basahon : *The Adventist Home, pp. 187-194.*

Domingo

Hulyo 19

1. MGA EMBAHADOR ALANG SA DIOS

a. Unsa man ang mensahe sa ikalima nga sugo? Exodus 20:12.

“Ang mga ginikanan takus ngadto sa usa ka gidak-on nga gugma ug pagtahud nga dili angay ihatag ngadto sa ubang tawo. Ang Dios sa Iyang kaugalingon, nga mao ang nagpahalona diha kanila sa usa ka responsabilidad alang sa mga kalag nga gitugyan alang sa ilang pag-amoma, mao ang nagsugo nga sa sayo nga mga katuigan sa kinabuhi, ang mga ginikanan magabarug diha sa dapit sa Dios ngadto sa ilang mga kabataan. Ug siya nga magasalikway sa hustong otoridad sa iyang mga ginikanan nagasalikway sa otoridad sa Dios.”- *PP p. 308.*

b. Unsaon sa mga ginikanan pagtabang ang linghud pa nga kabataan? Proverbio 22:6.

“[Ang mga ginikanan] magabuhat sa kaluwasan niadtong hilabihan pa ka linghud aron makasabut sa kalainan tali sa maayo ug dautan. Dili gayud sila maghunahuna nga ang maayo sa natural nga paagi mangibabaw diha sa mga kasingkasing sa ilang kabataan. Kinahanglan nga ilang bantayan pag-ayo ang mga pulong ug panglihok sa ilang gagmay nga mga bata, basin ang kaaway makabaton ug inpluensya ibabaw kanila.”- *ST, Sept. 25, 1901.*

2. USA KA MAKAPAHADLOK NGA RESPONSABILIDAD

a. Unsaon sa mga ginikanan paghimo ang labing seryoso nga responsibilidad nga gikahatag ngadto sa tawo? Efeso 6:4.

“Tungod sa pipila ka katarungan daghan sa mga ginikanan dili makagusto sa paghatag ngadto sa ilang mga kabataan ug relihiyoso nga instruksyon, ug sila mobiya kanila sa pagkat-on diha sa Skwela Sabatika sa kaalam nga ilang pribilihiyo ug katungdanan sa pagpaambit. . . . Ang Dios nagsugo sa Iyang katawohan sa pagpadako sa ilang kabataan diha sa pag-amoma ug pagtambag sa Ginoo. Unsa may buot ipasabut niining – pag-amoma ug pagtambag sa Ginoo? Kana nagpasabut sa pagtudlo kanila sa paghan-ay sa kinabuhi pinaagi sa mga tulomanon ug mga leksyon sa pulong; sa pagtabang kanila sa pagbaton ug matin-aw nga pagsabut sa mga kondisyon sa pagsulod ngadto sa ciudad sa Dios. Dili ngadto sa tanan nga buot mosulod nga ang mga ganghaan nianang ciudad pag-ablihan, kon dili ngadto lamang niadtong nagatuon sa pagkasayud sa kabubut-on sa Dios ug mitugyan sa ilang mga kinabuhi ngadto sa Iyang pagmando.”- *CPTS*, p. 109.

“Sa kamapuangoron, kamainiton, kamaloloy-on, ang mga ginikanan magabuhat alang sa ilang mga kabataan, magakultiba o maga-ugmad sa matag maayong taras ug magasumpo sa matag dautan nga taras nga maoy naga-ugmad diha sa kinaiya.” – *ST*, p. Sept. 25, 1901.

“Kinahanglan nga wala kay buhat nga labaw ka importanti nga maoy makasanta kanimo gikan sa paghatag sa imong kabataan sa tanang panahon nga gikinahanglan aron sa paghimo kanila nga makasabut kon unsa ang buot ipasabut sa hingpit nga pagtuman ug pagsalig sa Ginoo.”- *The Adventist Home*, pp. 183, 184.

b. Kinsa may nagtudlo kang Timoteo diha sa iyang puloy-anan, ug sa unsa nga ang ilang pagtudlo naka-apekto sa iyang kinabuhi ingon nga usa ka bata ug ingon nga usa ka batan-on? 2 Timoteo 1:5; 3:15.

“Ang amahan ni Timoteo usa ka Griego u gang iyang inahan usa ka Judeo. Gikan pa sa iyang pagkabata iyang nakat-onan ang mga Kasulatan. Ang pagka-diosnon nga iyang nakita diha sa iyang kinabuhing puloy-anan maayo ug klaro. Ang pagtuo sa iyang inahan ug iyang apohan nga babaye diha sa sagrado nga mga orakulo alang kaniya maoy kanunay nga pahinumdom sa panalangin diha sa pagbuhat sa kabubut-on sa Dios. Ang pulong sa Dios mao ang sumbanan diin kining duha ka diosnong babaye naggiya kang Timoteo. Ang spiritohanong gahom sa mga leksyon nga iyang nadawat gikan kanila naga-amping kaniya nga putli diha sa pinulongan ug dili madala sa dautang mga influensya nga nagpalibut kaniya. Sa ingon ang iyang mga magtutudlo sa puloy-anan nakigbuligay sa Dios diha sa pag-andam kaniya aron magapas-an ug mga palas-anon.” – *AA*, p. 203.

3. ANG PAPEL SA DESIPLINA

a. Unsa may katuyoan sa desiplina? Salmo 14:12; Proverbio 25:28; 16:32.

“Ang katuyo-an sa desiplina mao ang pagbansay sa bata alang sa pag-dumala sa kaugalingon. Siya kinahanglan tudlo-an sa pagsalig-sa-kaugalingon ug pagpugong-sa-kaugalingon. . . .Tabangan siya sa pagtan-aw nga ang tanang mga butang anaa nailalom sa balaod, ug nga ang pagsupil magadala, sa katapusan, ngadto sa pagkalaglag ug pag-antus. . . .

“Ang matuod nga tumong sa pagbadlong mabatunan lamang sa dihang ang nakahimo ug sayop madala sa pagtan-aw sa iyang sayop ug ang iyang kabubut-on gamiton alang sa pagsaway niini. Sa dihang mahimo na kini, itudlo siya ngadto sa tinubdan sa pagpasaylo ug gahom.” – *CG p. 223.*

“Usa ka bata, nga sa husto nadesiplina diha sa mga prinsipyo sa kamatuoran, nga nakabaton sa gugma ug pagkahadlok sa Dios nga nahabul diha sa kinaiya, makabaton ug usa ka gahom alang sa ikaayo sa kalibutan dinhi sa kalibutan nga dili gayud kabilhan.”- *Ibid., p. 163.*

b. Unsaonnato ang pagdesiplina ang kabataan nga nailalom sa atong pag-amoma? Proverbio 29:15; Colosas 3:21.

“Ang unang rason uban sa imong kabataan, sa matin-aw itudlo ang ilang mga sayop, ug ipasabut diha kanila nga sila wala lamang makasala batok kaninyo, kon dili batok sa Dios. Uban sa imong kasingkasing nga puno sa kaluoy ug pagkasubo tungod sa imong masalaypon nga kabataan, pag-ampo uban kanila sa dili ang saway kanila. Unya ilang makita nga ikaw wala magsilot kanila tungod kay ikaw ilang gisamok, o tungod kay ikaw buot nga mopagawas sa imong kasuko diha kanila, kon dili gikan sa usa ka pag-ila sa katungdanan, alang sa ilang kaayohan; ug sila magahigugma ug magatahud kaninyo.”- *Ibid., pp. 252, 253.*

“Dakong pagmatngon ang pagagamiton sa mga ginikanan kay basin sila magatagad sa ilang mga anak sa paagi nga makahagit sa pagkamasupilon, pagkasukwahi, ug pagrebelde. Ang mga ginikanan sagad makapukaw sa pinakangil-ad nga pagbati sa tawohanong kasingkasing tungod sa ilang kakulang sa pagpugong sa kaugalingon. Sila magasaway kanila diha sa spiritu sa kasuko, ug imbes nga magapakita kanila sa ilang dautan nga mga gawi ug masukihonnga spiritu, kay sa pag inpluensya kanila diha sa husto nga dalan.” – *RH Nov. 15, 1892.*

“Mga ginikanan, ataw gayud kamo paglihok gikan sa kasuko. Ataw pagsaway sa imong anak kon ikaw nasuko; tungod kay kon imong himoon kini, ikaw magaumol kaniya suno sa imong dagway – masuk-anon, mainiton, ug pungtanon. Ikaw mahimong malig-on bisan walay inisug nga panghadlok o pagsingka.”- *Australian Union Conference Record, Sept. 6, 1909.*

4. MAGADAUG SA GINIKANHONG MGA SAYOP

a. Unsang sugo ang gihatag ngadto sa tanang kabataan mahitungod sa ilang pagsunod sa ilang mga ginikanan? Efeso 6:1. Unsa may makat-onan sa mga ginikanan gikan sa tambag nga gihatag ngadto sa mga magtutudlo?

“Ang mga ginikanan kon anaa nahi-uyon sa kabubut-on sa Dios, mahimong kasugoan.”- *RH Dec. 18, 1900.*

“Langitnong mga mensahero igapadala aron sa pag-alagad niadtong mahimong mga manununod sa kaluwasan; ug kini sila makighinabi uban sa mga magtutudlo kon sila wala natagbaw sa uban sa naandan nga dalan sa tradisyon, kon sila dili sa hilabihanmahadlok sa pagbiya gikan sa landing sa kalibutan. Ang mga magtutudlo kinahanglan nga magmatngon basin sila magasira sa mga ganghaan aron nga ang Ginoo dili na makakaplag ug alagi-anan ngadto sa mga kasingkasing sa mga batan=on.”- *6T p. 161.*

b. Unsay atong buhaton samtang atong subli-on kadtong mga butang nga atong nakat-onan diha sa atong pagka-bata? 1 Tesalonika 5:21.

“Diha sa tanan nga gipili aron sa paghimo ug bulohaton alang sa Ginoo ang tawohanong elemento makita. Apan sila dili mga tawo nga plastado nang daan ug mga batasan ug kinaiya (stereotyped), kinsa natagbaw na nga magpabilin diha niana nga kondisyon. Silas a kainit nagatinguha sa pagbaton ug kaalam nga gikan sa Dios ug mokat-on sa pagbuhat alang Kaniya. . . . [Santiago 1:5 gikutlo.] Apan ang Dios dili mohatag ngadto sa mga tawo ug langitnong kahayag samtang sila natagbaw sa pagpabilin diha sa kangitngit. Aron makadawat ug tabang sa Dios, ang tawo kinahanglan moila sa iyang kaluyahon ug kakulangon; iyang ibutang ang iyang kaugalingon nga kaisipan ngadto sa dakong kausaban nga pagahimoon diha sa iyang kaugalingon; kinahanglan nga siya maaghat ngadto sa mainiton ug malahutayon nga pag-ampo ug panlimbasug. Ang sayop nga mga batasan ug kostumri kinahanglan nga pagabiyaan; ug pinaagi lamang sa desidido nga paninguha sa pagsaway niining maong mga sayop ug sa pagpahiuyon ngadto sa husto nga mga prinsipyo nga ang kadaugan mabatonan. Daghan ang wala makakab-ut ngadto sa posisyon nga ila untang mabatonan, tungod kay sila nagahulat sa Dios aron nga maoy mobuhat alang kanila nianang iyang gihatagan sila ug gahom aron ilang buhaton sa ilang mga kaugalingon. Ang tanan nga mahaum alang sa pagka-mapuslanon kinahanglan nga mabansay pinaagi sa mapig-ut nga utoknon ug moral nga desiplina, u gang Dios motabang kanila pinaagi sa paghiusa sa diosnong gahom uban sa tawohanong panlimbasug.”- *PP p. 248.*

c. Unsa ka daghan sa mga kaliwatan sa atong mga katigulangan ang maka-influensya pa sa atong mga batasan? Exodus 20:5.

5. ANG KADAUGAN POSIBLI

a. Sa dihang si Moises usa pa ka batan-ong lalaki, unsang pagpili ang iyang gihimo? Gi-unsang niya ang pagdaug sa mga epekto sa iyang kinabuhi didto sa Egypto? Hebreohanon 11:24- 27.

“Si Moises nakakat-on ug hilabihan nianang dili niya angay kat-onon. Ang mga inpluensya nga nagpalibut kaniya didto sa Egypto- ang gugma sa iyang nagsagup nga inahan, ang iyang hataas nga posisyon ingon nga apo sa hari, ang kalingawan bisan diin, ang kahapsay, ang pagka-malinglahon, ug ang pagka-malamaton sa usa ka mini nga relihiyon, ang pagka-masanagon sa pagsimba ug mga diosdios, ang solemni nga katahom sa mga gambalay ug mga skultura- kining tanan nakahatag ug halawom nga impresyon diha sa iyang linghud pa nga kaisipan ug maoy naka-umol, sa pinasahe, sa iyang mga batasan ug kinaiya. Ang panahon, ang kausaban sa palibut, ug pagpakigdugtong uban sa Dios mao ang makawagtang niini nga mga impresyon. Magkinahanglan diha sa parti ni Moises mismo ang usa ka pagpakigbisug sa tibuok kinabuhi aron sa pagbiya sa sayop ug pagdawat sa kamatuoran, apan ang Dios mao ang iyang katabang sa dihang ang away mahimo nang hilabihan ka dako alang sa tawohanong kusog.”- *PP p. 248.*

b. Unsaon nato pagdasig ang atong mga kabataan sa pagdaug sa sala? 2 Pedro 1:4; 1 Corinto 15:57, 58; Proverbio 24:16 (katapusang bahin).

“Kinahanglan ang bata ug batan-on matudlo-an nga ang matag pagkapakyas, matag sayop, matag kalisdanan, nga madaug, mahimong tikanganan nga bato alang sa maarang-arang ug mas hataas nga mga butang. Pinaagi diha niana nga mga kasinati-a nga kadtong tanan nga buot mohimo sa kinabuhi nga takus sa mga buhi nga nakakab-ut ug kalampusan.”- *CG, p. 255.*

- 1. Kanus-a man nga ang mga pulong sa ginikanan ngadto sa ilang mga anak mahimong ingon sa tingog sa Dios?**
- 2. Unsaon nato ang pagdala sa mga kabataan diha sa pag-alima ug pagtambag sa Ginoo?**
- 3. Unsa may atong batonan aron nga ang desiplina ug pagsaway mahimong malampuson?**
- 4. Unsaon dakong kausaban kinahanglan nga atong agi-on aron kita magamit sa Dios?**
- 5. Unsaon nato ang pagdaug sa dautan nga mga batasan nga atong naporma diha sa pagkabata?**

Ang Unang Sabado Nga Halad Alang Sa Misyonero Nga Mga Skwelahan

Diha sa mahigugmaong pagsunod sa sugo sa Manluluwas, “Panlakaw kamo ngadto sa tibuok kalibutan” ug tudlo-l ang tanang kanasuran, ang Adventista del Septimo Dia Kalihokan sa Pagreporma nanlimbasug sa pag-andam ug kwalipikado nga mga magbubuhar aron sa paghimo niini nga buhat.

Ang Misyonero nga mga skwelahan maoy usa pinaka-dakong ginamiton alang niining maong pagpangandam. Kini nga mga skwelahan, nga gitukod sa nagkalainlaing mga dapit sa kalibutan, kinahanglan nga masentro diha sa pagtudlo sa atong mga batan-on diha sa “Presenti nga Kamatuoran” ug unsaon ang pagpakaylap niini ngadto sa halayo.

“Ang matuod nga edukasyon maoy misyonero nga pagbansay. Ang matag anak nga lalake ug anak nga babaye sa Dios gitawag aron mahimong misyonero; kita gitawag ngadto sa serbisyo sa Dios ug sa atong isigka-tawo; ug ang pagpahaum kanato alang niini nga serbisyo kinahanglan nga mao ang katuyo-an sa atong edukasyon.”- MH p. 395.

Diha sa paghimo niining edukasyonal nga buhat, ang dubli nga bintaha mabatonan. Dili lamang ang mga sincere, nauhaw nga mga kalag ang mabinifisyohan, kon dili ang mga mensahero usab nga sa ilang mga kaugalingon mapalig-on ug madala ngadto sa usa ka suod nga pagpakigdugtong uban sa Dios.

Ang mensahera sa Ginoo naga-uyon niini nga matang sa kalihokan ug nagadasig sa mga tomotoo sa pagsalmut diha niana:

“Siya nga naninguha sa pagbaton ug kaalam aron nga siya makahimo sa pagbuhar alang sa mga walay alamag ug nagakawala nagahimo sa iyang bahin diha sa pagtuman sa dakong katuyo-an sa Dios alang sa tawo. Diha sa dili hinakug nga serbisyo alang sa pagpanalangin sa uban siya makabaton sa kinatas-an nga gikinahanglan nga edukasyon.”- Counsels to Parents, Teachers, and Students, p. 545.

“Ang Ginoo nagatawag alang sa kusganon, dedikado, masakripisyohon sa kaugalingon nga mga batan-ong lalaki ug babaye, kinsa motulak ngadto sa unahan, ug kinsa, human sa hamubo nga panahon nga gigamit dihasa skwelahan, molakaw nga andam sa paghatag sa mensahe ngadto sa kalibutan.”- Ibid., p. 549.

Busa, kami malumo nagahangyo sa tanan nga mga tomotoo sa tibuok kalibutan, sa pag-abli sa ilang kasingkasing alang niining panginahanglan ug sa paghatag nga madagayaon alang sa kaugmaran niining mapuslanon nga sanga sa buhat sa Dios niini nga Sabado, sa dihang ang pinasahe nga halad pagatigumon alang niini nga katuyo-an.

Kami buot magapasalamat kaninyo nga daan tungod sa inyong pagkamahinatagon ug magasalig nga ang Dios sa kadagaya magapanalangin sa nga gasa ug sa mga maghahatag.



Inyong mga igsoon gikan sa Departamento sa Edukasyon

Ang Tingog Sa Dios Diha Sa Iglesya

“ Nan, unsa man diay ang bintaha sa pagka-Judio? Unsa may kapuslanan sa sirkunsisyon? Daghan, bisan asa ipaagi. Una sa tanan, ngadto sa mga Judio gipiyal ang mga pulong sa Dios” (Roma 3:1, 2).

“Ang Dios nagpili sa Israel . . . aron sa pagpreserba taliwala sa katawohan sa kahibalo sa Iyang kasugo-an, ug sa mga sembolo ug mga profesya nga nagatudlo ngadto sa Manluluwas. . . . Sila magapadayag sa Dios ngadto sa mga tawo.”- *DA p. 27.*

Gisugyot nga Basahon: *Acts of Apostles, pp 188- 200.*

Domingo

Hulyo 26

1. ANG DIOS MAGASULTI PINAAGI SA IYANG IGLESYA

a. Unsa ang unang mando ang gihatag ni Jesus ngadto kang Saulo sa Tarsus human sa iyang pagkakabig? Buhat 9:6.

“Daghan ang nagabaton sa usa ka hunahuna nga sila responsabli lamang ngadto kang Cristo sa ilang kahayag ug kasinati-an, nga bulag gikan sa Iyang giila nga mga sumosunod dinhi sa yuta. Si Jesus. . . . nagrespito sa pamaagi nga Iyang gimugna alang sa paglamdang ug kaluwasan sa mga tawo; Siya nagamando sa mga makasasala ngadto sa iglesya.”- *AA, p. 122.*

b. Unsa ka mahinungdanon ang pagpamati sa tingog sa Dios nga magasulti kanato pinaagi sa Iyang iglesya u gang pag-kooperar uban sa Iyang katawohan? Mateo 18:18-20.

“Ang adunay organisado nga lawas nga niana Siya magabuhat.”- 3 SM p. 17.

“Ang Manunubos sa kalibutan wala maga-uyon ug kasinatian ang paglihok diha sa relihiyoso nga mga butang bulag sa Iyang organizado ug giila nga iglesya. . . . Ang Manluluwas nagbutang kang [Saulo] kadugtong sa Iyang iglesya, ug sila ang magsugo kaniya kon unsa ang buhaton. . . .

“Ang tanan nahimo diha sa ngalan ug pinaagi sa otoridad ni Cristo; apan ang iglesya mao ang latayan sa komunikasyon.”- *Sketches From the Life of Paul, pp. 31, 32.*

2. MAGAPATALINGHUG SA DIOS NGA NAGASULTI PINAAGI SA IGLESYA

a. Tolo ka mga tuig sa ulahi, human si Jesus sa personal nagtudlo kaniya, diin man si Saulo (karon gitawag na ug Pablo) miadto? Galacia 1:1, 15-19.

“Bisan pa atubangan sa kamatuoran nga si Pablo sa personal gitudlo-an sa Dios, siya walay hugut nga mga idiya sa indibidual nga responsabilidad. Samtang nagatan-aw ngadto sa Dios alang sa direkta nga mando, siya andam kaayo nga moila sa otoridad nga gihatag diha sa lawas sa mga tomotoo nga nahiusa sa panagkauban diha sa iglesya.”- AA p. 200.

“Ang Dios wala magatinguha nga ang hunahuna ug paghukom sa tawo maoy magagahom ug magaplano ug magadibuho nga walay maminatngonon ug mainampoon nga pagkonsiderar sa tibouk nga lawas.”- 3SM p. pp. 16, 17.

“Bisan pa ang pinakamaayo sa mga tawo, kon pasagdan diha sa ilang kaugalingon, masayop gayud diha sa ilang paghukom. . . .

“Sa labi ka dako ang responsabilidad gipahalona diha sa tawohanong ginamiton, ug sa labi ka dako ang iyang responsabilidad aron sa pagdiktar ug pagkontrolar, sa labi ka dakong kaudat ang sigurado nga iyang mahimo kon dili siya sa maminatngonon magasunod sa paagi sa Ginoo ug magabuhat kaharmoniya uban sa mga desisyon nga napaghiusahan sa kinatibuk-ang lawas sa mga tomotoo diha sa hiniusa nga konsiho.”- AA pp. 198, 199.

b. Unsay nahitabo didto sa mga panahon Daang Tugon sa dihang ang pinili sa Dios nga mga pangulo sa kasina gisaway o gidaut? Numerus 12:1, 2, 9, 10. Unsa may atong makat-onan gikan niini?

“Kadtong mohilig sa pag-ila sa ilang indibidual nga paghukom ingon nga labaw maanaa sa dakong katalagman. Maoy gitun-an nga panlimbasug ni Satanas ang pagbulag sa mga ingon niana gikan niadtong mga latayan sa kahayag, nga kinsa maoy gigamit sa Dios aron sa pagtukod ug pagpauswag sa Iyang buhat dinhi sa yuta. Ang pagpasibaya o pagsalikway niadtong kinsa gitudlo sa Dios aron nga maoy mopas-an sa mga responsabilidad sa pagdumala kadugtong sa pagpalambo sa kamatuoran maoy pagsalikway sa mga paagi nga Iyang gimugna alang sa pagtabang, pagdasig, ug paglig-on sa Iyang katawohan. Ang pagpasibaya niining bahina sa kang bisan kinsa nga magbubuhat diha sa kawasa sa Ginoo, maoy pagpahimutang sa iyang kaugalingon diha sa dapit diin siya mahimong malimbungan sa kaaway uh mapukan. . . . Ang matag ahensya mahimong mapalilalom ngadto sa Balaang Spiritu, u gang tanang mga tomotoo magkahi-usa.”- *Ibid.*, p. 164.

3. MAGAKOOPERAR UBAN SA MGA DESISYON SA IGLESYA

a. Unsaang respeto ang igahatag ngadto sa lihitimo nga mga desisyon sa iglesya? 1 Pedro 5:5; Hebreohanon 13:17; Proverbio 11:14.

“Ako kanunay gitudlo-an sa Ginoo nga walay paghukom sa tawo ang ipasakop ngadto sa paghukom sa laing tawili gayud ang hunahuna sa usa ka tawo o mga hunahuna sa pipila ka mga tawo ang paga-ilhon ingon nga paigo diha sa kaalam ug gahom aron mokontrolar sa buhat ug mosulti kon unsang planoha ang pagasundon. Apan sa dihang, sa Konperencia Heneral, ang paghukom sa mga kaigsoonan nga nanagtigom gikan sa tanang bahin sa kaumahan ginagamit, ang kinaugalingon nga pagpalain ug kinaugalingon nga paghukom kinahanglan nga dili sa kagahi ipadayon, kon dili igasurendir. Dili gayud ang usa ka magbubuhat magatagad ingon nga usa ka virtud ang pagpadayon sa tenir sa iyang baruganan sa pagka-independenti, nga kasupak ngadto sa desisyon sa kinatibuk-an nga lawas.

“Diha sa mga panahon, diin ang dyutay lamang nga grupo sa mga tawo ginatugyanan sa kinatibuk-an nga pagdumala sa buhat, diha sa ngalan sa Konperencia Heneral, magatinguha sa pagpasunod ug dili maayo nga mga plano ug mopig-ut sa bulohaton sa Dios, ako nag-ingon nga dili na ako moila sa Konperencia Heneral nga gi-representahan niining pipila lamang ka mga tawo ingon nga maoy tingog sa Dios. Apan dili kana pagasabton nga ang mga desisyon sa usa ka Konperencia Heneral nga nagalangkub ug usa ka asembliya nga sa husto gayud nga pagkatudlo, representanti nga mga tawo sa Iyang iglesya gikan sa tanang dapit sa kaumahan dili paga respitohan. Ang Dios nagasugo nga ang mga representanti sa Iyang iglesya gikan sa tanang bahin sa yuta, sa dihang magatigom sa Konperencia Heneral, adunay gahom. Ang sayop diin sa makatalagmanon mahimo sa uban mao ang pagtugyan ngadto sa kaisipan ug paghukom sa usa ka tawo, o sa usa ka dyutay nga grupo sa mga tawo, sa hingpit nga sukod sa gahom ug inpluensya nga gibutang sa Dios diha sa Iyangiglesya sa paghukom ug tingog sa Konperencia Heneral nga nagatigom aron sa pagplano alang sa kauswagan ug pag-abanti sa Iyang buhat. . . .

“Kinahanglan diha nato ihatag ang kinatas-ang organisado nga otoridad sa iglesya kanang dali kaayo natong ihatag ngadto sa usa ka tawo o ngadto sa dyutay nga grupo sa mga tawo.” – *9T p. 260, 261.*

“Ang Dios naghatag sa kinatas-ang gahom ilalom sa langit diha sa Iyang iglesya. Kana mao ang tingog sa Dios diha sa Iyang naghahiusa nga katawohan diha sa kapasidad sa iglesya nga angay pagarespetohan.” – *Ibid., vol. 3, p. 451.*

b. Unsaang matang sa gawi ang buot sa Dios nga batonan sa mga pangulo sa iglesya ngadto sa ilang masigka-magtotoo? Filipos 2:3-8.

4. ANG IGLESYA DILI MAKAPULI SA DIOS

a. Ang si bisan kinsa ba nga sakop o opesyales sa iglesya makadetermina o makadikta sa indibidual nga katungdanan sa lain nga membro? Mateo 20:25-28.

“Kinahanglan nga ang tanan nga midawat sa tawohanon nga otoridad, sa mga kustomri sa iglesya, o sa mga tradisyon sa mga amahan, magmatngon sa pasidaan nga gihatag diha sa mga pulong ni Cristo, ‘Kawang lamang ang ilang pagsimba Kanako, ilang ginapanudlo ang mga doktrina ug mga kasugoan sa mga tawo’ (Mateo 15;9).” – *DA p. 398.*

“Kinahanglan nga ang inyong pagtoo ug pagsalig anaa diha sa Dios. Ayaw pagsalig diha sa kang bisan kinsang tawo aron nga maoy motudlo sa imong katungdanan. . . .

“Ang matag sakop sa iglesya kinahanglan nga makasabut nga ang Dios mao ang usa nga angay agdon alang sa pagpanabut sa indibidual nga katungdanan. Husto nga ang mga igsoon magtinambagay sa tingob; apan sa dihang ang mga tawo mao na ang magahan-ay kon unsa ang pagabuhaton sa ilang mga igsoon, kinahanglan nga sila motubag nga silang gipili ang Ginoo ingon nga ilang magtatambag. Kadto silang sa mapaubsanon mangita Kania makakaplag sa Iyang grasya ingon nga paigo. Apan sa dihang ang usa ka tawo magatugot sa usa nga mosulod sa tunga kaniya ug sa katungdanan nga gitudlo sa Dios ngadto kaniya, magahatag ngadto sa tawo sa iyang pagsalig ugmagadawat kaniya ingon nga giya, diha niana siya mibiya gikan sa matuod nga plataporma ngadto sa usa nga mini ug makatalagmanon. Ang ingon niana nga tawo, inlugar nga motubo ug maugmad, mawad-an hinoon sa iyang spiritualidad.”- *9T pp. 279, 280.*

b. Unsang tambag ang gihatag ngadto sa mga pangulo sa iglesya ang magagiya usab sa kang bisan kinsa nga membro nga natintal aron sa pagkontrolar sa gawi sa laing tawo? Mateo 23:8, 10-12.

“Innay sa pagkonsiderar nga maoy ilang katungdanan ang pagplastar ug pagdiktar ug pagmando, [tanang nga nagbaton ug responsabli nga mga katungdanan] kinahanglan nga maka-sabut nga sila kinahanglan nga mahimong magtotoon sa ilang mga kaugalingon. Sa dihang ang usa ka resposabli nga magbubuhat mapakyas sa pagkat-on niini nga leksyon, ang pagtangtang dayon kaniya gikan sa iyang katungdanan mas makahatag ug kaayohan alang kaniya ug sa buhat sa Dios. Ang katungdanan dili makahatag ug pagkabalaan ug pagkalabaw sa kinaiya. Siya nga magapasidungog sa Dios ug magabantay sa Iyang mga sugo magapasidungog sa iyang kaugalingon.”- *Ibid., pp. 282, 283.*

“Mga tawo nga gitawag sa Dios alang sa mahinungdanon nga mga katungdanan diha sa Iyang buhat kinahanglan maga-ugmad ug mapaubsanon nga pagsalig diha Kaniya. Kinahanglan nga dili sila magatinguha sa pagkupot ug hilabihan ka dakong otoridad; tungod ka yang Dios wala magtawag kanila ngadto sa buhat sa paggahom, kon aron sa pagplano ug pagtinambagay uban sa ilang kaubang mga magbubuhat.”- *Ibid., p. 270.*

5. PAGHUSAY SA MGA KASAMOK

a. Unsang pamaagi ang gigamit diha sa paghusay sa panagbingkil sa sayo nga iglesya? Buhat 15:1-4. Unsa may atong makat-onan gikan niini?

“[Pipila ka mga Hudeo] nagpatoo uban ang dakong pasalig, nga wala gayuy maluwas nga dili maserkunsidahan ug magabantay sa tibuok seremonyal nga balaod.

“Usa kadto ka mahinungdanon nga kwestyon, ug usa nga naka-apekto sa iglesya sa hilabihan gayud. . . . Ang maong butang miresulta sa dakung diskusyon ug pagkinahanglan sa panagkahar-moniya diha sa iglesya, hangtud nga sa katapusan ang iglesya sa Antioquia, nakamatikod nga ang panagkabahin sa ilang taliwala mahitabo sa padayon nga panaglantugi sa maong punto, midesider sa pagpadala kang Pablo ug Barnabas, kauban sa pipila ka mga responsabli nga mga tawo sa Antioquia, ngadto sa Jerusalem, aron sa pagpresentar niining butanga atubangan sa mga apostoles ug mga anciano. Didto ilang ikahibalag ang mga delegado gikan sa nagkalainlaing mga iglesya, ug adtong miadto aron sa pagtambong sa umalabot nga tinu-ig nga mga fiesta. Sulod sa panahon ang tanang panagbangi kinahanglan nga mahunong hangtud nga ang usa ka pinal nga desisyon ang mahimo pinaagi sa responsabli nga mga tawo sa iglesya. Kini nga desisyon dayon sa kinatibuk-an gidawat sa nagkalainlain nga mga iglesya sa tibuok nga nasud.”- *Sketches From the Life of Paul*, p. 63.

b. Sumadaha ang record ni Pedro sap unto nga gihisgutan. Buhat 11:2-17. Diha sa unsa nga si apostol Santiago nagabasi sa iyang argumento? Buhat 15:13-17. Kinsa man ang naghusay niini nga kasamok? Versikolo 28.

PERSONAL SUBLI NGA MGA PANGUTANA

- 1. Unsa-on nato sa pagkahibalo nga ang Dios nagabuhat ug nagasulti pinaagi sa usa ka organisado nga lawas?**
- 2. Ngano man nga ang usa ka tawo wala tugyani sa responsabilidad sa paggahom ug pagplano alang sa iglesya sa Dios?**
- 3. Unsaon nato ang pagdugtong ngadto sa mga desisyon nga gihimo sa mga representanti sa iglesya nga nag sesyon?**
- 4. Unsa may buot sa Dios nga atong buhaton mahitungod sa atong personal nga katungdanan inlugar nga moduol ngadto sa pipila diha sa iglesya aron patambag? Ngano?**
- 5. Unsaon nato ang paghusay ang kasamok dha sa iglesya?**

Magapaminaw sa Pulong sa Dios

“Ang pagtoo moabut pinaagi sa pagpatalinghug, ug pagpatalinghug sa pulong sa Dios” (Roma 10:17).

“Ang Dios makigsulti kanato diha sa Iyang pulong.” – *SC p. 87.*

Gisugyot nga Basahon: *GC pp. 197-210*

Domingo

Agosto 2

1. ANG KATAPUSANG OTORIDAD

a. Unsa ka dakong otoridad ang nabatongan sa Pulong sa Dios ibabaw sa tawhanong pagpanudlo? Salmo 119:105; Isaias 8:20.

“Ang Balaang Kasulatan mao ang hingpit nga sumbanan sa kamatuoran.”- *Education p. 17.*

“ ‘Ang tanang tawohanon nga pagtudlo kinahanglan nga ipasakop ngadto sa mga orakulo sa Dios.’ “ – *GC p. 204.*

“Ang Ginoo adunay usa lamang ka dalan sa kasigurohan alang sa Iyang katawohan, ug kana mao ang dalan sa pagtuman sa Iyang pulong. Kana nga pulong gihatag nganhi kanato ingon nga atong giya.”- *The Bible Echo, August 19, 1895.*

b. Unsaon nato sa husto pag-gamit ang atong mga gahom sa pagpangatarungan diha sa pagsabut sa Pulong sa Dios? Isaias 1:16-18; 1 Corinto 1:18, 25; 2:14- 16.

“Sa dihang kita moduol sa Biblea, ang rason kinahanglan nga moila sa usa ka otoridad nga labaw sa iyang kaugalingon, ug ang kasingkasing ug pagpanabut kinahanglan nga moyukbo ngadto sa dakong Mao Ako.”- *SC p. 110.*

“Kinahanglan nga kita magmatngon sa paghimong dios sa rason, nga nailalom sa kaluyahon ug kahuyang sa tawo.” – *5T p. 703.*

“Uban sa inyong mga Biblea nga naablihan sa inyong atubangan, sukna-a ang nabalaan nga rason ug ang usa ka maayong kaisipan. Ang imong kasingkasing kinahanglan nga mapalihok, ang imong kalag matandog, ang imong rason ug pangisip mapapukaw pinaagi sa Spirito sa Dios; ug unya ang balaang mga prinsipyo nga napadayag diha sa pulong sa Dios mohatag ug kahayang ngadto sa kalag.” – *RH February 7, 1893.*

2. MAGAPAMINAW NGADTO SA DIOS PINAAGI SA IYANG PULONG

a. Unsa man ang moresulta kon kita sa personal magapaminaw sa Dios pinaagi sa iyang pulong? Deuteronomio 4:6; Salmo 119:94, 97- 100.

“Ang hamili nga basahon sa Dios nakabaton sa mga sumbanan sa kinabuhi alang sa mga tawo sa matag sari ug matag kahimtang.” – *4T p. 416.*

“Kita maga-abanti diha sa matuod spiritohanon nga kahibalo lamang sa dihang atong makita ang atong pagka-dyutay ug ang atong bug-os nga pagsalig diha sa Dios; apan ang tanan nga moduol ngadto sa Biblea uban ang matudlo-an ug mainampoon nga spiritu, aron sa pagtuon sa mga pinulongan niini ingon nga pulong sa Dios, makadawat ug langitnong paglamdag.” – *5T p. 704.*

“Diha sa pagsusi sa mga Kasulatan alang sa imong kaugalingon, ikaw mahimong mapalig-on diha sa pagtuo. Mahinungdanon gayud kaayo nga ikaw magapadayon sa pagsusi sa mga Kasulatan, magatipig diha sa hunahuna sa mga kamatuoran sa Dios.” – *The Bible Echo, October 15, 1892.*

“Ang konserbatibo nga mga tradisyon nga nadawat gikan sa edukado nga mga tawo, ug gikan sa mga sinulat sa dagkong mga tawo, dili hilwas nga giya alang kanato niining katapusang mga adlaw. . . . Adlaw-adlaw, oras-oras. . . kinahanglan nga kita mapalihok pinaagi sa mga prinsipyo sa kamatuoran – pagka-matarung, kaluoy, ug sa gugma sa Dios. Siya nga buot makabaton ug moral ug utoknon nga gahom kinahanglan nga magakuha gikan sa langitnong tinubdan. Diha sa matag punto sa pagdesisyon pangutana, ‘Mao ba kini ang dalan sa Ginoo?’” – *RH Feb. 7, 1893.*

b. Unsang kasigurohan ang atong nabatonan nga ang Dios makig-storya kanato, sa individual, pinaagi sa Biblea? Juan 6:63; Jeremias 15:16; Salmo 34:8.

“Ang pulong sa buhi nga Dios wala lamang gisulat kon dili kini ginasulti. Ang Biblea mao ang tingog sa Dios nga nagasulti kanato, sama ra nga atong madungog kini sa atong mga idulongog. Kona tong giila kini, uban sa unsang pagtahud nga kita maga-abli sa pulong sa Dios, ug uban sa unsang ka mainiton nga kita magatuki sa mga kalagdaan niini! Ang pagbasa ug pagpamalandong sa mga Kasulatan pagailhon ingon nga anaa sa presencia sa Usa nga Dili Matugkad.” – *6T p. 393.*

“Sa dihang si Satanas magadutdut sa iyang mga sugyot diha sa mga kaisipan, kita mahimong madala ngadto sa sekreto nga tago-anan sa Labing Hataas, kon atong pili-on ang ‘Mao kini ang gipamulong ni Jehova’. – *Ibid.*

“Hilabihan ka daghan ang puno sa daghang mga plano, kanunay aktibo; ug wala nay panahon o dapit alang sa bililhon nga Jesus aron mahimong usa ka suod, mahal nga kauban. Wala sila magatumong sa matag hunahuna ug buhat ngadto Kaniya, nga mangutana: ‘Mao ba kini ang dalan sa Ginoo?’ Kon ilang gihimo kini sila magalakaw kauban sa Dios, maingon kang Enoc.” – *Ibid.*

3. GIKINAHANGLAN NGA KOMUNIKASYON

a. Ngano nga ang mga kasulatan gisulat? Juan 20:31.

b. Kona tong isalikway ang tingog sa Dios diha sa Iyang nasulat nga Pulong, makadahom ba kita nga Siya mopahibalo sa Iyang kabubut-on nganhi kanato pinaagi sa lain nga mga paagi? Lucas 16:31; Proverbio 28:9. Ngano?

“Ang kasugoan u gang mga profeta maoy tinudlo nga mga ginamiton sa Dios alang sa kaluwasan sa mga tawo. . . . Kon dili sila maminaw sa tingog sa Dios diha sa Iyang pulong, ang pamatuod sa usa ka saksi gikan sa mga patay dili usab tagdon.

“Kadtong naminaw kang Moises ug sa mga profeta dili magkinahanglan ug dako nga kahayag kay nianang nahatag na sa Dios; apan kon ang mga tawo magasalikway sa kahayag, ug mapakyas sa pag-gamit sa mga kahigayonan nga gihatag kanila, dili gayud sila maminaw bisan adunay usa nga motungha ngadto kanila uban ang mensahi gikan sa mga patay. Dili gayud sila makonbinsi bisan pinaagi niini nga ebedencia; tungod kay kadtong nagasalikway sa kasugoan ug sa mga profeta sa hilabihan nagpagahi sa ilang mga kasingkasing nga tungod niana sila magasalikway sa tanang kahayag.” – *COL p. 265.*

c. Ngano nga dili kita makasalig diha sa kang bisan kinsa aron maminaw sa Dios alang kanato? Ezekiel 14:12- 14; 33:14- 16.

“Kinahanglan nga kita magatuon sa kamatuoran alang sa atong mga kaugalingon; kinahanglan nga walay tawo nga pagasaligan aron nga maoy magahunahuna alang kanato, bisan pa kon kinsa siya o bisan unsa pang posisyon siya nahamutang. Dili gayud kita motan-aw diha sa kang bisan kinsang tawo ingon nga hingpit nga giya alang kanato. Kinahanglan nga kita magtinambagay ug magpasakopay sa usag-usa; apan diha sa sama nga higayon kinahanglan nga atong gamiton ang abilidad nga gihatag sa Dios kanato sa pagkat-on kon unsa ang kamatuoran. Ang matag-usa kanato kinahanglan nga motan-aw ngadto sa Dios alang sa langitnong paglamdag, aron nga kita sa tinagsa maka-ugmad ug usa ka kinaiya nga makabarug sa pagsulay sa dako nga adlaw. . . .

“Daghan ang gipadpad ngadto sa kangitngitan ug pagka-walay pagtuo, nagakuha ug mga sayop sa Biblea, nagadala ug mga patootoo nga mga imbierto, dili uyon sa kasulatan nga mga tiyoriya, ug mga spekulasyon sa kawang nga filosopiya; apan maoy katungdanan sa matag usa sa pagtinguha ug hingpit nga kahibalo sa mga Kasulatan. Ang kamahinungdanon ug benefisyo sa pagtuon sa Biblea dili gayud mabilhan. Diha sa pagsusi sa mga Kasulatan ang atong mga kaisipan madala ngadto sa pagpabilin diha sa dili masukod nga sakrifisyo ni Cristo, diha sa Iyang pagpataliwala alang kanato. Samtang atong makita ang Iyang gugma, sa dihang atong pamalandongon ang Iyang pagpaubos ug mga pag-antus, ang sama nga spiritu sa pagdumili sa kaugalingon ug pagsakrifisyo alang sa kaayohan sa uban mahaling dinhi sa atong mga kasingkasing.” – *The Bible Echo, October 15, 1892.*

4. ANG UNA NGA KASINATI-AN UBAN SA DIOS**a. Ngano man nga ang katawohan sa Berea gidayeg? Buhat 17:10- 12.**

“Walay tawo nga hilwas makasalig sa iyang kalag ngadto sa ministro, o ngadto sa mga tawo nga makinaadmanon ug utokan. Gisumbong ni Jesus ang mga sacerdote ug mga pangulo, nga giila ingon nga mga batid sa mga Kasulatan, ingon nga mga walay alamag sa mga Kasulatan ug sa gahom sa Dios. Kadtong gipiyalan sa Dios ug mga talento adunay tulobagon tungod sa paggamit sa ilang mga gasa, ug kinahanglan nga magtoon sa Biblea ingon nga usa ka basahon aron nga sila makasabut. Ang usa ka texto nagproyba sa minglabay, ug magaproyba sa umalabut, nga usa ka lami sa kinabuhi ngadto sa kinabuhi alang sa daghan nga kalag. Sa dihang ang mga tawo sa kakugi magasusi, ang Biblea moabli ug bag-o nga mga bahandi sa kamatuoran nga mahimong ingon sa masanag nga mga mutya diha sa hunahuna.” – *ST, August 20, 1894.*

“Gawas nga ang kaisipan ginagamit, kana dili na molambo; gawas nga ang gana gin makaaugmad aron sa paghigugma sa Biblea, kini mawad-an sa gana sa mga kamatuoran sa pulong sa Dios. Ang studyanti makakita lamang sa kalawom nianang iyang gi-usisa, ug dili niya mapahimuslan kanang napahalona saylo sa palibut sa iyang kaugalingong pig-ut nga mga utlanan. Apan ang iyang pagka ignoranti magahimo kaniya nga mapahitas-on, sabaan, hambugiro. Unsa may akong ikasulti kaninyo, mga batan-on lalaki ug mga batan-on nga babaye, aron sa pagpukaw kaninyo ngadto kabaskug diha sa inyong mga panlimbasug aron sa pagbuntog sa mga babag? Ang utoknon nga paninguha mahimong masayon ug labaw’ng makatagbaw samtang imong ipahalona ang imong kaugalingon ngadto sa buhat sa pagpanabut sa halawom nga mga butang sa Dios. Kinahanglan nga kamo pariho magadesisyon nga dili kamo mahimong sigunda-klase nga studyanti, kana ang dili ninyo itugot nga hunahuna-on sa uban alang kaninyo.” – *RH May 20, 1890.*

b. Unsa ang gisugo kang Timoteo nga buhaton samtang siya naghulat sa pagbalik ni Pablo?**1 Timoteo 4:13, 15, 16.****c. Unsa may gisulti ni Jesus niadtong nakapatalinghug sa Iyang mga pulong ug nagatuman kanila? Mateo 7:24, 25.**

“Kadtong nagapaminaw ug nagtuman sa mga pulong ni Cristo nagtukod diha sa bato, ug sa dihang ang unos moabut, ang ilang balay dili mapukan. Sila pinaagi sa pagtoo diha kang Cristo Jesus makabaton ug kinabuhing dayon.”- *This Day With God, p. 215.*

5. MAGATAN-AW NGA MAS MALALOM

a. Unsa ka halawom nga kita magtuon sa Biblea? Colosas 3:23; 1 Tesalonika 5:21.

“Adunay dyutay lamang nga kaayohan nga makuha gikan sa usa ka dinalidali nga pagbasa sa mga Kasulatan. Ang usa mahimong makabasa sa tibuok nga Biblea apan mapakyas sa pagtan-aw sa katahom niini o makasabut sa lawom ug natago nga kahulogan niini. Ang usa ka pasahi nga gitun-an hangtud nga ang iyang kahulogan mahimong klaro ngadto sa kaisipan ug ang relasyon niini diha sa plano sa kaluwasan mahimong tin-aw, mas dako pa ug bili kay sa pagbasa sa daghan nga mga kapitolo nga walay katuyo-an diha sa atubangan ug walay positibo nga instruksyon makab-ot. Dalha kanunay ang imong Biblea. Sa dihang ikaw adunay kahigayonan, basaha kini; ibutang sa imong panumdoman ang mga texto. Bisan sa dihang ikaw magalakaw diha sa kadalanan ikaw makabasa ug pasahi ug magapamalandong diha niana, sa ingon niana magpaha-um niana diha sa hunahuna.” – *Steps to Christ*, p. 90.

“Ayaw paghalad ngadto sa Dios ug bisan unsa nga mokubos kay sa imong pinakamaayo nga mahimo. Kinahanglan nga ikaw magabuhat ug mas maayo ug mas maayo nga magabuhat samtang imong ibutang sa pagbansay kon unsa ang imong makat-onan. Kinahanglan nga ikaw magatinguha sa pagtugkad sa matag suheto nga nagkinahanglan sa imong imbistigasyon, magatandi dili lamang sa mga idiya ug mga panghunahuna sa mga tawo mahitungod sa maong butang, kon dili magatandi sa kasulatan uban sa kasulatan, aron nga ikaw mahibalo nga ikaw nahibalo sa matag punto sa pagtuo. Ang pagbudlay sa imong kaisipan magapalig-on lamang sa imong utoknon nga mga galamhan alang sa mas dako nga panlimbasug.” - *RH May 20, 1890*.

“Ang pagpanabut sa kamatuoran sa Biblea wala kaayo magadependi diha sa utoknon nga gahom nga gigamit diha sa pagsusi kay nianang bug-os nga katuyo-an, sa mainiton nga handum alang sa pagkamatarung.” – *GC p. 599*.

PERSONAL SUBLI NGA MGA PANGUTANA

- 1. Unsa man ang mga kondisyon aron makadawat ug paglamdag gikan sa Dios sa dihang kita magatuon sa Biblea?**
- 2. Unsang pangutana ang atong ipangutana sa dihang magahimo ug bisan unsang desisyon?**
- 3. Unsang epekto ang mahatag nganhi kanato sa pagsusi sa mga Kasulatan?**
- 4. Unsa may mahitabo kanato sa dihang kita walay alamag sa atong Biblea?**
- 5. Inay sa pagbasa ug daghan nga mga kapitolo sa Biblea nga walay nakat-onan, unsaon nato ang pagdiskobre ang halawom, natago nga mga kamatuoran sa Biblea?**

Unsaon Ang Pagtuon sa Biblea

“ Ang kaalam maoy labaw nga butang; busa batoni ang kaalam; oo, uban sa tanan mo nga pagatinguhaon batoni ang pagsabut “ (Proverbio 4:7).

“ ‘Kon adunay magadumili sa pagbuhat, ayaw ninyo siya pagpakan-a’ (2 Tesalonika 3:10). Ang sama nga sumbanan maga-aplikar sa atong spiritohanon kalan-on; kon adunay buot mobaton sa tinapay sa dayon nga kinabuhi, kinahanglan nga siya magabudlay aron sa pagbaton niana.”- *Faith and Works*, p. 49.

Gisugyot nga Basahon: *GC pp. 593- 602.*

Domingo

Agosto 9

1. ANG GIKINAHANGLAN NGA PANLIMBASUG

a. Unsa may gikinahanglan sa dihang magatuon sa Biblea? Proverbio 2:1-5.

“Dili kita makabaton ug kaalam kon wala mainiton nga kasibut ug mainampoon nga pagtuon. Ang uban nga bahin sa mga Kasulatan tinuod tin-aw kaayo nga masabut, apan adunay uban kansang kahulogan dili makita diha sa dayag pinaagi lamang sa usa ka siplat. Ang Kasulatan kinahanglan nga itandi uban sa kasulatan. Kinahanglan nga adunay maminatngonon nga pagsusi ug mainampoon nga pagpamalandong. Ug ang ingon niana nga pagtuon pagabalusan. Maingon sa minero nga magadiskubri sa mga baglis sa bililhon nga metal nga natago ilalom sa nawong sa yuta, mao man siya nga sa masingkamuton magasusi sa pulong sa Dios ingon sa natago nga bahandi makakaplag sa kamatuoran nga dako kaayo ug bili, nga natago gikan sa panan-aw sa yam-angan nga magpapangita.”- *SC pp. 90, 91.*

b. Kita ba magpuyo na lang nga matagbaw kon unsa na ang atong nadiskubrihan o nadiskubrihan sa uban diha sa mga Kasulatan? Mateo 13:52; Proverbio 4:18.

“Kinahanglan nga mokaplag kita ug bag-o nga mga aspeto sa kamatuoran diha sa Daan ug Bag-ong Tugon, aron sa pagtan-aw sa hilabihan ka halapad ug gilay-on sa mga kamatuoran nga atong gihunahuna nga atong nasabtan, apan aduna lamang kita’y mabaw nga kahibalo. Siya nga sa mainiton nagasusi sa mga Kasulatan makakita nianang pagka-harmoniya nga makita taliwala sa nagkalainlain nga mga parti sa Biblea.” – *The Bible Echo, October 15, 1892.*

2. ANG SINCERO NGA MGA MAGSUSUSI PAGABALUSAN

a. Unsa may mas labaw nga mahinungdanon kay sa kinaadman aron nga sa husto makasabut sa Biblea? Mateo 11:25; Salmo 25:9.

“Usahay mahitabo nga ang mga tawo sa kinaadman, nga napalambo pinaagi sa edukasyon ug kultora, mapakyas sa pagsabut sa mga pasahe sa Kasulatan, samtang nga ang uban nga dili edukado, kansang mga pagpanabut daw makita nga maluyahon ug kansang mga hunahuna wala mabansay, mao ang makasabut sa kahulogan, makakaplag ug kusog ug kahimuot diha nianang gipahayag sa nahanuna ingon nga usa ka mesteryoso o mosaylo niana ingon nga dili mahinungdanon. Ngano man kini? Gipasabut nganhi kanako nga ang ulahi nga pundok wala magasalig diha sa ilang kinaugalingon nga pagpanabut. Sila miduol ngadto sa Tinubdan sa kahayag, ang Usa nga nagatuga sa mga Kasulatan, ug uban sa mapaubsanon nga kasingkasing nagahangyo sa Dios alang sa kahibalo, ug sila makadawat niini. Adunay mga mina sa kamatuoran nga kinahanglan pa nga diskobrehon sa matinguha-on nga magpapangita. Si Cristo naga-representar sa kamatuoran ingon sa bahandi nga natago diha sa uma. Kana dili makita diha sa ibabaw lamang; kinahanglan nga atong kaluton kini. Apan ang atong kalampusan sa pagpangita niini wala magadependi ug dako diha sa atong utkon nga abilidad kay sa atong pagka-mapauksanon sa kasingkasing ug sa pagtuo nga maoy mogunit diha sa diosnon nga tabang.” – *5T p. 704.*

b. Kinsa may mohatag kanato ug pagpanabut sa mahinungdanon nga mga kamatuoran sa Biblea? Proverbio 2:6; Lucas 10:21; 24:45. Ngano man nga dili kinahanglan sa atong kaluwasan ang pagka-himong takus sa pagsaysay sa matag punto nga malisud sabton diha sa Biblea?

“Daghan ang nagabati nga ang usa ka responsibilidad midangat diha kanila aron sa pagsaysay sa matag punto nga daw malisud diha sa Biblea aron tagboon ang mga pagpanaway sa mga masinopakon ug dili matinoohon. Apan ang pagsulay sa pagsaysay nianang wala kaayo nila masabti, sila anaa sa katalagman sa paglibug sa mga hunahuna sa uban kalabut sa mga punto nga tin-aw ug sayon kaayo nga sabton. Dili kini atong bulohaton. Ni magasubo kita nga kini nga mga kalisdanan mitunga, hinono-a modawat kanila ingon nga gitugot pinaagi sa kahibalo sa Dios. Maoy atong katungdanan ang pagdawat sa Iyang pulong, nga klaro kaayo diha sa matag punto gikinahanglan alang sa kaluwasan sa kalag, ug magakinabuhi sa mga prinsipyo niini diha sa atong kinabuhi, magatudlo niini ngadto sa uban pinaagi sa lagda ug panig-ingnan. Sa ingon mahimong klaro ngadto sa kalibutan nga kita adunay kadugtongan ngadto sa Dios ug adunay hingpit nga pagsalig diha sa Iyang pulong. Ang usa ka kinabuhi sa pagka-diosnon, ang inadlaw nga panig-ingnan sa katarung, kaaghup, ug dili hakug nga gugma mahimong usa ka buhi nga pagpakita sa pagtulon-an sa pulong sa Dios, ug kana mahimong usa ka argumento pabor sa Biblea diin dyutay lamang ang makahimo sa pagsupak.”- *Ibid., pp. 705, 706.*

3. MAGABATON UG HUSTO NGA PANGLIHOK

a. Unsang pag-gawi ang atong batonan sa dihang magatuon kita sa Biblea? Salmo 10:17; 46:10; Isaias 57:15.

“Kinahanglan nga kita moduol uban ang pagtahud diha sa pagtuon sa Biblea, magabati nga kita anaa diha sa presencia sa Dios. Ang tanan nga pagti-awti-aw ug pagyagayaga pagawagtangon. Samtang ang pipila ka mga bahin sa pulong sayon ra nga masabut, ang matuod nga kahulogan sa uban nga mga parti dili dayon maila. Kinahanglan nga adunay mapailubon nga pagton ug pagpamalandong ug mainiton nga pag-ampo. Ang matag magtotoon, sa dihang siya magabukas sa mga Kasulatan, kinahanglan nga mangayo alang sa paglamdag sa Balaang Spiritu, ug ang saad sa siguro igahatag.

“Ang spiritu diin ikaw magaduol aron sa pagtuki sa mga kasulatan maoy magadetermina sa kinaiya sa magtatabang diha sa imong kiliran. Ang mga manolonda gikan sa kalibutan sa kahayag maga-uban niadtong kinsa diha sa pagpaubos sa kasingkasing mangita alang sa langitnong paggiya. Apan kon ang Biblea ginaablihan uban sa pagka-walay pagtahud, uban sa pagbati sa pagkatagbaw sa kaugalingon, kon ang kasingkasing napuno uban sa pag-ayad (prejudice), si Satanas anaa sa imong kiliran, ug iyang ipahalona ang tin-aw nga pahayag sa pulong sa Dios diha sa balit-ad nga kahayag.”- *TM pp. 107, 108.*

b. Unsaon nato ang pagtubag ngadto sa pagpanabut sa mga tawo mahitungod sa kon unsa ang gisulti sa Biblea? 2 Timoteo 2:15; Buhat 17:11.

“Ang kamatuoran walay katapusan, ug gisamok sa sayup magapakita lamang diha sa iyang kusog. Dili gayud kita magadumili sa pag-usisa sa mga Kasulatan uban niadtong kinsa, aduna kitay katarungan sa pagtuo, nga nagtinguha sa pagkasayud kon unsa ang kamatuoran kutob sa atong mahimo. Pananglitan ang usa ka igsoon nagakupot ug usa ka panabut nga lahi sa imoha, ug siya moduol nganha kanimo, magasugyot nga molingkud uban kaniya ug mag inbestigacionanang maong punto diha sa kahayag sa mga Kasulatan; ikaw ba motindog nga puno sa pag-ayad ug magakondina sa iyang mga idiya samtang nagadumili sa paghatag kaniya ug higayon? Ang bugtong lamang nga paagi mao ang paglingkud uban kaniya ingon nga mga Cristohanon ug inbestigahan ang posisyon nga gipresentar diha sa kahayag sa Pulongsa Dios, nga mopadayag sa kamatuoran ug maghukas sa mascara sa sayop. Ang pagsaway sa iyang mga idiya dili makapahinay sa iyang posisyon, bisan pa nga kana bakak, o magapalig-on sa imong posisyon, bisan pa nga kana matuod. Kon ang mga haligi sa atong pagtuo dili makabarug diha sa pagsulay sa inbestigasyon, mao kana ang panahon nga kita masayud niana; tungod kay maoy usa ka kabuangan ang pagkahimong napahaluna diha sa atong mga idiya ug magahunahuna nga walay si bisan kinsa nga makasanta pa sa atong mga opinion. Kinahanglan nga ang tanan pagadalhon ngadto sa Biblea; tungod kay mao lamang kana ang sumbanan sa pagtuo ug doktrina.”- *The Bible Echo, October 15, 1892.*

4. MAGASABUT SA PULONG SA DIOS

a. Unsaon nato sa pagkasayud nga kita sa husto gayud nakasabut sa bisan unsang bahin sa Biblea? Isaias 28:10, 13; 2 Corinto 13:1.

“ ‘Ang Balaang mga Kasulatan kinahanglan nga i-splikar sa uban ug mas klaro nga mga texto; . . . kining Balaan nga Basahon diha sa tanang mga butang gikinahanglan alang sa Cristohanon, sayon nga pagsabut, ug gibanabana sa pagbungkag sa kangitngit. Kita nagadesidir, uban sa grasya sa Dios, sa pagmintinar sa putli ug eksklusibo nga pagwali sa Iyang bugtong nga pulong, maingon nianang nahasulod diha sa biblikanhon nga mga libro sa Daan ug Bag-ong mga Tugon, sa walay pagdugang ug bisan unsa niana nga mahimong kasupak niana. Kini nga pulong mao lamang ang kamatuoran; mao kini ang siguro nga sumbanan sa tanang doktrina ug sa tanang kinabuhi, ug dili gayud magapakyas o magalimbong kanato. Siya nga magatukod dinhi niini nga pundasyon makabarug batok sa tanang mga gahom sa impyerno, samtang nga ang tanang tawohanong kakawangan nga gipahalona batok niini mapukan atubangan sa nawong sa Dios.’ ”
– *GC p. 203.*

“Ang Libro sa mga libro nakabaton sa kinatas-ang pag-angkon sa atong matinahurong pagtagad. Ang hapaw lamang nga pagtuon dili makatagbo sa mga gikinahanglan niini dinhi kanato, ni makahatag kanato sa kaayohan nga gisaad. Kinahanglan nga atong tinguhaon ang pagkat-on sa hingpit nga kahulogan sa mga pulong sa kamatuoran ug moinom sa halawom sa spiritu sa balaang mga orakulo.”
– *My Life Today, p. 22.*

b. Giunsa ni Jesus pag-gamit kini nga metudo aron sa pagdaug sa mga temtasyon ni Satanas? Mateo 4:6, 7; Isaias 59:19.

“Ang mga temtasyon makita nga daw dili madaug tungod kay, pinaagi sa pagdumili sa pag-ampo ug pagtuon sa Biblea, ang usa nga gitintal dili dayon makahinumdom sa mga saad sa Dios ug moatubang kang Satanas uban ang mga hinagiban nga Kasulatan. Apan ang mga manolonda nagapalibut niadtong andam nga patudlo diha sa langitnong mga butang; ug diha sa panahon sa dakong panginahanglan ilang mahinumdoman ang mga kamatuoran nga gikinahanglan.” – *GC p. 600.*

5. PASUGOD UBAN SA PAG-AMPO

a. Ngano nga kita nagkinahanglan nga maga-ampo sa dili pa kita moabli sa Biblea? 1 Corinto 2:11- 13; Santiago 1:5; Salmo 10:17.

“Kon walay mando sa Balaang Spiritu kita sa kanunay mahimo magtu-is sa mga Kasulatan o dili makasabut kanila. . . .

“Adunay daghang pagbasa sa Biblea nga walay nabatongan nga kaayohan ug diha sa daghang panghitabo nahimo pang positibo nga kadaut. Sa dihang ang pulong sa Dios ginaablihan nga walay pagtahud ug walay pag-ampo; sa dihang ang mga panghunahuna ug mga pagbati wala matumong diha sa Dios o maharmoniya sa Iyang kabubut-on, ang kaisipan magabonan uban sa pagduhaduha; ug diha sa maong pagtuon sa Biblea, ang pagka-walay pagtuo mapalig-on. Ang kaaway mao ang magakontrolar sa mga hunahuna, ug siya agasugyot ug mga interpretasyon nga dili husto.” *5T pp. 704, 705.*

b. Kang kinsang panabang ang atong pangayoon diha sa pag-ampo? Lucas 11:9-13. Unsa may himoon nianang Magtatabang alang kanato? Juan 16:13; 14:13, 16, 17, 26.

“Ang Biblea dili gayud pagaton-an nga walay pag-ampo. Ang Balaang Spiritu lamang makahimo kanato sa pagbati sa kamahinungdanon niadtong mga butang nga sayon ra nga masabut, o magasanta kanato sa pagtu-is sa mga kamatuoran nga malisud masabtan. Maoy buhat sa langitnong mga manolonda ang pag-andam sa kasingkasing aron sa pagsabut sa pulong sa Dios aron kita mapahimuot uban sa katahom niini, matambagan pinaagi sa iyang mga pasidaan, o mapalihok ug mapalig-on pinaagi sa mga saad niini. Atong himoon ang pangamuyo sa salmista nga mahimong atong kaugalingon: ‘Buxi ang akong mga mata, aron ako makakita sa kahibulongan nga mga butang gikan sa Imong kasugo-an’ (Salmo 119:18).” – *GC pp. 599, 600.*

PERSONAL SUBLI NGA MGA PANGUTANA

1. Unsa ka dako nga pagtagad ug pagpukos ang akong igahatag ngadto sa pagtuon sa Biblea?
2. Unsa may mas labaw nga mahinungdanon kay sa pagpanabut diha sa pagtuon sa mga Kasulatan?
3. Unsaon nato ang pagsigurado ang tabang sa mga manolonda diha sa pagsabut sa Biblea?
4. Ngano man nga kita kanunay madaug sa temtasyon?
5. Unsaon nato ang pag-andam sa matag panahon sa dili pa kita mosugod sa pagtuon sa Biblea?

Pagpanabut

“Alaut kanila nga nagangalan sa dautan nga maayo, ug sa maayo nga dautan; nga nagabutang sa kangitngit nga ilis sa kahayag, ug sa kahayag nga ilis sa kangitngit; ug nagabutang sa mapait nga ilis sa matam-is, ug sa matam-is nga ilis sa mapait! Alaut niadtong mga maalam diha sa ilang kaugalingong mga mata, ug mga buotan diha sa ilang kaugalingong pagtan-aw!” (Isaias 5:20, 21).

“Paampo-a ang katawohan sa Dios ngadto Kaniya alang sa spiritohanong pagpanabut, aron nga ilang maila ang mga teoriya sa mga tawo gikan sa Pulong sa buhi nga Dios. Kinahanglan nga sila magatoon sa mga Kasulatan.” – *Manuscript Releases, vol. 18, p. 151.*

Gisugyot nga Basahon: *The Desire of Ages, pp. 668- 672.*

Domingo

Agosto 16

1. DETERMINADO SA PAGPAMINAW

a. Unsaon nato ang pagsiguro nga kita nagapaminaw sa tingog sa Dios? Juan 10:27; Mateo 7:16-20, 24-27; Galacia 5:22, 23.

“Ang maayong kahoy magabunga ug maayong bunga. Kon ang bunga walay lami ug walay pulos, ang maong kahoy dautan. Mao man ang bunga nga gidala diha sa kinabuhi magapamatuod mahitungod sa kahimtang sa kasingkasing ug sa kamaayo sa kinaiya. Ang maayong mga binuhatan dili gayud makapalit ug kaluwasan, apan kini sila maoy ebedencia sa pagtuo nga nagabuhat pinaagi sa gugma ug nagaputli sa kalag. Ug bisan pa nga ang dayon nga balus diliihatag tungod sa atong merito, apan kana sibo gayud sa buhat nga nahimo pinaagi sa grasya ni Cristo.

“Sa ingon niana si Cristo nagpahilona sa mga prinsipyo sa Iyang ginghari-an ug nagapakita kanila inon nga mao ang dakong sumbanan sa kinabuhi. Aron sa pagpasantup sa maong leksyon siya midugang ug usa ka ilustrasyon. Dili pa-igo, Siya miingon, alang kanimo ang pagpaminaw sa Akong mga pulong. Pinaagi sa pagsunod imong mahimo kini sila nga patukoranan sa imong kinaiya. Ang kaugalingon usa lamang ka mauyog nga balas. Kon ikaw magatukod diha sa tawohanong mga teoriya ug mga mugna, ang imong balay mapukan gayud.” – *DA p. 314.*

b. Unsay nagpakita nga si Jesus nakadungog sa Iyang Amahan sa ka klaro gayud? Unsaon niini nga deskripsyon ni Jesus pag aplikar nganhi kanato usab? Juan 5:19, 20, 36.

2. MAGATAN-AW DIHA SA KASAYSAYAN

a. Unsa man ang nahimong nagkalainlain nga kasinati-an sa iglesya sa Dios sulod sa mga katuigan mahitungod sa pagpaminaw ngadto sa tingog sa Ginoo? 2 Hari 22:13; 23:3; Zacarias 7:11-13; Jeremias 29:17-19.

b. Unsang personal nga pamatuod ang gipahayag ni Jeremias ug David sa ilang pagpaminaw sa tingog sa Dios? Jeremias 15:16; Salmo 119:57-60.

c. Unsa may atong makat-onan gikan sa kasinati-an sa mga tinun-an ni Jesus diha sa pagpaminaw sa tingog sa Dios? Marcos 7:5-8; Mateo 28:19, 20.

“Hilabihan gayud kaayo ka malisud alang sa [mga tinun-an ni Jesus] ang pagtipig sa Iyang mga leksyon nga lahi ra gikan sa mga tradisyon ug mga sumbanan sa mga Scriba ug mga Fariseo. Sila na edukar sa pagdawat sa pagtudlo sa mga rabi ingon nga mao ang tingog sa Dios, ug kana sa gihapon adunay gahom sa ilang mga kaisipan ug naga-umol sa ilang mga sentiment. Yutan-ong mga idiya, lumalabay nga mga butang, mao pay naga-okupar diha sa ilang mga huanhuna. Wala sila makasabut sa spiritohanon nga kinaiya sa ginghari-an ni Cristo, bisan pa nga Siya kanunay nagasaysay niini ngadto kanila. Ang ilang mga hunahuna nangalibug. Wala sila makasabut sa bili sa mga kasulatan nga gipresentar ni Cristo. Daghan sa Iyang mga pagtulon-an daw halos nawala diha kanila.” –

DA p. 670.

“Diha sa komisyon ngadto sa Iyang mga tinun-an, si Cristo wala lamang magalatid sa ilang bulohaton kon dili mihatag kanila sa ilang mensahe. Tudlo-i ang mga tawo, Siya miingon, ‘sa pagtuman sa tanan nga Akong gisugo kaninyo’ (Mateo 28:20). Ang mga tinun-an kinahanglan magapanudlo kon unsa ang gitudlo ni Cristo. Kanang Iyang gipamulong, dili lamang sa personal, kon dili pinaagi sa tanang mga profeta ug mga magtutudlo sa Daang Tugon, nahilakip dinhi. Ang tawohanong pagtudlo gipahigawas dinhi. Walay dapit alang sa tradisyon, alang sa tawohanong mga teoriya ug mga pagpanabut, o alang sa pamalaud sa iglesya. Walay mga balaod nga gisugo sa mga pangulo sa simbahan ang nahilakip dinhi sa komisyon. Walay bisan unsa niini ang igatudlo sa mga sulogoon ni Cristo. ‘Ang kasugoan ug mga profeta,’ sa talaan sa Iyang mga pulong ug buhat, mao ang bahandi nga gipiyal ngadto sa mga tinun-an aron igahatag ngadto sa kalibutan. Ang ngalan ni Cristo mao ang ilang bantayanan nga pulong, mao ang ilang magapaila nga bandahi, mao ang ilang bugkos sa panaghiusa, ang gahom sa ilang tumong sa pagpamuhay, ug ang tinubdan sa ilang kalampusan. Walay unsa man nga wala magdala sa Iyang sinulat ang paga-ilhon sa Iyang ginghari-an.”- *Ibid.*, p. 826.

3. MAGAPAMINAW SA TINGOG SA KONSENCIA

a. Gikan sa kasinatian ni Pablo, unsa ka important ang pagpaminaw sa tingog sa atong kaugalingon nga konsencia? Buhat 2:16; 1 Timoteo 1:19; 1 Juan 3:21.

b. Unsa may mahitabo sa katapusan kon kita magadumili sa pagsunod sa tingog sa konsencia? Mateo 6:22, 23; Tito 1:15; 1 Timoteo 4:2.

“Sa dihang ang usa ka tawo magadumili sa pagpaminaw sa mga imbitasyon, pagbadlong, ug mga pasidaan sa spirito sa Dios, ang iyang konsencia mahimong mapaslot, ug sa sunod nga higayon nga siya tambagan, mas molabi pa ka malisud ang pagtugyan ngadto sa pagtuman kay sa una. Ug ingon niana sa matag pagbuhat pag-usab. Ang konsencia maoang tingog sa Dios, nga mabati taliwala sa kasamok sa tawohanong pagbati; sa dihang kini pagasuklan, ang Spiritu sa Dios masubo.” – *5T p. 120.*

“Ang usa ka katuyo-an, bug-os nga kasingkasing nga pagdebuto ngadto sa Dios, mao ang kondisyon nga gitudlo sa mga pulong sa Dios. Himo-a nga ang katuyo-an sincere ug walay pagpalingpaling sa pag-ila sa kamatuoran ug sa pagtuman niini sa bisan unsa pay mahitabo, ug ikaw makadawat ug langitnong paglamdag. Ang matuod nga kabuotan magsugod sa dihang ang tanan nga pagkompromiso uban sa sala matapus. . . .

“Apan sa dihang ang mata mabutaan pinaagi sa gugma sa kaugalingon, adunay makita nga kangitngit lamang. ‘ apan kon masakiton ang imong mata, ang tibuok mong lawas mapuno sa kangitngit. Busa, kon ang kahayag sa sulod nimo mao na ang kangitngit, pagkadaku gayud sa maong kangitngit’ (Mateo 6:23). Kining makahahadlok nga kangitngit nga nagputos sa mga Judeo diha sa matig-a nga pagka-walay pagtuo, magahimo niini nga imposibli alang kanila sa pagdawat sa kinaiya ug misyon Niya nga mianhi aron sa pagluwas kanila gikan sa ilang mga sala.” – *MB pp. 91, 92.*

c. Unsa may atong buhaton diha sa kada impresyon o idea nga mahimong atong mabatonan mahitungod sa kon unsa ang gisulti sa Dios kanato? Juan 5:39; Hebreohanon 4:12.

“Ang mga impresyon ug mga pagbati dili sigurado nga ebedencia nga ang usa ka tawo giando-an sa Ginoo. Si Satanas, kon dili siya mamatngonan, mohatag ug mga pagbati ug mga impresyon. Dili kana hilwas nga giya. Ang tanan kinahanglan sa hingpit gayud mahinasa sa ilang mga kaugalingon uban sa mga ebedencia sa atong pagtuo, ug ang dakong pagtuon mao kon unsaon nila ang pag-adorno ang ilang pag-angkon ug magadala ug bunga ngadto sa himaya sa Dios.” – *1T p. 413.*

“Kon ikaw anaa sa pagduhaduha diha sa bisan unsang suheto kinahanglangna ikaw una magakonsulta sa mga Kasulatan.” – *Ibid., vol. 5, p. 512.*

4. PAGKAMATINUD-ANON

a. Unsa may pagtagad sa Dios alang sa bisan unsang pagka-dili-matinud-anon? Proverbio 19:5; Buhat 5;3-5.

“Ang Dios nagadumot sa pagmina-ut ug pagka-bakakon. Si Ananias ug Safira nagabansay ug paglimbong diha sa ilang pagtagad uban sa Dios; sila namakak ngadto sa Balaang Spiritu, u gang ilang sala gidu-aw uban sa kalit ug teribli nga kastigo.” -- *The Acts of the Apostles*, p. 72.

“Gikan sa mabug-at nga silot nga gipahamtang niadtong mga bakakon, buot sa Dios nga kita makakat-on usab kon unsa ka halawom ang Iyang pagdumot ug pagyubit sa tanang pagminaut ug limbong.” – *Ibid.* p. 75.

“Diha sa daghang mga serbisyo nga gipatoo nga gihimo alang sa Dios, anaay pagpakig-indiganaw sa kaugalingon ug pagtuboy sa kaugalingon. Ang Dios nagadumot sa pagpaka-aron ingnon. Sa dihang ang mga lalaki ug mga babaye makadawat sa baotismo sa Balaang Spiritu, sila magasugid sa ilang mga sala, ug, ang kapasaylo-an, nga nagkahulogan ug pagpahitarung (justification), igahatag ngadto kanila. Apan ang kaalam sa tawohanon nga mga ahensya nga dili mahinolsolon, wala magpaubos, dili kasaligan, tungod kay sila buta mahitungod sa kahulogan sa pagkamatarung ug pagkabalaan pinaagi sa kamatuoran. Sa dihang ang mga tawo mahukasan sa pagka-matarung sa kaugalingon, ilang makita ang ilang spiritohanon nga kakabus. Unya sila mosagup nianang kahimtang sa inigsoon nga kaayo nga magapakita nga sila anaa sa pagkaluoy uban kang Cristo.” – *This Day With God*, p. 326.

b. Unsa may mahitabo kon kita dili matinud-anon sa atong mga kaugalingon diha sa pagtuon sa Kasulatan? Ezekiel 14:3, 4. Unsa may atong mahimo mahitungod niini? Versikolo 6.

“Kupti ang Biblea sa walay pag-ayad ug diha sa mapaubsanon, matudlo-an nga spiritu, ug, uban sa pagpanabut nga abli ngadto sa impresyon sa Spiritu sa Dios, himoa nga ang makakonbinsi nga gahom niini maga-umol sa kinabuhi ug konsencia.” – *Bible Echo*, Sept. 2, 1895.

“Kinahanglan dili magasusi alang sa katuyo-an sa pagpangita ug mga texto sa Kasulatan nga imong magamit aron sa pagproyba sa imong mga teoriya; tngod ka yang pulongsa Dis nagapahayag nga kana maoy pagtu-is sa mga Kasulatan alang sa imong kalaglagan. Kinahanglan nga imong haw-asan ang imong kaugalingon sa matag pag-ayad (prejudice) ug moduol diha sa spiritu sa pag-apo diha sa pag-inbestiga sa pulong sa Dios.” – *Fundamental of Christian Education*, p. 308.

5. KAAGHUP UG PAGPAUBOS

a. Unsang gikinahanglan nga kaidad sa kinaiya nga kinahanglan kat-onon sa matag-usa gikan kang Jesus? Mateo 11:29; Salmo 22:26; 25:9.

“Ang kaaghup ug pagpaubos mao ang makinaiya sa tanan nga masinulondon ngadto sa kasugo-an sa Dios.” – *ST July 22, 1897.*

“Kon ang atong kabubut-on dili nahiuyon uban sa diosnon nga mga tulomanon, kinahanglaan nga atong dumili-an ang atong mga inklinasyon, isurendir ang atong pinangga nga mga handum, ug motunob diha sa mga tunob ni Cristo.”- *RH October 23, 1900.*

“Ang matag usa kinahanglan adunay indibidual nga experencia ug maghimo ug personal nga panlimbasug aron sa pagkab-ut sa mga kalag. Ang Dios nagkinahanglan sa matag usansa pagbutang sa tanan niyang gahom diha sa buhat ug, pinaagi sa makanunayong panlimbasug, maga-edukar sa iyang kaugalingon sa pagbuhat sa bulohaton nga hinangponon. . . . Ang tanang mga magbubuhat kinahanglan magagamit ug taktika ug magagamit sa iyang mga galamhan ilalom sa nagagahom nga inpluensya sa Spiritu sa Dios. Ilang himoon kini ingon nga ilang buhat sa pagtuon sa iyang pulong ug magapaminaw wa tingog sa Dios nga nagtumong kanila gikan sa iyang buhi nga mga orakolo diha sa pagbadlong, diha sa pagsaway, o pagpadasig, u gang iyang spiritu magapalig-on kanila, aron nga sila, ingon nga mga magbubuhat sa Dios, maga-abanti diha sa relihiyoso nga kasinati-an. Sa ingon sila madala lakang por lakang ngadto sa mas dako nga kahabugon, u gang ilang kalipay mahungpit.”- *5T pp. 576, 577.*

“Kon ikaw andam nga mokat-on sa kaaghup ug pagka-mapaubsanon sa kasingkasing diha sa skwelahan ni Cristo, Siya sa siguro mohatag kanimo ug pahulay ug kalinaw. Hilabihan gayud ka malisud nga pakigbisug ang pagsurendir sa imong kabubut-on ug sa imong kaugalingon nga dalan. Apan kining leksyon nga magat-onan, makakaplag ka ug pahulay ug kalinaw. Ang garbo, kadalo, ug ambisyon kinahanglan nga madaug; ang imong kabubut-on kinahanglan nga lamuyon dihasa kabubut-on ni Cristo.”- *5BC p. 1091.*

PERSONAL SUBLI NGA MGA PANGUTANA

1. Unsang ebedencia magpakita nga kita nakabati sa Dios?
2. Unsay nagasanta sa katawohan sa Dios sa nangagi gikan sa pagpatalinghug Kaniya?
3. Unsaon nato ang pagmintina sa usa ka maayong konsencia?
4. Unsaon nato sa pagkahibalo kon kita ba matitud-anon ngadto sa Dios?
5. Unsa may atong himoon sa dihang atong makaplagan nga ang atong kabubut-on wala maharmoniya uban sa mga tulomanon sa Dios?

Pagbantay sa Pagkagahi ug Ulo!

“Sa kahadlok, umalagad kamo kang Jehova, ug managlipay kamo uban ang pagkurog. Humalok kamo sa anak, aron siya dili masuko, ug mangawala kamo diha sa dalan, kay ang kapungot niya mosilaub sa dili madugay. Bulahan kadtong tanan nga modangup diha kaniya” (Salmo 2:11, 12)

“Sa dihang ang mga pangamuyo sa Balaang Spiritu modangat diha sa kasingkasing, ang ato lamang kasigurohan mao ang pagtubag kanila sa walay paglangan. . . . Dili hilwas ang paglangan sa pagtuman. Dili na unya nimo madungog pag-usab ang inbitsyon.” – *COL p. 281.*

Gisugyot nga Basahon: *Patriarchs and Prophets, pp. 617-622.*

Domingo

Agosto 23

1. ANG HARI NGA NAGADUMILI SA PAGPAMINAW

a. Gi-unsang Dios pagpakigsulti ngadto sa hari sa Egipto? Exodus 5:1; 6:10, 11.

“Ang Dios nakigsulti ngadto sa hari sa Egipto pinaagi sa baba ni Moises, nagahatag kaniya sa labing klaro nga mga ebedencia sa diosnong gahom; apan ang hari sa kagahi midumili sa kahayag mao untay magadala kaniya ngadto sa paghinulsol. Ang Dios wala magpadala ug super-natural nga gahom aron sa pagpagahi sa kasingkasing sa masinopakon nga hari, apan samtang si Faraon misukol sa kamatuoran, ang Balaang Spiritu gikuha, ug siya gibiyaan ngadto sa kangitngit ug pagka-walay pagtuo nga maoy iyang gipili.” – *RH June 20, 1882.*

b. Ang Dios ba nagpaabut kang Faraon nga maminaw? Exodus 3:19.

“Ang Dios magapakigsulti ngadto sa mga tawo pinaagi sa iyang mga ulipon, nagahatag ug pahamatngon ug mga pasidaan, ug nagabadlong sa sala. Siya nagahatag ngadto sa matag-usa ug kahigayonan aron sa pagsaway sa iyang mga sayop sa dili sila mahimong mahulma diha sa kinaiya; apan kon ang usa magadumili nga masaway, ang diosnong gahom dili motabang aron sa pagsanta sa tendencia sa iyang kaugalingon nga buhat. Masayon na unya kaniya ang pagsubli sa mao ra nga tumong. Siya nagapagahi sa kasingkasing batok sa inpluensya sa Balaang Spiritu. Ang dugang pang pagsikway sa kahayag magapahalona kaniya diin ang mas kusganon pa nga inpluensya mahimong dili maka-apekto aron sa paghimo ug makanunayon nga impresyon.” – *PP p. 268.*

2. ANG GANTI SA PAGSUPIL

a. Unsa man ang unang pagtugon ni Faraon ngadto sa Dios? Exodus 5:2.

“Ang binhi sa pagsupil nga gipugas ni Faraon sa dihang siya misalikway sa unang melagro nakahimo sa ilang pag-ani. Samtang siya nagapadayon sa pagpabilin diha sa iyang kaugalingon nga tumong, nagalakaw gikan sa usa ka gidak-on sa pagkagahi ngadto sa lain, ang iyang kasingkasing nahimong labi pa ka gahi, hangtud nga siya gitawag sa pagtan-aw diha sa mabugnaw, patay nga mga nawong sa mga panganay.” – *Ibid.*, p. 268.

b. Unsa ka pursigido ang Dios diha sa pagpakigsulti ngadto kang Faraon? Exodus 7:15-18; 8:1, 2, 20, 21; 9:1-3; 13; 10:3, 4. Kinsa may nagdasig kang Faraon aron magpatalinghug sa Dios? Exodus 8:19; 10:7.

“Ang Ginoo mihatag kang [Faraon] ug ebedencia sa Iyang gahom pinaagi sa pagbuhat ug mga ilhanan ug mga milagro sa iyang atubangan. Ang dakong Mao Ako nagpahinasa kang Faraon uban sa iyang gamhanang mga buhat, nagpakita kaniya nga Siya mao ang hari sa langit ug sa yuta, apan ang hari mihagit sa Dios sa langit. Dili siya mouyon sa pagbungkag sa iyang garbo, pagkagahi ug kasingkasing bisan atubangan sa Hari sa mga hari, aron nga siya makadawat sa kahayag; tungod kay siya determinado sa pagsunod sa iyang kaugalingon nga dalan ug magabuhat sa iyang pagrebelde. Iyang gipili ang pagbuhat sa iyang kaugalingon nga kabubut-on ug magsalikway sa sugo sa Dios, u gang mga ebedencia nga gihatag kaniya nga si Jehova labaw kay sa tanan nga mg adios sa mga nasud, labaw kay sa tanang maalamon ug mga salamangkero, mao lamang ang nagbuta sa iyang hunahuna ug nagpagahi sa iyang kasingkasing.”- *Conflict and Courage*, p. 89.

c. Unsa man unta ang buhaton sa Dios kon si Faraon naghinolsol pa? 2 Pedro 3:9.

“Kon si Faraon midawat pa lamang sa ebedencia sa gahom sa Dios nga gihatag diha sa una nga hampak, mapanalipdan unta siya diha sa tanan nga mga kastigo nga nagasunod. Apan ang iyang desisdido nga pagkagahi nagkinahanglan ug dugang pa mas dako nga pagpakita sa gahom sa Dios, u gang kastigo nagasunod sa laing kastigo, hangtud nga sa katapusan siya napugos sa pagtan-aw sa patay nga nawong sa iyang kaugalingong panganay, ug sa panganay sa iyang kaliwat; samtang nga ang mga anak sa Israel, nga iyang gitagad ingon nga mga ulipon, wala ma-apektohi sa mga hampak, wala tandoga sa nagalaglag nga manolonda. Ang Dios nagahimo niana nga klaro diha niadtong kang kinsa midangat ang Iyang kaluoy, nga mao ang Iyang katawohan.” – *Ibid.*

3. USA KA PASIDAAN ALANG KANATO

a. Unsang pasidaan ang atong mabatonan gikan sa pagdumili ni Faraon sa pagpaminaw ngadto sa Dios? Hebreohanon 3:12, 13.

“Siya nga sa makausa mitugyan ngadto sa temtasyon mas andam pa nga motugyan ug labi diha sa ikaduha nga higayon. Ang matag pagsubli sa sala makapahinay sa iyang gahom sa pagsukol, magabuta sa iyang mga mata, ug magapi-ug sa konbiksyon. Ang matag binhi sa pagpatuyang nga gipugas magadala ug bunga. Ang Dios dili mohimo ug milagro aron sa pagpugong sa pag-ani. ‘Kon unsay igapugas sa tawo, mao usab kana ang iyang paga-anihon’ (Galacia 6:7). Siya nga magapakita ug henintil nga pagkagahi, usa ka walay pagbati nga pagtagad sa langitnong kamatuoran, magahatag ug pag-ani nianang kon unsa ang iyang gipugas. Mao nay hinungdan nga ang kadaghanan moduol aron sa pagpaminaw uban ang pagkawalay pagtagad sa kamatuoran nga sa maka-usa nagapa-ukyab sa ilang mga kalag. Sila nagapugas ug pagpasibaya ug pagsukol ngadto sa kamatuoran, ug ingon niana ang ani nga ilang mabatonan.

“Kadtong nagapakalma sa usa ka sad-an nga konsencia uban sa hunahuna nga sila makahimo sa pagbag-o sa ilang tumong nga dautan sa dihang ilang gustohon, nga silamakahimo sa pagduladula sa inbitasyon sa kaluoy, ug sa gihapon mapasantup usab-ug-usab, nagasunod niini nga dalan diha sa ilang katalagman. Sila nagahunahuna nga sa human nga ilang ikatugyan ang tanan nilang inpluensya diha sa panig sa dakong rebelde, diha sa higayon sa dakong panginahanglan, sa dihang ang katapagman magalibut kanila, sila maga-ilis ug pangulo. Apan dili kini sayon nga himoon. Ang experiencia, ang edukasyon, ang desiplina sa usa ka kinabuhi sa dautan nga pagpatuyang, sa hilabihan naka-umol sa kinaiya nga dili kini makadawat sa dagway ni Jesus. . . . Ang kaluoy mahimong manghilabut ug mohatag kanila ug kahigayonan sa pagdawat sa iyang mga tanyag; apan sa human nga ang kahayag sa taas na nga panahon gisalikway ug gitamay, kana sa katapusan pagakuhaon.”- *PP pp. 268, 269.*

“Ang usa ka gipangga nga sala sa hinayhinay, magadunot sa kinaiya, modala sa tanang halangdon nga gahom niini ngadto sa pagkaulipon sa dautan nga tinguha. Ang pagwagtang sa usa ka ali gikan sa konsencia, ang pagpatuyang sa usa ka dautang batasan, usa ka pagpasibaya sa hataas nga gikinahanglan sa katungdanan, magalumpag sa mga depensa sa kalag ug maga-abli sa dalan alang kang Satanas aron makasulod ang magpahisalaag kanato.” – *Conflict and Courage, p. 114.*

b. Kon atong nasuta nga kita nakabaton sa spirito ni Faraon, unsa may atong buhaton? Isaias 27:5.

“Ang matag pamaagi gihimo alang sa atong mga kasakitan, ang matag pagpadasig nagatanyag kanato sa pagduol ngadto kang Cristo.”- *COL p. 156.*

4. ANG RESULTA SA PAGDUMILI SA PAGPAMINAW

a. Sa katapusan, ngano nga si Faraon mihimo niadtong gipangayo sa Dios? Exodus 12:30-32.

b. Kinsa man ang gitinguha sa Dios nga mabenefisyohan sa Iyang mga mensahe ngadto kang Faraon? Exodus 3:19, 20.

“Apan sa pagkamatuod gipapadayon ko ikaw alang niining tuyoa, aron sa pagpakita kanimo sa akong gahum’ (Exodus 9:16). Dili nga ang Dios naghatag kang [Faraon]ug usa ka kinabuhi alang niini nga katuyo-an, kon dili ang Iyang providencia maoy nagbuot sa mga panghitabo sa pagbutang kaniya diha sa trono sa panahon nga natunong ang pagpahigawas sa Israel. Bisan pa nga kining mahabug ug madaugdaugon pinaagi sa Iyang pagka-dautan nawad-an sa kaluoy sa Dios, bisan pa niana ang Iyangkinabuhi napreserba aron nga pinaagi sa Iyang pagka-tig-a ang Ginoo makapakita sa Iyang mga kahibulongan diha sa yuta sa Egypto. Ang pagpahimutang sa mga hitabo anaa sa probedensya sa Dios. Makahimo unta Siya sa pagbutang diha sa trono ug mas maloloy-on nga hari, nga dili mangahas sa pagsukol sa gamhanang pagpasundayag sa diosnong gahom. Apan niana nga hitabo ang katuyo-an sa Ginoo dili mamahimo. Ang Iyang katawohan gitugotan nga makasinati mapig-ut nga pagdaug-daug sa mga Egyptohanon, aron nga dili sila malimbungan mahitungod sa makadunot nga inpluensya sa pagsimba ug mga diosdios. Sa Iyang pagtagad kang Faraon, ang Ginoo nagpakita sa Iyang pagdumot sa pagkadiwatahan ug sa Iyang determinasyon sa pagsilot sa kabangis ug pagdaug-daug.” – *Patriarchs and Prophets*, pp. 267, 268.

c. Kon dili kita andam nga maminaw sa Dios, unsa may atong akat-onan gikan sa panig-ingnan ni Faraon? Proverbio 1:24- 28; Zacarias 7:11, 12; Hebreohanon 12:25.

“Ang Dios nagpadala [kang Faraon] ug usa ka mensahe sa pasidaan ug kaluoy, apan siya nagdumili sa pag-ila sa Dios sa langit ug dili mohatag ug pagsunog ngadto sa Iyang mga kasugo-an. Siya nangutana, ‘Kinsa si Jehova, aron nga ako motuman sa Iyang tingog?’ (Exodus 5:2). . . .

“Ang matag dugang nga ebedencia sa gahom sa Dios nga gisuklan sa hari sa Egypto, nagdala kaniya ngadto sa usa ka malig-on ug labaw pa ka mapadayanon nga pagsukol sa Dios. . . . Kini nga kahimtang maoy usa ka klaro nga ilustrasyon sa sala batok sa Balaang Spiritu. . . . Sa hinayhinay gikuha sa Ginoo ang Iyang Spiritu. Nagawagtang sa Iyang nagasanta nga gahom, Iyang gitugyan ang hari ngadto sa mga kamot sa pinakangil-ad sa tanang madaug-daugon – ang kaugalingon.”- *Conflict and Courage*, p. 89.

5. ANG PROFETA NGA DILI MAMINAW

a. Pila ka mga higayon nga ang Dios nagsulay sa pagkuha sa atensyon ni Balaam? Numeros 22:22-27.

b. Unsay nagpugong kang Balaam gikan sa pag-ila sa mensahe sa Dios dihadiha? 2 Pedro 2:20, 21. Sa dihang kita masubo ug nagatuo nga ang mga hitabo wala mahisibo sumala sa atong gusto, ang Dios ba kaha nagpaninguha sa pagkuha sa atong atensyon?

“Si Balaam nabutaan ngadto sa langitnong interposisyon ug wala mahibalo nga ang Dios nagababag sa iyang dalan.”- *PP pp. 441, 442.*

“Ang usa lang ka gipangga nga sala nakahilo sa tibuok kinaiya [ni Balaam] ug maoy hinungdan sa [iyang] kalaglagan.”- *Conflict and Courage, p. 114.*

“Sa dihang ang usa sa ka klaro makakita sa usa ka katungdanan, kinahanglan nga dili siya mangahas sa pagduol ngadto sa Dios uban ang pag-ampo nga siya pagapasayloon gikan sa pagtuman niana. Kinahanglanhinoon nga siya, uban ang mapa-ubsanon, mapasakupon nga spiritu, mangayo alangsa langitnong kusog ug kaalam aron sa pagtagbo sa mga gikinahanglan niini.” – *Ibid., p. 113.*


“Kita alisto kaayo nga motan-aw diha sa mga tawo sa kasinati-an ingon nga hilwas gikan sa mga pangdani sa dautang mga kalipayan. Apan sa gihapon kanunay kita makakita niadtong kinsang sayo nga kinabuhi nahimong sulondan nadala ngadto sa pagkamalamaton sa sala, ug misakrifisyo sa ilang hinatag sa Dios nga pagkatawo ngadto sa pagpatuyang sa kaugalingon. Sulod sa usa ka panahon sila naga-lingpaling taliwala sa pagpahinumdom sa prinsipyo ug sa inklinasyon aron sa pagsunod nianang ginadili nga dalan; apan ang bul-og sa dautan sa katapusan nagpakita ingon nga hilabihan ka kusganon alang sa ilang maayong mga resolusyon, sama sa kahimtang sa maka-usa maalamon ug matarung nga hari, nga si Solomon.” – *The Health Reformer, June 1, 1878.*

PERSONAL SUBLI NGA MGA PANGUTANA

1. Pila ba ka mga tawo ang gikahinabi sa Dios kinsa wala maminaw ngadto Kaniya?
2. Diha sa unsang paagi nga kita nagahagit sa Dios sama sa gibuhat ni Faraon?
3. Unsa may atong buhaton kon atong gipasibay-an ang Dios?
4. Unsa-on nato ang pagpatig-a sa atong kasingkasing karon batok sa Dios?
5. Unsa man ang kapupariho ug kalainan tali kang Faraon ug Balaam?

***Halad sa Unang Sabado kini Alang sa
usa ka Kapelya didto sa Washington,
D. C.***

Ingon nga katawohan nga nangandam alang sa ikaduha nga pag-anhi ni Jesus, kita adunay utang sa pagpasalamat ngadto sa atong mga Protestanti nga mga katigulangan kinsa, ubos sa probedensya sa Dios, nagpundar ug usa ka nasud nga nagpanalipud sa kagawasan sa relihiyon alangsa tanang katawohan- nga mao ang Stados Unidos sa Amerika. Ang capital nga ciudad niini nga nasud mao ang Washington, Distrito sa Columbia, kinsang kinatibuk-an nga lugar maoy nahimong puloy-anan sa mokabat 650,000 nga mga molupyo, lakip na ang mga opisyal sa nasyonal nga pang-goberno, langyaw nga mga deplomatiko ug ilang mga pamilya, ug ang senimana nga populasyon nga kapin sa usa ka milyon nga sumasakay gikan sa Maryland ug Virginia nga mga palibut. Kini naghimo niini nga ika-23 sa labing daghan ug molupyo nga ciudad sa Stados Unidos, ug ang ikapito nga kinadak-ang metropolitan. Kining dako nga sentro sa populasyon uban sa ekonomik, political, ug cultural nga komercio maoy matambok nga yuta alang sa pagpakaylap sa maayong balita.



Ang buhat sa reformasyon nagsugod didto sa Washington, D. C. niadtong mga tuig sa 1970 uban ang pipila lamang ka mga membro. Samtang nag-abanti ang panahon, siadtong 1980 ang usa ka gamay nga balay napalit didto sa Temple Hills, Maryland (usa ka kanait sa Distrito) ug gihimong simbahan. Samtang ang mga panahon nanglabay, kining gamay nga kapelya nagsilbi ingon nga parola sa kahayag dinhiniining dakong lugar. Daghan ang mga kaigsoonan ang nangadto sa Temple Hills ug mitabang sa pagtukod sa ministeryo niining dapita. Ang kapelya nga gigamit sulod na sa daghang mga katuigan, makaigo lamang sa mga 30 ka mga tawo. Ug karon, nahimo nang hilabihan ka gamay kini alang kanamo alang sa pagsimba. Uban sa nagatubo nga mga membro ug kanunay nga nagatambong nga mga bisita, kami nagkinahanglan ug mas dako nga gambalay. Human ang daghang mga pag-ampo ug pagpu-asa, ang usa ka desisyon nahimo aron magpalit ug mas dako nga pasilidad, nga nahamutang sa maayong dapit niini nga metropolis, magatugot kanamo sa sayon nga pagtuman sa sugo sa Ginoo “Busa panglakaw kamo, ug panudlo-l ang TANANG kanasuran.” Ang pagmantala sa maayong balita kinahanglan nga mokuyanap ngadto sa matag nasud, banay, pinulongan, ug katawohan aron nga ang tanan adunay kahigayonan sa pagpaminaw ug pagdawat sa gasa sa kaluwasan.

Kami magahangyo sa tanang mga studyante sa Skwela Sabatika sa pagtabang niini nga proyekto, sa pagpabarug ug bag-ong parola sa kahayag diha sa kabisira sa Stados Unidos. Hinaut pa nga ang Dios magabalus kaninyo sa madagayaon gayud samtang kamo madagayaon mohatag alang sa Iyang kawsa. Kami magapasalamat kaninyong daan tungod sa inyong madagayaon nga kontribusyon niining takus nga plano.

Ang inyong mga kaigsoonan gikan sa Washington, D. C., U. S. A.

Magapaminaw sa Walay Pagduhaduha

“Bulahan sila nga nanagbantay sa iyang mga pagpamatuod, Nga sa bug-os nilang kasingkasing nanagpangita kaniya” (Salmo 119:2).

“Maoy ikalaglag sa daghan nga kalag kanunay ang pagbaton ug mahayag nga pasalig diha sa malipayon nga mga pagbati nga sila gidawat ngadto sa Dios. Bisan walay pagbati kinahanglan nga kita makakat-on sa pagsalig diha sa Iyang pulong. . . Ang mga pagduhaduha ug kahadlok nga diin kita gitawag aron makigbisug mao ang bililhon nga mga pagsulay sa atong pagtoo, mao ang mga magbubuhat sa Dios nga nagabuhat alang kanato ug labaw kadagaya nga gibug-aton sa himaya.”- *ST, April 18, 1895.*

Gisugyot nga Basahon: *Steps to Christ, pp. 105-113.*

Domingo

Agusto 30

1. UNSAY BUHATON DIHA SA PAGDUHADUHA

a. Sa dihang ang pagduhaduha moabut kanato, unsa may atong mahimo aron sa pagsulbad niini? Salmo 37:3-7.

“Ang atong pagtuoo kinahanglan nga mapasukad diha sa ebedencia, dili diha sa demonstrasyon o makita. Kadtong naghandum sa pagduhaduha makabaton ug kahigayonan; samtang nga kadtong sa tinud-anay nagtinguha sa pagkasayud sa kamatuoran makakaplag ug daghan nga ebedencia nga ilang kapahalona-an sa ilang pagtuo.”- *Steps to Christ, p. 105.*

b. Ngano nga kita dili makahimo sa pagtubag sa matag pangutana o makasulbad sa matag kalibug? Isaias 55:8, 9.

“Kon mahimo pa lamang sa tawohanong linalang ang pagkab-ut ngadto sa hingpit nga pagpanabut sa Dios ug sa Iyang mga buhat, nan, kon makaabut na niini nga punto, wala na silay dugang pa nga pagdiskubri sa kamatuoran, wala nay pagtubo diha sa kahibalo, wala nay dugang pang pag-ugmad sa hunahuna o kasingkasing. Ang Dios dili na mahimong labaw; ug ang tawo, nga makadangat sa kinutuban sa kaalam ug kalab-uton, mohumong na sa pag-abanti. Magpasalamat kita sa Dios nga dili ingon niana ang nahitabo.”- *Ibid., p. 109.*

2. MGA SOLUSYON ALANG SA PAGDUHADUHA

a. Unsa ka mahinungdanon ang pagpangutana ug mga pangutana ug mag-ugmad sa atong hunahuna diha sa pagpanabot kutob sa arang mahimo? Proverbio 4:7. Unsang panig-ingnan ang gihatag ni Jesus? Lucas 2:52.

“Ilalom sa nagakontrolar nga inpluensya ni Cristo, ang tawohanong panabut makakab-ut ug kahibulongan nga mga butang. Ang mga batan-on kinahanglan nga pagadasigon sa pagkab-ut sa kinatas-an nga sumbanan sa utoknon nga kalab-uton. Kon ang pagkahadlok ug kahibalo sa Dios maoy himoon nga una, walay katalagman nga ang magtotoon molutaw nga hilabihan ka hataas. Ang kaalam sa Dios, ang pagsabut sa Iyang kabubut-on diha sa Iyang pulong, kutob sa makuptan sa tawohanong kaisipan, nga malangkob diha sa mga hunahuna ug mahabol ngadto sa kinaiya, magahimo ug masangputon nga mga lalaki ug mga babaye. Ang pagtuon sa pulong sa Dios makahimo kanato sa pagbuhat sa Iyang bulohaton nga mainalamon ug hinangponon. Ang kaisipan mapalambo, mapalu-ag, ug mapalapad. Kadtong sa ingon magatoon sa Pulong magalakaw nga pataas ug paabanti ngadto sa kinatas-an nga sumbanan, tungod kay sila umalambit sa langitnong kinaiya.” – *YI, August 31, 1899.*

b. Unsa may gikinahanglan diha sa pagpangita ug mga tubag sa atong mga pangutana? Santiago 1:5-8.

“Daghan ang nagatan-aw ngadto sa ilang mga ministro aron sa pagdala sa kahayag gikan sa Dios ngadto kanila, daw naghunahuna nga kini mao ang sayon nga paagi kay sa paghasol sa ilang mga kaugalingon sa pagduol ngadto sa Dios alang niini. Ang mga ingon mawad-an ug dako. Kon sila sa inadlaw magasunod kang Cristo ug maghimo Kaniya nga ilang giya ug magtatambag, makabaton unta sila ug matin-aw nga kahibalo sa Iyang kabubut-on, ug sa ingon makabaton ug usa ka mahinungdanon nga kasinati-an. Tungod sa kakulang niining maong kasinati-an, ang mga igsoon nga naga-angkon sa kamatuoran nagalakaw diha sa kinidlap sa hinaling sa uban; Sila wala mahinasa sa Spiritu sa Dios ug wala makabaton sa kahibalo sa Iyang kabubut-on, ug tungod niana dali ra kaayo nga mapaling gikan sa ilang pagtoo. Sila dili kasaligan, tungod kay sila nagasalig diha sa uban sa pagbaton ug kasinatian alang kanila. Paigo nga probisyon ang gihimo alang sa matag anak nga lalaki ug anak nga babaye ni Adan aron sa pagbaton ug indibidual nga kahibalo sa diosnong kabubut-on, aron sa paghingpit ug Cristohanon nga kinaiya, ang mahimong maputli pinaagi sa kamatuoran. Ang Dios dili mahimuot nianang pundok nga naga-angkon ingon nga mga sumosunod ni Cristo apan walay experemento nga kahibalo sa diosnong kabubut-on o sa mesteryo sa pagka-diosnon.”- *2T p. 644.*

3. MAGASALIKWAY SA DILI BIBLIKANHON NGA MGA TRADISYON

a. Unsa may kuhaon gikan sa atong personal nga pagpanabut sa mensahe sa Dios? Marcos 7:6-9.

“Ang Biblea mao ang sumbanan sa kinabuhi, magatudlo kanato sa kinaiya nga atong pormahon alang sa umalabut, wala nay kamatayon nga kinabuhi. Ang atong pagtoo, atong pagginawi, makahimo kanatong buhing mga sulat, nga mailhan ug mabasa sa tanang mga tawo. Ang mga tawo wala magkinahanglan sa kahayag sa tradisyon ug kustomri aron sa paghimo sa mga Kasulatan nga masabtan. Maingon sa paghunahuna nga ang adlaw, nga nagadan-ag diha sa mga langit sa udtong tutok, nagkinahanglan pa sa nagkid-op nga kahayag sa sulo sa yuta aron sa pagdugang sa iyang kasanag. Ang mga minaomao nga mga sugilanon o ang mga pamulong sa mga pare o sa mga ministro wala kinahang-lana aron sa pagluwas sa magtotoon gikan sa sayop. Pakisayud sa balaang Orakulo, ug makabaton ka ug kahayag. Diha sa Biblea ang matag katungdanan gipaklaro, matag leksyon masabtan, makahimo sa pagpahaum sa mga tawo sa pagpangandam alang sa dayon nga kinabuhi. Ang gasa ni Cristo ug ang paglamdag sa Balaang Spiritu nagpadayag nganhi kanatosa Amahan ug sa Anak. Ang pulong sa ka-insakto gi-adapta aron sa paghimo sa mga lalaki ug mga babaye ug mga batan-on nga maalamon ngadto sa kaluwasan. Diha sa pulong ang siencia sa kaluwasan sa tinaw gipadayag. . . . ‘Susiha ang mga Kasulatan, ‘tungod kay diha niana ang tambag sa Dios, ang tingog sa Dios nga nagasulti ngadto sa kalag.’- *Fundamentals of Christian Education*, pp. 390, 391.

“Ang otoridad sa tawo nagadala sa pirma sa tawo. Dili kita magatugot sa kadaghanan sa atong katawohan nga mahimong gamhan sa mga maluyahon, libug nga mga sentiment sa tawo. Ang otoridad sa Dios kinahanglan nga mobarug ingon nga labaw. Ug ako magatawag sa Iyang katawohan sa pag-ila sa Iyang otoridad, nga nagadala sa ebedencia sa balaanon nga tinubdan.”- *MR vol. 12, p. 69.*

b. Sa dihang atong ibutang ang tradisyon ibabaw sa Pulong sa Dios, unsa may atong mabuhat? Mateo 23:23.

“Sa dihang ang mga pagpuasa ug mga pag-ampo ginahimo diha sa nagpakamatarung –sa-kaugalingon nga spiritu, kini sila dulomtanan ngadto sa Dios. Ang solemni nga asembliya alang sa pagsimba, ang liyok sa relihiyoso nga mga seremonya, ang gawasnon nga pagpaubos, ang gipatuman nga sakrifisyo- kining tanan nagapahayag ngadto sa kalibutan sa pagpamatuod nga ang nagahimo niining mga butanga nag-ia sa iyang kaugalingon nga matarung. Kining mga butanga magakuha sa pagtagad ngadto sa nagahimo niining mapig-ut nga mga katungdanan, nga maga-ingon, Kining tawohana takus sa langit. Apan kana usa ka limbong. Ang mga buhat dili makapalit ug atong alagianan ngadto sa langit. Ang usa ka dako nga Halad nga gihimo paigo gayud alang sa tanan nga magatoo.”- *1 SM p. 388.*

4. PERSONAL KONVIKSYON: PANALIPUD BATOK SA PAGDUHADUHA

a. Unsaon nato sa pagkahibalo sa dalan padulong sa langit? Juan 14:6; 6:63; 8:31, 32. Sa laing bahin, sa unsa nga ang kadaghanan kanato mapakyas sa langit?

“Ang akong kasingkasing nasubo sa dihang ako nagapamalandong daw unsa ka daghan ang mapakyas sa dalan ngadto sa langit tungod kay wala sila magtuon sa giya nga gihatag sa Dios kanila. Wala nay mahimo pang pamaagi diin kining mga kalaga mahimong maluwas kinsa, nakabaton sa tingog sa Dios nga nagasulti ngadto kanila diha sa Iyang Pulong, wala gayud magahatag ug igo nga interes sa pagsusi ug mahimong mahinasa sa mga pagmando nga gihatag sa Dios kanila, nga nagatultol sa usa lamang ka dalan nga paingon sa langit. Maayo gyud ang pangutana apostol, ‘ unsaon man nato sa pagpakaikyas kon dili kita manumbaling sa maong dakung kaluwasan?’ (Hebreohanon 2:3). Ang atong mga batan-on kinahanglan nga ipresentar uban ang usa ka panaad nga mo perma nga sila dili motandog nianang walay pulos nga mga minaomao nga mga sugilanon, kon dili kinahanglan nga sila magahimo ug makugihon nga pagsusi sa mga Kasulatan, nga ilang ihatag sa ilang mga hunahuna ang pinakamakabusog, maayong pagkaon, aron nga mahimong malig-on diha sa pagpamalandong sa mga buhat ni Cristo nga nahimong garantiya alang sa nahulog nga rasa.” – *YI August 31, 1887.*

b. Unsay atong pangayo-on sa Dios aron sa pagpanalipud kanato gikan sa pagduhaduha? Salmo 139:23, 24.

“Kinahanglan nga atong tan-awon ug sawayon ug maayo ang atong mga kaugalingon. Wala ba nato lapasa ang atong panaad nga gihimo diha sa atong baotismo? Kita ba patay na ngadto sa kalibutan ug buhi ngadto kang Cristo? Kita ba nangita sa mga butang sa itaas, diin si Cristo nagalingkod diha sa too nga kamot sa Dios? Ang kable ba nga naga-angkla kanato ngadto sa walay katapusang bato naputol? Kita ba gi-anud sa bul-og ngadto sa pagkalaglag? Dili naba lamang kita magahimo ug panlimbasug ug atong ipugos ang atong pag-agi pasungsong sa agus? Dili na kita maglanganlangan pa kon dili mogamit na sa mga bugsay; ug ato na himoon ang atong una nga mga buhat sa dili pa kita makahimo ug makasusubo nga pagkalaglag.” – *RH June 7, 1887.*

“Itugyan ang inyong kasingkasing aron pagaputli-on ug pagahinlo-an; unya ikaw mahimong usa ka umalambit sa diosnong kinaiya, nga magapakaikyas sa kadunotan nga ania sa kalibutan pinaagi sa pangibug. Unya ikaw mahimong ‘andam kanunay sa paghatag ug tubag ngadto sa matag usa nga mangutana kaniya sa katarungan sa paglaum nga anaa diha kaninyo uban ang kaaghup ug kahadlok’ (1 Pedro 3:15). Ang pakigdait ni Cristo imong mabatonan.” – *5T p. 333.*

5. ANG KAUSABAN NGA ATONG GIKINAHANGLAN

a. Sa unsa nga ang atong kasinati-an mahimong mahisama kon atong dag-on ang pagduhaduha? Mateo 21:21, 22.

“Pinaagi sa pagtuo diha kang Cristo, ang matag kaluyahon sa kinaiya mahimong mapun-an, ang kada kahugawan mahinlo-an, kada sayop makoreheran, ang matag kamapuslanon maugmad.

“ ‘Kamo hingpit diha Kaniya’ (Colosas 2:10).

“Ang pag-ampo ug pagtuoo sa kasuod magkakuyog, ug kinahanglan nga kini sila pagatun-an sa tingub. Diha sa pag-ampo sa pagtuo adunay balaanon nga siencia; mao kana ang siencia o pagtuon nga ang matag-usa nga buot molangpus sa iyang kinabuhi kinahanglan nga makasabut. Si Cristo miingon, ‘bisan unsay inyong pangayoon pinaagi sa pag-ampo, toohi nga inyo na kini nga nadawat, ug kamo magadawat niini’ (Marcos 11:24). Iyang gipatin-aw kaayo nga ang atong pagpangayo kinahanglan nga sumala sa kabubut-on sa Dios; atong pangayoon ang mga butang nga Iyang gisaad, ug kon unsa man ang atong madawat kinahanglan nga paga-gamiton diha sa pagbuhat sa Iyang kabubut-on. Ang mga kondisyon nga matagbo, ang saad dili ka dudahan.”- *Education*, pp. 257, 258.

b. Unsa may atong pagginawe ngadto sa atong masigka-magtotoo? Juan 17:20, 21.

“Kadtong nagapakig-away sa mga gubat alang sa Prinsipe sa kinabuhi kinahanglan nga magatumong sa ilang mga hinagiban sa pagpakig-away ngadto sa gawas, ug dili magporma ug walay sulod nga kwadrado ug magatumong sa ilang mga ginagiban sa paglaglag diha niadtong nagapangalagad ilalom sa bandila ni Principe Emmanuel. Wala na kitay panahon alang sa pagsamad ug pagdaut sa usag-usa.”- *Christ Triumphant*, p. 235.

PERSONAL SUBLI NGA MGA PANGUTANA

- 1. Ngano nga ang Dios nagatugot sa kahigayonan sa pagduhaduha?**
- 2. Unsa man ang atong kaugalingon nga responsibilidad sa pagwagtang sa pagduhaduha?**
- 3. Unsa man ang sagad hinungdan sa pagduhaduha?**
- 4. Unsa-on man nato ang pagda-ut ang tanang pagduhaduha?**
- 5. Unsa man ang resulta sa pagkahigawas gikan sa pagduhaduha?**

Usa ka Kaagi sa Pagpaminaw ngadto sa Dios

“Pamatia ang pahamatngon, ug pagmanggialamon, ug ayaw kini pag-isalikway” (Proverbio 8:33).

“Ang usa ka bahin sa [kang Adan ug Eva] nga panahon kinahanglan nga pagagamiton . . . diha sa pag-abi-abi sa mga pagbisita sa mga manolonda, magapaminaw ngadto sa ilang mga pahamatngon, ug diha sa malipayon nga pagpamalandong.” – *The Spirit of Prophecy, vol. 1, p. 25.*

Gisugyot nga Basahon: *Education pp. 13-19.*

Domingo

Septembre 6

1. SI ADAN UG SI EVA

a. Gi-unsang ni Adan ug Eva ang pagpaminaw sa Dios? Genesis 3:8 (unang bahin).

“Ang matag adlaw nga bulohaton nakadala [kang Adan ug Eva] kahimsug ug kalipay, u gang malipayon nga paris nagahimamat uban sa kalipay sa pagbisita sa ilang Maglalalang, maingon sa kabugnaw sa adlaw Siya naglakaw ug nagapakigsulti uban kanila. Adlaw-adlaw ang Dios nagatudlo kanila sa iyang mga pagtulon-an.” – *MH p. 261.*

“Nawong-ug-nawong, ug kasingkasing-ngadto sa-kasingkasing nga pagpakigdugtong uban sa hiyang Magbubuhar mao ang [kang Adan] hataas nga pribilihiyo. Kon siya nagpabilin pa lamang nga matinud-anon ngadto sa Dios, kining tanan mahimo untang iya sa dayon.” – *Education, p. 15.*

b. Gi-unsang ni Adan ug Eva pagdawat ug diosnong giya sa human ang sala mitungha nganhi sa kalibutan? Genesis 3:16-19.

“Ang mga manolonda nagpahibalo kang Adan nga, maingon nga ang iyang paglapas nakadala ug kamatayon ug kaalautan, ang kinabuhi ug pagka-dili mamalatyon madala ngadto sa kahayag pinaagi sa sakrifisyo ni Jesus Cristo.

“Ngadto kang Adan gipadayag ang umalabut, mahinungdanon nga mga hitabo, gikan sa iyang pagka-pahigawas gikan sa Eden ngadto sa Lunop, ug ngadto sa unang pag-anhi ni Cristo dinhi sa yuta.” – *The Spirit of Prophecy, vol. 1, p. 51.*

2. SI NOE UG ABRAHAM NAKABATI DEREKTA SA DIOS

a. Gi-unsang ni Noe pagdawat ug langitnong giya? Genesis 6:13-21. Gi-unsang ni Noe pagtubag ang dereksyon sa Dios? Versikolo 22.

“Ang tanang panagdugtong tali sa langit ug sa nahulog nga rasa nahimong pinaagi kang Cristo. Ang Anak sa Dios mao ang mihatag ngadto sa atong una nga mga ginikanan sa saad sa katubsanan. Siya kadtong nagpakita sa iyang kaugalingon ngadto sa mga patriarka. Si Adan, Noe, Abraham, Isaac, Jacob, ug si Moises nakasabut sa ebanghelyo. Sila nagalantaw alang sa kaluwasan pinaagi sa Kahalili ug Garantiya sa tawo. Kining balaan nga mga tawo sa karaan nakabaton ug pagpakigdugtong uban sa Manluluwas nga moabut nganhi sa atong kalibutan diha sa tawohanong unod; u gang pipila kanila nagapakigsulti uban kang Cristo ug sa langitnong mga manolonda sa nawong ug nawong

“Si Cristo mao kadtong nagsulti ngadto sa iyang katawohan pinaagi sa mga profeta Tingog ni Cristo kadtong nagapakigsulti kanato pinaagi sa Daan nga Tugon.” – *PP pp. 366, 367.*

b. Gi-unsang sa Dios pagpakigdugtong uban kang Abraham, ug unsang man ang tubag ni Abraham? Genesis 22:1, 2, 11, 12.

“Ang Dios mihatag ug dakong dungog ngadto kang Abraham. Mga manolonda sa langit nagalakaw ug nagapakigsulti uban kaniya ingon nga higala uban sa higala.” – *Ibid., p. 138.*

“Langitnong mga binuhat sa gihapon nagadu-aw sa yuta ingon sa mga adlaw sa dihang sila nagalakaw ug nagapakigsulti uban kang Abraham ug kang Moises. Taliwala sa nagkapuliki nga kalihokan sa atong dagko nga mga ciudad, taliwala sa mabaga nga katawohan nga nagapunsisok sa mga kadalanan ug nagpuno sa patigayon nga ginahimo sa mga tawo gikan sa kabuntagon hangtud sa kagabhi-on nga daw ingon nga ang negosyo ug kalingawan ug kalipayan mao na ang tanan sa kinabuhi, diin adunay hilabihan ka dyutay ang namalandong sa dili makita nga riyalidad- bisan dinhi niini ang langit aduna sa gihapon iyang mga maglalantaw ug iyang pipila ka mga balaan. Adunay dili makita nga mga ahensya nga nagapaniid sa matag pulong ug buhat sa mga tawo. Diha sa matag katigoman alang sa patigayon o kalingawan, diha sa matag tigom alang sa pagsimba, adunay daghan nga mga nagapaminaw kay sa nianang nakita sa natural nga mata. Usahay ang langitnong mga manolonda magatukas sa kurtina nga nagasalipud sa dili makita nga kalibutan aron nga ang atong mga hunahuna mabalhin gikan sa kapuliki ug panagdali sa kinabuhi aron sa pagkonsidira nga adunay dili makita nga mga saksi sa tanan nga atong ginabuhay o ginasulti.” – *Christ’s Object Lessons, p. 176.*

3. SI MOISES UG SI AARON

a. Gi-unsa sa Dios pag-giya si Moises diha sa panahon nga ang Israel mobiya na sa Egypto? Exodus 3:4, 10.

“Si Moises nakapakig-storya kang Jesus nawong-ug-nawong maingon sa usa ka higala nga nagapakig-storya sa usa ka higala.” – *RH March 2, 1886.*

“Makapalibug sa pinakamalantip nga pangutok ang pag-interpretar sa langitnong pagpakita sa nagadilaab nga kalayo diha sa nagasiga nga sampanit. Kadto dili usa ka damgo; dili usa ka panan-awon; kadto usa ka buhing kamatuoran- usa ka butang nga nakita ni Moises uban sa iyang mga mata. Iyang nadungog ang tingog sa Dios nga nagatawag kaniya gikan sa kakahoyan, ug siya mitabon sa iyang nawong, nga nakasabut nga anaa siya sa presencia sa Dios. Ang Dios nagapakig-storya uban sa tawo. Dili gayud ni Moises mahubit ang impresyon nga nahimo diha sa iyang hunahuna pinaagi sa talan-awon nga iyang nakita, ug pinaagi sa dahunog sa tingog nga nagapakigsulti kaniya; apan kini nga impresyon wala gayud mapala. Ang langit miduol nga suod kaayo ngadto kaniya, samtang nga uban ang matinahuron nga kahadlok, siya naminaw ngadto sa mga pulong, ‘Ako ang Dios sa imong amahan, ang Dios ni Abraham, ang Dios ni Isaac, u gang Dios ni Jacob’ (Exodus 3:6). Unsang kahibulongan nga pagpaubos alang sa Dios ang pagbiya sa langitnong mga lawak, ug magpakita sa Iyang kaugalingon ngadto kang Moises, magasulti uban kaniya sa nawong ug nawong, ‘maingon sa usa ka tawo nga magasulti ngadto sa iyang higala’ (Exodus 33:11).” – *1 BC p. 1099.*

b. Gi-unsa ni Moises sa ulahi pagpakig-storya ang Dios? Exodus 33:18, 19.

“Napadasig uban sa pasalig sa presencia sa Dios, si Moises mipaduol pa gayud ug nangahas sa pagpangayo ug dugang pa nga mga panalangin. ‘Nangamuyo ako Kanimo,’ siya miingon, ‘ipakita kanako ang Imong himaya’ (Exodus 33:18). Naghunahuna ba kamo nga ang Dios nagbadlong kang Moises tungod sa iyang pagpaka-aron-ingnon? Wala, gayud. Si Moises wala maghimo niini nga hangyo gikan sa walay kwenta nga kasibut. Siya adunay katuyo-an diha sa atubangan. Iyang nakita nga diha sa iyang kaugalingon nga kusog dili niya mahimo sa ka insakto ang bulohaton sa Dios. Siya nasayud nga kon siya makabaton ug matin-aw nga panan-aw sa himaya sa Dios, siya makahimo sa pag-abanti sa unahan diha sa iyang important nga misyon, dili diha sa iyang kaugalingon nga kusog, kon dili diha sa kusog sa Ginoong Dios nga Makagagahom sa tanan.” – *RH, May 11, 1897.*

c. Unsa man ang nagkalainlaing mga paagi nga gigamit sa Dios aron sa pagpakigsulti kang Aaron? Exodus 6:13; 8:5; Leviticus 10:8.

4. ANG MGA ISRAELITAS NAKA-ILA SA TINGOG SA DIOS

a. Gi-unsang sa Dios pagpakig-sulti ngadto sa mga Israelitas didto duol sa Bukid sa Sinai? Deuteronomio 5:4, 22.

“Ang Dios nagpakuyog sa proklamasyon sa Iyang kasugoan uban sa pagpasundayag sa Iyang gahom ug himaya, aron nga ang Iyang katawohan dili makalimut sa talan-awon, ug nga sila mapasantup uban sa halawom nga pagtahud alang sa Tigpasi-ugda sa balaod, ang Maglalalang sa langit ug yuta. Siya usab magapakita ngadto sa tanang mga tawo sa kasagrado, sa kamahinungdanon, ug pagkamapadayonon sa Iyang kasugoan.” – *PP p. 309.*

b. Unsa may ilang gipili inlugar sa pagpakigsulti direkta ngadto sa Dios? Ngano? Deuteronomio 5:23- 27.

“Ang katawohan sa Israel nalumsan uban sa kahadlok. Ang makahahadlok nga gahom sa tingog sa Dios daw dili gayud maantus sa ilang nagakurog nga mga kasingkasing. Tungod kay samtang ang dakong sumbanan sa katarung gipresentar sa ilang atubangan, ilang nasinati karon ang kangil-ad sa kinaiya sa sala, u gang ilang kaugalingong mga sala diha sa panan-aw sa balaan nga Dios. Sila misibug palayo gikan sa bukid diha sa kahadlok ug kataha. Ang panon sa katawohan mitiyabaw ngadto kang Moises, ‘ Ug miingon sila kang Moises: Makigsulti ka kanamo, ug kami magapatalinghug: apan ang Dios ayaw pasultiha kanamo aron kami dili mamatay. Ug si Moises miingon sa katawohan: Dili kamo mahadlok: kay ang Dios mianhi sa pagsulay kaninyo, ug aron ang pagkahadlok kaniya mahianha sa inyong atubangan aron kamo dili magpakasala. Ug ang katawohan nanagpanindog sa halayo, ug si Moises miduol sa mabaga nga kangitngit, diin didto ang Dios’ (Exodud 20:19-21).” – *Ibid., pp. 309, 310.*

c. Gi-unsang sa Dios pagpakigsulti ngadto sa mga Israelitas sulod sa daghang mga katuigan? Lucas 1:70.

“Pinaagi sa kinaiyahan, pinaagi sa mga tepo ug mga simbolo, pinaagi sa mga patriarka ug mga profeta, ang Dios nagapakigsulti nganhi sa kalibutan.”- *DA p. 34.*

“O nga ikaw, usa ka nasud nga gikaloy-an labaw kay sa uban, nasayud pa lamang sa panahon sa imong pagduaw, ug sa mga butang nga alang sa imong kalinaw! . . . Dili lamang mga ulipon, mga delegado, ug mga profeta, ang imong gidumili-an ug gisalikway, kon dili ang Usa nga Balaan sa Israel, ang imong Manunubos.”- *GC p. 22.*

5. NAGAPAMINAW SA DIOS DIHA SA ATONG KASINATIAN

a. Sa unsa nga ang Dios buot makigsulti kanato karon? Hebreohanon 1:2; Juan 5:39.

“Si Adan ug Eva nakadawat ug kahibalo pinaagi sa direkta nga pagpakigdugtong uban sa Dios; ug sila nakakat-on Kaniya pinaagi sa Iyang mga buhat. . . . Apan pinaagi sa paglapas ang tawo naputol gikan sa pagkat-on sa Dios pinaagi sa direkta nga pagpakigdugtong ug, sa kinadak-ang sukod, pinaagi sa Iyang mga buhat. . . . Ang kinaiyahan sa gihapon nagasulti sa Iyang Maglalalang. Apan kini nga mga pagpadayag bahin lamang ug dili hingpit. Ug diha sa atong nahulog nga kahimtang, uban ang napaluya nga gahom ug uban ang napugngan nga panan-aw, kita dili makahimo sa pag-interpretar niini sa husto. Nagkinahanglan kita ug mas hingpit nga pagpadayag sa Iyang kaugalingon nga gihatag sa Dios diha sa Iyang nasulat nga pulong.”- *Education*, pp. 16, 17.

b. Unsang matang sa personal nga kasinati-an ang buot sa Dios nga atong mabatonan uban sa Iyang pulong? Salmo 34:8; Jeremias 15:16; 29:13.

“Adunay ebedencia nga bukas alang sa tanan- ang labing edukado, ug labing illiterate (walay edukasyon)-and ebedencia sa kasinatian. Ang Dios nagadapit kanato sa pagproyba alang sa atong mga kaugalingon sa riyalidad sa Iyang pulong. . . . Innay sa pagsalig diha sa pulong sa uban, kinahanglan nga kita motilaw niini alang sa atong mga kaugalingon.”- *SC p. 111*.

“Ang Cristohanon nasayud sa Iyang gitooan. Wala lamang siya magabasa sa Biblea; Iyang gisinati ang gahom sa mga pagtudlo niini. . . .

“Siya makapamatuod, ‘Ako nagkinahanglan ug panabang, ug ako kana nga nakaplaga diha kang Jesus. . . . Mangutana ka ba ngano nga ako nagatoo diha kang Jesus? – Tungod kay Siya alang kanako mao ang langitnong Manluluwas. Ngano nga ako nagatoo sa Biblea?-Tungod kay ako kini nga nakaplaga ingon nga mao ang tingog sa Dios nganhi sa akong kalag.”- *Faith I Live By*, p. 16.

PERSONAL SUBLI NGA MGA PANGUTANA

1. Giunsa sa sala pag-usab ang komunikasyon tali sa Dios ug kang Adan ug Eva?
2. Giunsa sa Dios pagpakigdugtong sa una nga mga patriarka?
3. Unsa may nasabtan ni Moises didto sa nagaliyab nga sampinit, ug giunsa niya ang paglihok?
4. Giunsa sa Dios ang pagpakigsulti ngadto sa Israel sa panahon sa Daang Tugon nga mga katuigan?
5. Unsaon nato ang pagpaminaw ang Dios karon?

Si Jesus Nagapatalinghug sa Iyang Amahan

“ Ang Ginoong Jehova nagahatag kanako sa dila niadtong mga tinon-an, aron mahibalo ako sa paglig-on uban ang mga pulong nga angay kaniya nga gikapuyan: siya nagapukaw sa buntagbuntag, siya nagapukaw sa akong igdulungog aron sa pagpamati ingon kanila nga mga tinon-an. Ang Ginoong Jehova nag-abli sa akong igdulungog, ug ako wala magmasinuklanon, ni motalikod” (*Isaias 50:4, 5*).

“[Si Jesus] nakabaton ug kahibalo sa usab sa atong mahimo.” *DA p. 70.*

Gisugyot nga Basahon : *DA pp. 68-74.*

Domingo

Septembre 13

1. ANG METUDO NI JESUS SA PAGKAT-ON

a. Giunsa ni Jesus pagkat-on sa kamatuoran? Hebreohanon 2:10, 16-18; Mateo 7:7.

b. Kinsa man ang Iyang magtutudlo? Juan 5:20.

“Ang bata nga Jesus wala makadawat ug intruksyon diha sa mga skwelahan sa sinagoga. Ang iyang inahan mao ang una niyang tawohanon nga magtutudlo. Gikan sa iyang mga ngabil ug gikan sa mga linukot nga basahon sa mga profeta, siya nakakat-on sa langitnong mga butang. Ang mao nga mga pulong nga mismo gipamulong sa Iyang kaugalingon ngadto kang Moises alang sa Israel siya na karon ang gitudlo-an diha sa tiilan sa iyang inahan. Samtang siya nagatubo gikan sa pagkabata ngadto sa pagkabatan-on, wala Siya magatinguha sa mga skwelahan sa mga rabbi. Wala siya magkinahanglan sa edukasyon nga mabatonan gikan niana nga mga tinubdan; tungod kay ang Dios mao ang Iyang magtutudlo. . . .

“Ingon nga siya nakabaton ug kaalam sama usab sa atong pagahimoon, ang Iyang suod nga pagkahinasa sa mga Kasulatan nagpakita kon unsa ka makugihon nga ang Iyang sayo nga mga tuig gigamit ngadto sa pagtoon sa pulong sa Dios. Ug naladlad sa Iyang atubangan ang dakong librarya sa mga binuhat sa Dios. Siya nga mao ang nagabuhat sa tanang mga butang nagtoon sa mga leksyon nga ang Iyang mga kamot mismo mao ang nagsulat diha sa yuta ug sa dagat ug sa kalangitan. . . . Siya nagatoon sa kinabuhi sa mga tanom ug sa mga mananap, ug sa kinabuhi sa tawo.” – *DA p. 70.*

2. NGANO MAN NGA SI JESUS WALA MOSULOD UG SKWELAHAN

a. Ngano man nga si Jesus midumili sa pagkat-on gikan sa mga rabbi? Roma 10:3; Juan 7:16.

“Sa kaadlawan ni Cristo, ang mga magtutudlo sa mga batan-on mga pormalista. Sa panahon sa Iyang pagpangalagad, si Jesus mipahayag ngadto sa mga rabbi, ‘Nangasayop kamo, kay wala kamo masayud sa mga Kasulatan, ni sa gahom sa Dios.’ Ug Iyang gi-akusar sila nga ‘nagpanudlo sa mga doktrina ug mga kasugoan sa mga tawo’ (Mateo 22:29; 15:9). Ang tradisyon maoy gitun-an, gipadako, ug gitahud labaw kay sa mga Kasulatan. Ang mga sinultihan sa mga tawo, ug ang walay hunong nga liyok sa mga seremonyas, nakabaton ug hilabihan ka dakong bahin diha sa kinabuhi sa studyanti, nga ang edukasyon nga nagapahat ug kaalam sa Dios wala na tagda. Ang dakong mga magtutudlo sa kanunay nagapadako nianang gagmay nga mga butang, nagapakita sa matag detalye nianang pagasundon diha sa mga seremonya sa relihiyon, ug nagahimo sa pagsunod niini ingon nga maoy usa ka pinakalabaw nga obligasyon. Sila nagabayad ug ‘ikapulo sa anis ug yerbabuena ug kumino,’ samtang nga ilang ‘gisayloan ang dagko nga mga bahin sa kasugoan, hustisya, kaluoy, ug pagtoo’ (Mateo 23:23). Tungod niana adunay gipasulod nga daghang basura nga nagtago gikan sa panan-aw sa mga batan-on nianang dagkong gikinahanglan diha serbisyo sa Dios.

“Diha sa sestima sa edukasyon walay dapit alang sa personal nga kasinati-an diin ang kalag makakat-on alang sa iyang kaugalingon sa gahom nianang ‘Mao kini ang gipamulong ni Jehova,’ ug makabaton nianang pagsalig diha sa balaanongpulong nga mao lamang ang makadala ug kalinaw ug gahom uban sa Dios. Nagkapuliki uban sa liyok sa mga porma, ang mga studyanti dinhi niini nga mga tulonghaan walay makaplagang malinawon nga mga takna aron magapakigdugtong uban sa Dios ug maminaw sa Iyang tingog nga magasulti sa ilang mga kasingkasing. Kanang gitagad sa mga rabbi ingon nga labaw nga edukasyon mao ang sa tinud-anay nahimong dakong babag ngadto sa matuod nga edukasyon. Kana kabatok ngadto sa tanang matuod nga kaugmaran. lalom sa ilang pagbansay, ang gahom sa mga batan-on napugngan, ug ang ilang mga kaisipan nahimong napagamay ug napasigpit.” –*FCE pp. 438, 439.*

“Ang tawohanong kinaiyahan kanunay nakigbisug alang sa pagpahayag. Siya nga nahimong hingpit diha kang Cristo kinahanglan una mahaw-asan sa garbo, ug pagkatagbaw sa kaugalingon. Unya adunay kahilom diha sa kalag, ug unya ang tingog sa Dios mabati.” – *ST April 9, 1902.*

b. Unsa may gisalikway ni Jesus sa ilang mga pagtudlo? Mateo 15:3, 9; Colosas 2:8.

3. SA PAGKA-MATINAHURON WALA MOUYON

a. Gi-unsa ni Jesus sa pagka-matinahuron pagpaminaw ug pagsulti ngadto sa mga pangulo sa Iyang kaugalingon nga iglesya sa dihang ilang gilisan ang maayong balita uban sa tradisyon, nga nagpahisalaag sa linibo? Lucas 2:46, 47.

“Kon si Jesus nagpakita pa sa pagsulay sa pagtudlo [sa mga rabbi], sila makaminus gayud sa pagpaminaw. Apan sila nag-ulo-ulo sa ilang mga kaugalingon nga sila nagatudlo Kaniya, o nagasukod sa Iyang kahibalo sa mga Kasulatan. Ang linghud nga kaugdang ug kalumo ni Jesus maoy nagwagtang sa ilang pag-ayad (prejudice).” – *DA p. 80.*

b. Kinsa may giila ni Jesus nga Iyang pamilya dinhi sa yuta? Mateo 12:50. Unsa may Iyang gibati sa dihang ang Iyang kaugalingon pamilya misunod sa tawohanong mga tradisyon?

“Ang mga igsoong lalaki ug mga babaye ni Jesus natudlo-an sa naghingapin nga mga tradisyon ug mga seremonyas sa mga ribbi, apan si Cristo sa Iyang kaugalingon dili ma-inganyo aron ipa-interes ang Iyang kaugalingon dinhi niining mga butanga. Samtang nagapatalinghug sa bisan diin nianang kanunay gibalikbalik nga ‘Buhata kana,’ ug ‘Ayaw kana pagbuhata,’ Siya nagpalain o wala magtagad niini nga mga pagdili. Ang mga tulomanon sa socedad ug ang mga tulomanon sa Dios kanunay nagkabangga; ug samtang diha sa Iyang pagkabatan-on wala Siya mohimo ug direkta nga pag-ataki diha sa mga kustomri o mga kalagdaan sa mga makinaadmanon nga mga magtutudlo, Siya wala mahimong studyanti sa ilang mga skwelahan.

“Si Jesus dili gayud mosunod sa bisan unsang kustomri nga magpahilayo Kaniya gikan sa kabubut-on sa Dios, ni magpahimutang sa Iyang kaugalingon ilalom sa pagtudlo niadtong nagatuboy sa mga pulong sa mga tawo labaw kay sa pulong sa Dios. Iyang gisirad-an sa Iyang hunahuna ang tanan nga sentiment ug pormalidad nga walay pundasyon sa Dios. Dili Siya mohatag ug lona niining mga butanga aron maga-influensya Kaniya. Sa ingon Siya nagatudlo nga mas mayo ang pagsanta sa dautan kay sa pagsulay sa pagkorehir niini sa human nga kini migamut na ug maayo diha sa hunahuna. Ug si Jesus dili buot nga pinaagi sa Iyang influensya ang uban madala sa pagbutang sa ilang mga kaugalingon diha sa dapit diin sila mahimong madunot. Ni Siya ungod sa maong katarungan Siya dili madala sa pagsunod sa walay pulos nga mga porma o magsublisubli sa mga sumbanan (maxims) nga sa ulahi sa Iyang pagpangalagad Iya gayud sa kalig-on gikondina.”- *FCE p. 39.*

4. NAGAKAT-ON GIKAN SA AGALON**a. Kinsa man ang responsabli alang sa edukasyon ni Jesus? Lucas 2:9; Juan 8:28.**

“Bisan pa nga si Jesus nahisakop sa Iyang mga ginikanan, Siya misugod diha sa sayo nga pangidaron nagkina-ugalingon diha sa pagporma sa Iyang kinaiya. Samtang nga ang Iyang inahan mao ang Iyang unang tawohanon nga magtutudlo, Siya kanunay nagadawat ug edukasyon gikan sa Iyang Amahan sa langit. Inlugar sa pagkugi ug toon ibabaw sa kinaadman nga gitunol sa mga rabbi gikan sa mga katuigan ngadto sa mga katuigan, si Jesus, ilalom sa Diosnon nga Magtutudlo, nagtoon sa mga pulong sa Dios, putli ug wala madunot, ug nagatoon usa sa tulonan nga libro sa kinaiyahan. . . . Siya nagdala ug mas putli nga palibut ngadto sa kinabuhing puloy-anan. Bisan pa nga wala Niya ibutang ang Iyang kaugalingon ilalom sa pagtudlo sa mga rabbi pinaagi sa pagkahimong studyanti diha sa ilang mga skwelahan, ngani Siya sagad makahibalag kanila, ug ang mga pangutana nga Iyang gipangutana, nga daw ingon nga Siya usa ka magtutoon, nakapahibulong sa maalamon nga mga tawo; tungod kay ang ilang mga pag-ginawi wala mahiuyon sa mga Kasulatan, ug sila wala makabaton sa kaalam nga nagagikan sa Dios. Bisan niadtong wala mahimuot diha sa Iyang dili pagsunod sa popular nga mga batasan, ang Iyang edukasyon daw mas hataas nga matang kay sa ilang edukasyon.” – *FCE pp. 439, 440.*

b. Unsa may atong angay nga kat-onon? Colosas 3:1, 2; Mateo 11:29. Sa unsa nga kita ma-edukar?

“Ang matag bata makahimo sa pagbaton ug kaalam maingon sa gihimo ni Jesus. Sa dihang kita maninguha nga mahimong mahinasa uban sa atong langitnong Amahan pinaagi sa Iyang pulong, ang mga manolonda mopaduol, ang atong mga hunahuna mapalig-on, ang atong mga kinaiya mapatuboy ug mapaputli. Kita molabi pagkahisama sa atong Manluluwas. Ug sa dihang atong makita ang katahom ug pagkadako sa kinaiyahan, ang atong mga pagbati mohandum ngadto sa Dios. Samtang nga ang spiritu mapataha, ang kalag mapadasig diha sa pagpakigdugtong uban sa Dios pinaagi sa Iyang mga buhat. Ang pagpakigdugtong uban sa Dios pinaagi sa pag-ampo maka-ugmad sa utoknon ug moral nga mga galamhan, u gang spiritohanon nga mga gahom mapalig-on sa dihang kita magatikad sa mga panghunahuna diha sa spiritohanon nga mga butang.” – *DA pp. 70, 71.*

“Maoy buhat sa matud nga edukasyon . . . ang pagbansay sa mga batan-on aron mahimong magahunahuna, ug dili nga usa lamang ka tigpasibaw sa hunahuna sa uban. Innay sa paglimiti sa ilang pagtuon diha nianang unsay gisulti o gisulat sa mga tawo, kinahanglan nga ang mga studyanti magiyahan ngadto sa kamatuoran, ngadto sa haluag nga mga kaumhan nga bukas alang sa pagtuki diha sa kinaiyahan ug sa gipadayag.” – *Education, p. 17.*

5. KITA USAB MAHIMONG MAKABATON UG KALAMPUSAN

a. Gi-unsa ni Jesus pag-andam ang Iyang kaugalingon alang sa Iyang bulohaton sa kinabuhi? Isaias 50:4, 5.

“Pagpakigdugtong uban sa Dios, ang hingpit nga pagtugyan sa kalag ngadto Kaniya, diha sa pagtuman sa Iyang pulong sa walay pag-ila sa bakak nga edukasyon o sa mga kustomri o mga tradisyon sa Iyang kapanahonan, nagtimaan sa kinabuhi ni Jesus.” – *Fundamentals of Christian Education*, p. 440.

b. Unsaon nato ang pagtuon aron nga molangpus? Isaias 55:6, 7.

“Aron kanunay maanaa sa kapuliki nga kalihukan, nangita sa pipila ka gawasnon nga binuhatan aron makapakita sa ilang labaw nga kabuotan, diha sa pagsabut sa mga rabbi mao ang relihiyon; samtang nga sa sama nga higayon, pinaagi sa ilang makanunayon nga paglapas sa pulong sa Dios, ilang gibalit-ad ang dalan sa Ginoo. Apan ang edukasyon nga gipaluyohan sa Dios, magadala sa tawo sa pagpangita sa Dios. . . . Ang Dios dili ug dili gayud malimitihan pinaagi sa tawohanon nga mga organisasyon o tawohanon nga mga plano. Ang matag kalag kinahanglan nga adunay personal nga kasinati-an diha sa pagbaton ug kahibalo sa kabubut-on ug mga paagi sa Dios. Diha sa tanan nga anaa nailalom sa pagbansay sa Dios kinahanglan nga maipakita ang kinabuhi nga dili nahiuyon sa kalibutan, sa mga kustomri niini, mga pag-ginawi, o mga kasinati-an niini. Pinaagi sa pagtuon sa mga Kasulatan, pinaagi sa mainiton nga pag-ampo, sila makahimo sa pagpaminaw sa Iyang mensahi ngadto kanila, ‘Humilum kamo ug ilhon ninyo nga ako mao ang Dios’ (Salmo 46:10). Sa dihang ang tanan ubang tingog mohunong, sa dihang ang matag yutan-ong interes pagatalikdan, ang kahilom sa kalag magahimo nga labing klaro sa tingog sa Dios. Dinhi ang pahulay makaplagnan diha Kaniya.” – *Ibid.*, pp. 440, 441.

PERSONAL SUBLI NGA MGA PANGUTANA

- 1. Giunsa ni Jesus pagkat-on?**
- 2. Unsa may nakasayop sa sestima sa edukasyon sa Iyang panahon?**
- 3. Gi-unsa ni Jesus pagpakita ang Iyang dili pag-uyon sa midagsang nga mga kustomri kaniadto?**
- 4. Unsaon man nato pagpalambo ang atong utoknon nga mga galamhan?**
- 5. Unsaon man nato sa pagkahimong malampuson maingon kang Jesus kaniadto?**

“Sulti, Ginoo”

“Patalinghug, Oh akong katawohan, ug ako mosulti;. . . Ako mao ang Dios, bisan ang imong Dios” (Salmo 50:7).

“Kinahanglan nga andam kanunay, nga maga-ingon, ‘Sulti. Ginoo: kay ang imong ulipon maminaw’ (1 Samuel 3:9).” – *RH July 26, 1898.*

Gisugyot nga Basahon: *Faith and Works*, pp. 121, 122.

Domingo

Septembre 20

1. SI MARIA, ANG SULOGOON NGA BABAYE SA GINOO

a. Unsa man ang gawi ni Maria sa dihang ang Dios nagpadala ug usa ka mensahi ngadto kaniya? Lucas 1:38.

“[Bantayi] ang matam-is, sama sa bata nga pagtoo ni Maria, ang dalaga sa Nazaret.” – *DA p. 98.*

b. Kinsa usab ang nagatagna kang Cristo aron magapalig-on sa pagtoo ni Maria? Lucas 1:41-43, 67-69; 2:25-32, 36-38. Kinsa may naninguha sa pagdaut sa iyang pagtoo diha kang Jesus?

“Si Maria usahay mokontra kang Jesus ug nag-awhag Kaniya sa pagpahiuyon ngadto sa mga pag-usar sa mga rabbi. Apan dili gayud Siya madala ngadto sa pag-usab sa iyang mga batasan sa pagpamalandong sa mga buhat sa Dios ug nagatinguha aron sa pagtangtang sa pag-antus sa mga tawo o bisan sa mga pag-antus sa amang nga mga mananap. Sa dihang ang mga sacerdote ug mga magtutudlo nangayo sa panabang ni Maria aron sa pagpugong kang Jesus, siya sa hilabihan nasamok; apan ang kalinaw mitungha ngadto sa iyang kasingkasing sa dihang iyang gipresentar ang pahayag sa Kasulatan nga nagapalig-on sa iyang mga pagbansay.

“Dihay mga panahon nga siya (Maria) nagpalingpaling tali kang Jesus ug sa iyang mga igsoong lalaki, kinsa wala motoo nga Siya mao ang Pinadala sa Dios; apan ang ebedensya bug-at nga Siya anaa sa pagka-diosnon nga kinaiya. Siya (Maria) nakakita Kaniya nga nagasakrifisyo sa iyang kaugalingon alang sa ikaayo sa uban. Ang iyang presencia nagadala ug usa ka putli nga palibut diha sa puloy-anan, u gang iyang kinabuhi maoy ingon usa ka levadora nga nagabuhat taliwala sa mga elemento sa socedad.” – *Ibid., p. 90.*

2. SI SAMUEL, USA KA ULIPON SA DIOS

a. Unsang kasinati-an ang kinahanglan mahimong atong modelo matag-adlaw? 1 Samuel 3:7-10.

“Kon inyong ibutang ang inyong mga kaugalingon sa dapit diin didto gayud ikaw angay mapahilona aron makadungog sa tingog sa Dios, ikaw moduol sa Iyang atubangan matag adlaw, nga maga-ingon, ‘Sulti, Ginoo; kay ang imong ulipon maminaw.’ ‘Ginoo. Unsa may buot Mo nga pagabuhaton ko?’ (1 Samuel 3:9; Buhat 9:6).” – *General Conference Daily Bulletin, March 20, 1891.*

“Kinahanglan nato karon ang pagpaubos sa atong mga kasingkasing atubangan sa Dios. Gikinahanglan nato karon ang dili paghulat diha sa mayam-angon nga gawi, kon dili diha sa pagka-attentibo, matinahoron nga gawi.” – *MR vol. 19, p. 28.*

b. Unsaon nato ang pag-ila sa matag talento, kahigayonan, ug ang mga tinubdan nga atong nabatonan? 1 Cronikas 29:12-14. Unsa may makadaut niini nga pagginawi ug makadaut sa atong spiritohanon nga kasinatian?

“Bisan unsa pa ka dako, bisan unsa pa ka gamay, ang imong mga talento, hinumdomi nga kon unsa ang imong nabatonan kana nahimong imo lamang pinaagi sa pagpiyal. Sa ingon niana ang Dios magasulay kanimo, magahatag kanimo ug kahigayonan sa pagpakita sa imong kaugalingon nga matinud-anon. Ngadto Kaniya ikaw utangan tungod sa tanan nimo nga kapabilidad. Ngadto Kaniya nagagikan ang imong mga gahom sa lawas, hunahuna, ug kalag, ug alang Kaniya kining mga gahoma pagagamiton. Ang imong panahon, imong influensya, imong kapabilidad, imong kahanas- ang tanan pagahatagan ug husay ngadto Kaniya nga mao naghatag niining tanan. Kadtong naningkamut sa pagtuman sa dakong plano sa pagtuboy sa tawo mao ang nagagamit ug husto sa iyang mga gasa.

“Paglahutay diha sa bulohaton nga imong nasugdan, hangtud nga imong mabatonan ang sunod-sunod nga kadaugan. Edukaha ang inyong mga kaugalingon alang sa usa ka katuyo-an. Kanunay nga magatumong sa kinatas-an nga standarti aron nga ikaw makahimo ug dako ug mas dako pa gayud nga kaayohan, sa ingon makapasibaw sa himaya sa Dios.”- *YI, January 25, 1910.*

“Ang kaugalingon adunay mas dako pa nga buhaton diha sa atong relihiyoso nga kasinati-an kay sa atong gihunahuna. Sa dihang ang kaugalingon nalansang, sa dihang ang sukihan nga kabubut-on madaug, unya ang pinulongan sa kasingkasing magamao, ‘Dili ang akong kabubut-on, kon dili ang Imo, ang matuman, O Dios, nga nanagpanag-iya kanako ug mao ang akong ginaalagaran.’ ‘Sulti, Ginoo, tungod ka yang imong ulipon maminaw.’ Walay mausa nga ingon sa gipahaum nga mga bitoon, bugnaw ug dili mabalhin. Kining hakug, kalibutanon nga dignidad dili na gayud pagapadayanon. Aduna unyay usa ka matahom nga panaghiusa sa kaputli, pagkatinuboy ug pagkahalangdon, nga mao ang kaalam gikan sa itaas ug ang kaaghup ug pagkamapa-ubsanon ni Jesu-Cristo. Ang usa ka inosenti nga kordero mao ang gipili ingon nga representasyon ni Cristo.” – *MR, vol. 12, p. 191.*

3. MAHIMONG INGON KANG SAMUEL**a. Unsa man ang tinubdan sa kalampusan alang sa matag Cristohanon? 1 Corinto 15:10.**

“Ang kalampusan sa matag buhat nagadependi diha sa pagpanalangin sa Dios. Kon ang Ginoo magabuhat uban kanimo, ikaw makahimo sa pagbuhat kon unsa ang Iyang gitudlo nga pagabuhaton nimo. Uban sa Dios, ang usa makahimo sa pag-abug ug usa ka libo, ug ang duha makahimo sa pagpakalagiw sa napulo ka libo. Apan hangtud nga inyong mintinahon kining spiritu sa pagka Fariseo, ang spiritu sa Dios dili mobuhat, ug dili gayud makabuhat uban kanimo, tungod kay ikaw wala magabati sa imong pagdependi diha Kaniya. Sa dihang ikaw mahimong magtutoon diha sa tulonghaan ni Cristo, ikaw makabaton sa kayano ug kaaghup sa gagmay nga mga kabataan, ug maga-ampo nga mainiton alang sa panabang gikan sa Dios. Ang inyong mga igdulogog maablihan, ug ikaw makahimo sa pagsulti gikan sa kasingkasing, ‘Sulti Ginoo, ka yang imong ulipon maminaw.’” – *The Ellen G. White 1888 Materials*, p. 410.

b. Unsa may hinungdan sa pagkapakyas sa kang bisan kinsa nga Cristohanon? Proverbio 12:15; Isaias 5:20.

“Ang Dios buot magbutang sa Iyang spiritu diha kaninyo; apan dili Siya makahimo niini samtang ikaw hilabihan ka puno sa kaugalingon. Sa dihang ang kaugalingon mamatay, imong bati-on ang makabuhi nga inpluensya sa spiritu sa Dios. Ang katawohan sa Dios gisugo sa pagtinguha alang sa panaghi-usa. . . . Dili na panahon alang sa pag-iyahay ug panagbangi, sa pagpatuyang sa usa ka hakug, sukwahi nga spiritu. Inyo bang gamhan ang inyong mga kaugalingon, o andam ba kamo sa pagpadayon sa inyong pagkatig-a, dili mapasinakupon nga disposisyon ingon nga ebedensya sa matinumanon nga integridad? Dili buot ang Dios nga kamo mabutaan, maingon sa mga Fariseo, ug nagbutang sa maayo alang sa dautan, ug sa dautan alang sa maayo. Kamo dili gayud makabaton ug bisan unsa ka mas dako pa nga ebedencia kay sa inyo nang nabatongan kon hain ang spiritu sa Dios nagabuhat. Ang Ginoo dili gayud magasugyot sa pagwagtang sa tanang kahigayonan alang sa mga tawo sa pagduhaduha. Siya mohatag ug paigo nga ebedencia aron sa pagdala sa matinuoron nga kaisipan ngadto sa husto nga desisyon; apan kon kamo buot gayud nga magasunod sa inyong kinaugalingon nga dalan, kon kamo sama kang Saul, dili buot nga mag-usab sa inyong tumong tungod sa garbo ug pagkagahi ug kasingkasing, tungod sa pagka-ignoranti sa imong kaugalingong kahimtang sa spiritohanon nga kakulangon, dili gayud ninyo maila ang kahaya. Kamo moingon uban kang Saul, ‘Ako nang natuman ang kasugo-an sa Ginoo’ (1 Samuel 15:13).” – *Ibid.*, pp. 410, 411.

4. USA KA PAHAMANGNO**a. Unsa may mahitabo niadtong nagasalig diha sa tawohanong pangatarungan inlugar sa pagsunod sa tambag gikan sa Dios? Proverbeo 1:2-26.**

“Samtang kita magapamalandong sa solemni nga mga pulong sa pasidaan nga gitumong ngadto sa Israel, kita diha sa handurawan gidala atubangan sa dakong maputi nga trono, diin diha sa presencia sa nagkatigum nga uniberso, ang matag tawo pagahukman sumala sa mga nabuhat sa lawas. . . .

“Wala na unyay maluoy pa sa kabuangan niadtong nagatamay ug nagasikway sa Dios. Wala nay magahumpay sa ilang kasakitan. Ilang gibiyaan ang ilang matuod ug mahigugmaon nga Higala, aron mosunod diha sa dalan sa kasayon ug kalibutanon nga kalipayan. Sila nagtinguha sa pipila ka higayon sa pagbalik ngadto sa Dios. Apan ang kalibutan, uban sa kabuangan ug mga limbong niini, maoy nagatugob sa pagtagad. Ang walay pulos nga mga kalingawan, garbo sa pamisti, pagpatuyang sa gana, nagpagahi sa kasingkasing ug nagpabinhud sa konsencia, aron nga ang tingog sa kamatuoran dili mabati-an. Ang katungdanan maoy tinamay nga pulong. Ang mga butang nga walay kinutoban ug bili sa magaan lamang gitagad, hangtud nga ang kasingkasing nawad-an sa tanang handum sa pagsakrifisyo alang Kaniya nga mihatag ug hilabihan alang sa tawo. Apan unya sa panahon sa pag-ani ilang pagahipuson ang matang sa binhi nga ilang gipugas. . . .

“ ‘Unya sila magasangpit kanako, apan ako dili motubag; sila magapangita nga masingkamoton kanako, apan sila dili makakaplag kanako. Tungod kay ilang gidumtan ang kinaadman, ug wala magpili sa pagkahadlok kang Jehova, sila wala mobuot sa akong tambag, sila nagtamay sa tanan ko nga pagbad-long. Busa sila magakaon sa bunga sa ilang kaugalingong dalan, ug mangabusog sa ilang kaugalingong mga lalang’ (Proverbeo 1:28-31).” – *ST August 18, 1881.*

b. Unsa may saad niadtong nagapatalinghug sa Dios? Proverbeo 1:33.

“Makakaplag pa ba kita ug mas siguro nga giya kay kang Ginoong Jesus? Ang matuod nga relihiyon na nahiusa diha sa Pulong sa Dios ug nagalangkub sa pagpagiya sa Usa nga Balaan diha sa hunahuna, pulong, ug buhat. Siya nga mao ang Dalan, ang Kamatouran, ug ang Kinabuhi magasunod sa mapaubsanon, mainiton, matinud-anon nga magpapangita, ug maga-ingon, Sunod Kanako. Siya magatultol kaniya ngadto sa masigpit nga dalan sa pagkabalaan ug sa langit. Si Cristo nagbukas niini nga dalan alang kanato diha sa dakong bili sa Iyang kaugalingon. Wala kita pasagdi aron masukamud diha sa atong dalan latas sa kangitngit. Si Jesus anaa diha sa atong too nga kamot, nga nagpahayag, ‘Ako ang Dalan.’ Ug ang tanan nga midesider sa pagsunod sa Ginoo sa hingpit gayud magiyahan diha sa harianon nga alagianan, oo dugang pa, diha sa alagianan nga gipahalona alang sa mga linukat sa Ginoo aron pagalaktan.”- *RH, March 29, 1906.*

5. USA KA HANGYO**a. Unsa may atong akat-onan gikan sa pag-ampo ni David? Salmo 119:33-38.**

“Ang makasasala nga nagadumili sa paghatag sa iyang kaugalingon ngadto sa Dios anaa nailalom sa pagmando sa lain nga gahom, nagapaminaw ngadto sa lain nga tingog, kansang mga sugyot lahi ra kaayo. Ang pagbati magakontrolar kaniya, ang iyang paghukom nabutaan, ang rason napaus-us, ug ang mahinaykon nga mga handum magapakiling kaniya, karon dinhi, karon didto. Ang kamatuoran adunay dyutay lamang nga inpluensya diha kaniya, tungod kay diha sa tawohanon nga kinaiya, kon mahibulag gikan sa Tuboran sa kamatuoran, ang makanunayon nga pagsupak sa kabubut-on ug mga paagi sa Dios. Ang pisikal, mental, ug moral pagkabinuhat ang tanan nailalom sa pagbulot-an sa dinalidali nga mga pagbati. Ang mga pagbati nadaut, ug ang matag galamhan nga gisalig nganhi sa tawo alang sa mainalamon nga pagpa-uswag nahimong na demoralisa. Ang tawo nahimong patay diha sa paglapas ug mga kasal-anan. Ang inklinasyon magapalihok, ang pagbati maoy nagkontrolar, ug ang iyang mga ganan anaa nailalom sa pagkiling sa usa ka gahom nga wala niya mamatikdi. Siya magahisgut ug kagawasan, kagawasan sa paglihok, samtang nga siya anaa sa labing talamayon nga pagka-ulipon.”- *The Review and Herald, February 17, 1891.*

b. Isaysay unsaon nga atong malikayan nga mahimong madaug sa kaaway. Santiago 4:7-10; Filipos 4:13.

“Kadtong naga-angkon ingon nga mga Cristohanon anaa sa padayon nga panginahanglan sa usa ka gahom nga wala diha sa ilang mga kaugalingon. Kinahanglan nga sila magatukaw diha sa pag-ampo, ug magapahilona sa ilang mga kaugalingon ilalom sa pagbantay sa Dios, kon dili, sila mabuntog gayud sa kaaway. Ang Cristohanon kinahanglan nga motan-aw ngadto sa Dios, maingon sa ulipon ngadto sa iyang agalon, maingon sa sulogoon nga babaye ngadto sa iyang agalon nga babaye, nga maga-ingon, ‘Ginoo, unsa bay buot mo nga pagabuhaton ko?’ (Buhat 9:6).” – *Ibid.*

PERSONAL SUBLI NGA MGA PANGUTANA

1. Unsa may atong makat-onan gikan kang Maria?
2. Unsa may atong makat-onan gikan sa kasinatian ni Samuel ingon nga usa ka batan-on anak?
3. Unsaon nato sa pagpakita nga kita mga magtutoon diha sa skwelahan ni Cristo?
4. Unsaon nato sa paglakaw diha sa harianon nga dalan?
5. Unsaon nato sa pagpaminaw ang Dios ug makabaton sa Iyang gahom dinhi sa atong kinabuhi?

Unang Sabado nga Halad



Hulyo 4

Alang sa pagrenoba sa simbahan
didto sa Hungaria
(Makita sa pahina. 4)

Agosto 1

Alang Sa Misyonero Nga Mga Skwelahan
(Makita sa pahina. 25.)



Septembre 5

alang sa kapelya sa
Washington, D.C
(Makita sa pahina. 51.)